

Riaona

A close-up photograph of a young man with dark hair, smiling broadly. He is wearing a dark blue suit jacket, a white dress shirt, and a light blue patterned tie. In the background, there are other people and a building, suggesting an outdoor event.

**A mwaiti
Rorонrikirake
Aika Nako n te
Tembora: Buokia
Katauraoia,
iteraniba. 18**

**Taraan Au Mition rinanon
te Taratara ae Boou,
iteraniba. 42**

**E na kanga te Bitiobi Ni
Buokiko n Rairananom,
iteraniba. 58**

**E taku lesu Tangiria
Aomata Nako—Aika
Iowawa naba, iteraniba. 68**



*"E ngae ngke ti
namakinna bwa ti
bua i nuukan baika
ti kaitara mangaai
ngkai, E berita te
Atua ibukin ana
kantaninga n
Otana—Ana berita
e na kaotaa kawaira
ao ni kaota te kawai
man te roo."*

Beretitenti Dieter F. Uchtdorf,
Kauoman ni Kauntira n
te Moan Beretitentii, "Te
Kantaninga n Otan te Atua,"
Riaona, Meei 2013, 70.

Riaona, Okitobwa 2013



20

TAIAN RONGORONGO

- 4 **Te Rongorongo man te Moan Beretitentii: Mwiokoara ni Kamaiu**
Iroun Beretitenti Thomas S. Monson
- 7 **Te Rongorongo n Reirei ni Kakawari: Ana Mwakuri Iesu Kristo ae Tabu: Te Tia Karikibwai**

TE RONGORONGO AE ONOTI N TE BEEBA NI KAONGORA

- 12 **Karaoa Raoi Tabem**
Unimwaane Quentin L. Cook
Ngana ti karabai kinaakira e a rikirake ni bebete nakon are mai mwaina, iai reirei aika a kakawaki aika a trekereke n aki kabonganakin te ubu ao ni koaua raoi nakon am onimaki.

I AON TINANIKUNA

I moa: Kamatata n te korotamnei iroun Cody Bell.
Buki: Kamatata n te korotamnei iroun Cody Bell.
Inanova are mai moa: Kamatata n te korotamnei iroun iStockphoto/Thinkstock.

- 18 **Kairake ao Berita aika Tabu n te Tembora**
Iroun Gary ao Susan Carter
Ai bon te tai ngkai ni wakina katauraoaia am ataei n rin n te tembora.

- 20 **Rikiara Ni Mitinare Ae Kakannato**
Iroun LaRene Porter Gaunt ao Linda Dekker Lopez
Ni kabane mitinare, n taai ake rimoa ao n taai aikai, a beku ma te kantaninga bwa ana karaoa te maiu bwa e na nakoraoi riki ibukia aomata nako.

- 26 **Te katauraoi ni kaitara te Bong ni Buaka**
Iroun Unimwaane Eduardo Gavarret
Te kabanea ni mangori ni koaua e kona n rota arora i nanon te bobuaka n te maiu aei.

- 30 **Kawaekoan te Mwakuri ni Kamaiu**
Kainakin ana Ekaretia te Uea e nanonaki bwa ko a weteaki bwa ko na kabanea nanom ae bwanin nakon Ana mwakuri ni kamaiu.

- 34 **Riki bwa Aomatan te Raoi**
Iroun Matthew D. Flitton
Te euangkerio e bita nanon te aomata—ao ni botia ana utu ni kabane.

TABO NI MWAKURI



- 8 **Te Boki Ibukin te Maungatabu n Okitobwa: lango man te Maungatabu ni Kabuta**
Iroun Tina Spencer
- 9 **Anga reirei Ibukin Kakorakoria Kairake: Kamarurung n te maiu n Rabwata ao n te lango**
- 10 **Rongorongan te Ekaretia**
- 38 **Bwanaaia Aika Itiaki ni Boong Aika Kaitira**
- 80 **Ni Karokoa Ae Ti A Manga Kaitiboaki: I Taea . . .**
Iroun R. Val Johnson



42

42 N na kanga n Riki bwa te Mitinare ae Nakoraoi?

Iroun Lauren Bangerter Wilde
Ti rinanon te kakaitaraki n angin te tai, ao e bwara nanou. I riai ni kakaea nanon te tokanikai ae boou.

**46 N Riki bwa te Mitinare N Taetaekina Au Euangkerio**

Iroun Unimwaane David A. Bednar
Aikai nimaua bwai ake e na buo-kiko bwa ko na riki ngkoe bwa te mitinare ae nako raoi.

51 Tii Moangare ao Kangai I aki

Iroun Hazel Marie Tibule
N na kanga ni kangai I aki nakon te beretitenti n te kambwana?

52 Ibukin Kakorakoraia Kairake: Kakorakorako, Kamarurungko, Kawanawanako

Iroun Unimwaane Adrián Ochoa
Karini am kau n teneti ao waki nako!

54 N Tou Mwiin Mwanekana

Iroun Melissa Zenteno
N riki n ai aron Jesu Kristo kanga ko namakina ae ko mena n te karinan n rabakau are ieta, ma e moanaki te waki man am moan mwaneka.

56 Titiraki & Kaekaia

"Tera ae N na taekinna nakoia aika tiaki kaain te aro ngkana a titiraki bwa bukin tera tabeman kaain te Ekaretia a aki maiuakin ara kainibaire?"

58 Bukin tera ao Tera ae I Riai ni Kaotibure iai Nakon Au Bitiobi?

Iroun Unimwaane C. Scott Grow
Te Rairannano bon te bwai ae onoti i marenau ma te Uea. Bukin tera bwa I riai n taetae naba nakon au bitiobi?

52



61

61 Kaoa te Tia Kamaiu bwa e na Rin Inanom

Iroun Unimwaane O. Vincent Haleck
E kakantinga te Tia Kamaiu bwa kona kaaoa nako nanom maium!

62 Te Riikan ae Boou

Iroun Jane McBride Choate
E nako nanon Benji ni kabutan te toa. E kona ni karaoa raoi aei?

64 I aon te kawai: Tataninga i nanon Auti ni Maeka n tain te Maitoro

Iroun Jennifer Maddy

66 Aomata Aika Itiaki a Toki n Auti ni Maeka n tain te Kamaitoro

Iroun Arie Van De Graaff

67 Te Tia Kakoaua ae Onoti: E kanga n taetae lesu Kristo nakoia burabeti?

Iroun Unimwaane D. Todd Christofferson

68 Buoka Violet

Iroun Charlotte Mae Sheppard
E rangin moabee n tainako Violet nakon Emma. Bukin tera Emma e karaoa ae raoiroi nakoina?

70 Karokoan te Moanrinan n te Mweenga: N na Tibwaua te Euangkerio ma Natin te Atua ni Kabane**72 Camille mai New York City****74 Ara Iteraniba****76 Ibukia Ataei Aika A Uarereke****81 Tamnein te Burabeti: David O. McKay**

Ana Maekatiin ibukin te Aonaaba Ana Ekaretia Iesu Kristo ibukia Aika Itaki ni Boong Aika Kaitira ae koreaki n te taetae ni Kiribati

Te Moan Beritetitentii: Thomas S. Monson, Henry B. Eyring, Dieter F. Uchtdorf

Te Kooram n Abotoro n te Tengaun ma Uoman:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Eteta: Craig A. Cardon

Taan Ibuobuoki: Shayne M. Bowen, Bradley D. Foster, Christoffel Golden Jr., Anthony D. Perkins

Manatia n Tarekita: David T. Warner

Tarekita n Etetorio: Vincent A. Vaughn

Tarekita n Ware: Allan R. Loyborg

Manatia ni Bitiniti: Garff Cannon

Manatia n Eteta: R. Val Johnson

Kauoman ni Manatia n Eteta: Ryan Carr, LaRene Porter Gaunt

Tia ibuobuoki ni Boreeti: Melissa Zenteno

Koroboki ao te Tiim n Tiribure: Susan Barrett, David Dickson, David A. Edwards, Matthew D. Flitton, Mindy Raye Friedman, Lori Fuller, Gary H. Garff, Jennifer Grace Jones, Michael R. Morris, Richard M. Romney, Paul VanDenBerghe

Manatia n Tarekita ni Korobanna: J. Scott Knudsen

Tarekita ni Korobanna: Tadd R. Peterson

Tiim ni Korobanna: Jeanette Andrews, Fay P. Andrus, C. Kimball Bott, Thomas Child, Kerry Lynn C. Herrin, Colleen Hinckley, Eric P. Johnsen, Susan Lofgren, Scott M. Mooy, Brad Teare

Intellectual Property Coordinator: Collette Nebeker Aune

Manatia ni Karaobwai: Jane Ann Peters

Tiim ni Karaobwai: Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gayle Tate Rafferty

Imwaain te Marooro: Jeff L. Martin

Tarekita ni Boreeti: Craig K. Sedgwick

Tarekita n Tibwatibwa: Stephen R. Christiansen

Ibukin kabwakamwane ao boon taian Maekatiin i tinanikun Amerika ao Kanata, taraa te kabane n iteraniba n ana tabo te rongorongo ke kawara ana tabo n tibwatibwa am Ekaretia i aon abam. Ma tiaki ti ngaiia ma ibukin titiraki ni kaeti mo Boon te Maekatiin i aon Kiribati, kawara, tareboon ke koroboki nakon Biromina Toromon Tareboon (Tarawa) (686) 21-602 Baekiti (Fax): (686) 22-462, Atureti: P.O. Box 278 Bikenibeu, Tarawa, Kiribati. Te mwane aae n ea kakabwakaaki ibukin boon te maekatiin bon 50 te tianti n (teuna te kaobi).

Kanakoi bwaii aika a na boretiaki ao titiraki nakon aonrain n te liahona.lids.org; ni meerinna nakon te *Liahona*, Rm. 2420, 50 E. North Temple St., Salt Lake City, UT 84150-0024, USA; ke i-meeri nakon: liahona@ldschurch.org.

Te *Riaona* (nanon te taeka aei n ana Boki Moomon te "kambwati" ke te "tia kaota te kawai") e boretiaki te Maeketiin te Aonaaba n te taetae n Aitian, Aitirantika, Angkare, Armenia, Arobania, Baorokaeria, Biiti, Binran, Bislama, Booran, Botukare, Buranti, Engiran, Etitionia, Greek, Intonitia, Itare, Kamboria, Kiribati, Korea, Korotian, Kuebuano, Malagasy, Matiare, Mongolian, Naetaraen, Noueeli, Rativia, Rituna, Roumania, Rutia, Swahili, Taai, Taiti, Takaroko, Tamao, Tenimwick, Tiabaaan, Tiaina, Tiaman, Tibeen, Tieko, Tirowenia (Slovenia), Twiiten, Tonga, Ukureinia, Urdu, ao Vietemaen. (A kakaokoro tain talaat taetae nako.)

© 2013 man Intellectual Reserve Inc., A Kawakinaki inaomata ni Kabane Ana Ekaretia Iesu Kristo ibukia aika Itaki ni Boong aika Kaitira. E boretiaki n te U.S.A.

Koroboki ao tamnei naku te *Riaona* a kona ni karaoaki katootoa ibukin bootaki aika varereke, kabongananaa ibukin te aki karekemwane n te ekaretia ke te mweenga. Korotannei n aki katootongaki ngkanai lai tuua ake a kaotaki n aron taekan te korobana. Titiraki a riai ni koreaki nakon Intellectual Property Office, 50 East North Temple Street, Salt Lake City, UT 84150, USA e-mail: cor-intellectualproperty@ldschurch.org.

For Readers in the United States and Canada:

October 2013 Vol. 16 No. 4 (USPS 311-480) LIAHONA Kiribati, (ISSN 1096-5130), is published four times a year (January, April, July, and October) by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$4.00 per year; Canada, \$4.80 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 707.4.12.5). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

Iango Ibukin Botakin te Utu n te Tairiki

Te bwai ae taekinaki aio kanoana bwai ao mwakuri ake a na kona ni kamanenaki ibukin te botaki n utu.n te tairiki. Iai uoua iango aika imwina.



KAMATATA N TE KOROTANNEI IROUN CRAIG DIMOND

"N riki bwa te Mitinare N Taetaekina

Au Euangkerio," iteraniba 46: langoa ni maroroakinna n aron ae te utu nimaua katei ibukia Mitinare *N Taetaekina Au Euangkerio*. Ngkanne iangoia ni kataneiai i aon reirei aikai. Ko kona ni manga rinanon mwakoron *Taetaekina Au Euangkerio* ni kabane ao n anganlia aia tai kaain te utu aika a kakaokoro ni kataneiai n angareirei i aon mwakoron reirei ni mitinare ngkai tabeman utu a baka n riki bwa taan tia kakaei. Ko kona naba ni maroroakin kakaewenako ibukin te mwakuri ni mitinare ao n iangoi kawai ni karikirakei katei aika a kabwarabwaraki iroun Unimwaane David A. Bednar.

"Kakorakorako, Kamarurungko,

Kawanawanako," iteraniba 52: I mwin manga rinanoan ana rongorongo Unimwaane Adrián Ochoa, iangoa bairean te waki ni kakukurei are e na kona ni karikia kaain am utu bwa a na rangin kakamwakuri n te maiu n rabwata ni kabane. Ko kona n takakaro n te takakaro ke n nakonako. Kakoua bwa ko na karaoa am waki ni kakukurei nakon aia ririki ao aia konabwai kaain am utu (ko kona ni butia natim aika a ikawai ni buokia aika a uarereke ni katia te waki, n aron te katoto). I mwin am waki ni kakukurei maroroakin kakawakin anua ni maiu n rabwata aika a kakamwakuri. Ko na bae naba ni bairei kawai n reitanako te mwakuri n irii aia reirei ara burabeti aika a maiu n tararuai rabwatara.

N OIN AM TAETAE

Te *Riaona* ao tabeua bokin te Ekaretia a kona ni karekeaki n taetae aika batia man languages.lids.org.

ATUN RONGORONGO N TE BEEBA NI KAONGORA AEI

Nambwa a tei ibukin te moan iteraniba n te beeба ni kaongora aei.

Anuan Kristo, 54

Ataei, 76

Bitiobi, 58

Burabeti, 67

Bwaeoniaa, 64

Etieti, 12, 51

Iesu Kristo, 7, 76

Kabwarabure, 58, 68

Kainibaire, 56, 80

Kaotibre, 58

Karikibwai, 7

Katauraoi, 26

Kiribati, 80

Kouru, 12, 54

Marurung, 9, 52

McKay, David O., 81

Motikitaeka, 56

Mwakuri ni mitinare, 20,

30, 40, 42, 46, 61, 70, 72

Rairannano, 58

raoi, 34

Rongorongan te Ekaretia, 64, 66

Taetaekina Au

Euangkerio, 42, 46, 54

Tangira ae Kororaoi, 4,

20, 34, 68

Te Kaangaanga, 42, 64, 68

Te Kaotioti, 67

Te kariiri, 51, 80

Te Katoto, 12, 56

Tembora, 18, 34

Te Mwakuri ni

Kamarurung, 4, 30, 38

Te Nakoanibonga, 62, 76

Te Tamnei ae Raoiroi, 41, 46

Tuan te Mauri, 9, 51, 52

Tuea, 80

Waki n iraorao, 39, 40, 72



Iroun Beretitenti
Thomas S. Monson

MWIOKOARA NI Kamaiu

Ibukiia Aomata Aika Itiaki, kainnanoan kamaiuaia tarira ma mwaanera ake a tia, n iai bukina teuana ma teuana, n tictionako man ana kawai ni kukurei te Ekaretia ae iai kakawakina ae e aki toki. Ti ataiia aomata ake a tia ni butimwaea ao ni maiuakina te euangkerio n te taina ma nanoia ni koaua? Ngkana ngaia anne, tera tabera ae ti na karaoia ibukin kamaiuakia?

Iangoia ake a bua ibukoia ake a kara, aine ake a mate buuia, ao ake a aoraki. A kuneaki n angin te tai n te tabo ae mau ao n te rereua ae tionako are e aranaki bwa te maroaa. Ngkana a maenako kairake, ngkana e kerikaki te marurung, ngkana e karako te korakora, ngkana e memere otan te kantanninga, a kona ni buokaki ao ni kamatoaki man te bai n ibuobuoki ao te nano are e ataate nanoanga.

Ni koauana, boni iai, tabemwang ake a kainnnanoa te kamaiuaki. Tabeman a kaiangatoa ma te bure ngke tabeman a tionako i nanon te maaku ke akean nanoia bwa a taningaroti ke e karako aia atatai. Bwa tao terana nako bukina, a tia ni kationakoia man ana waki ni kakukurei te Ekaretia. Ao a kuri ni bua ni karokoa a kautaki irourakaain te Ekaretia aika kakaonimaki—te nano ni kani kamaiu ao ni kamanomano.

Temanna ae E na Kaota te Kawai

Tabeua taai aika nako I karekea au reta mairoun te mwaane are e a tia ni kitana te Ekaretia. E tei ibukiia kaain ara aro aika mwaiti. I mwin kabwarabwarana bwa e kanga n rangin aki kakaonimaki n te aro, e koroboki:

“E rangin mwaiti ae I a tia ni karekea ao ngkai e a karoko. I aki kukurei ao I namakinna ae aiti tabo ma I a kabwaka ni bwai ni kabane. Iai au koaua n tainako ibukin te euangkerio, e ngae ngke I aki maiuakina ana reirei ae bwanin. I bubuti ibukin ami tataro.

“Taiaoka tai mwaniukinii taekara ngaira ake ti mena ikai—Aomata Aika Itiaki ake a bua. I ataia bwa e mena ia te Ekaretia, ma n tabetai I iangoia bwa I kainnanoa riki temanna ae e na kaota te kawai nakoiu, ni kaungai, ni kankoa maaku ao ni kaota ana koaua nakoiu.”

Ngke I wareka te reta aei, I uringa mwanangau are I karaoia nakon teuana te tabo ni kaoti korobanna n te aonaaba—te miutiam ae kinaki ibukin Victoria ao Albert i London England. Ikanne, iai te mwakuri n rabakau ni korobanna, ae karauaki raoi ni katamaroaki ao ni korobannaaki n 1831 iroun Joseph Mallord William Turner. Tarakin tein te tamnei anne bon te nang ae tinebu ae roro ma unin ao bwanaonaon taari ae korakora ni kaota te kabuanibwai ae e na riki ao te mate. Iai te ota ae kiakia otana man te kaibuke ae mena n te tabo ae raroanako. Mai nuka raoi te buroburo n ran are e riki man teberaken taian nao, iai i aona te booti ni kamaiu. A kabanei korakoraia ni bwennari mwaane i aon aia bwennarina ngkai e tebo te booti ni kamaiu i nanon te angibuaka aei. I aon te bike ao e tei temanna te buu aine ma uoman ataei, ni mwaimwai n te karau ao n oreaki n te ang. A tara taari ma te maaku. I kaki-mototoa aran te korobanna n au iango. Tarakin aei irou bon *Te Nako ni Kamaiu*.¹

Ibuakon kaangangaan te maiu, iai te kabuanibwai ae nang roko. Mwaane ao aine, ataeinimwaane ma ataeinaine a kuneaki ni bae tangaroaia ao ni kaitara te urubwai. Antai ae e na kona ni kairii booti ni kamaiu, ke ni kitana mweengaraoina ni mwengana ma ana utu, ao n nako ni kamaiu?

E bon aki bebete tabera. Ti mena i aon ana mwakuri te Uea, ti katauaki ibukin Ana buoka.

N tain ana mwakuri te Mataniwi, E weteiia taan tia akawa i Kariraia bwa a na kitana aia karaun ao n iria, e katanoata, “N na karaoingkami bwa taan akawa.”² Ti bia irii nakoiaia taan tia akawa aika mwaane ao aine, bwa ti aonga



ni katauraoa te buoka are ti kona ni karaoa.

Tabera bwa ti na roko irouia ao ni kamaiuia naake a kitana te waki ni kamaiu, anne ae e na bon riai n uotaki nakon ana taibora te Uea n amwarake n Ana taeka, ao ni kukurei n reitaki ma Tamneina, ao n “aki manga riki bwa iruwa ke ianena, ma ae raom n aomata n iraorao ma aika itiaki, ma ana baronga te Atua.”³

Te Reirei ibukin te Tangira

I a tia ni kunea bwa uoua bukin bwai ake a irekereke ma kaokan te kakaonimaki ao bitaki ibukin anua, katei ao mwakuri. Te moan, a oki aomata ibukina bwa iai temanna ae kaota nakoia aia konabwai ae akea tokina ao ni buokiia ni bairea kakooran bukiia. Aomata aika a kai batin roroko a kai kona n tiku n aroia ni karokoa a nora te tamaroa are a na kona ni karekea.

Te kauoua, tabeman a oki ibukina bwa aia koraki aika a tangiraki ke “ae raom n aomata n iraorao ma aomata aika itiaki” a tia n ira ana reirei te Tia Kamaiu, a tia n tangiriia kaain rarikiia

n aron tangiraia i bon irouia,⁴ ao a tia ni buokiia tabeman ni kakoroi bukin ataakin miia ao aia iango.

Te kaunganano ni kan karaoan te mwakuri aei e a tia—ao e na reitinako n riki bwa—te reirei ibukin te tangira. N namakinana ae koaua, aomata akanne ake a boo tangaroaia n teberaken ma angibuakan taari man ana korobanna Turner ai bon aroia angia aomata ake kaain te aro aika aki roroko ake a kakantaninga kamaiuakiia mairouia naake a kairii booti ni kamaiu. Nanoia a ririkana te kani buokaki. Tiina ao kaaro a tataro ibukiia natia mwaane ao aine. Buu aine a tataro bwa a na kona n reke buokaia kainnabaia. N tabetai ataei a tataro ibukiia aia karo.

Bon au tataro bwa e na iai nanora

ni kan kamaiuia kaain te aro aika aki roroko ao ni kaokiia nakon kimwareirein ana euangkerio Iesu Kristo, bwa a aonga n raonira ni katoonga bwaninin te iraorao are e na anga.

Ti riai n nako ni kamaiuia naake a bua ake a katobibira, ake a kara, aine ake a mate buuia, ake a aoraki, naake a mwauku, kaain te aro aika aki roroko, ao naake a aki kawakin tuua. Ti bia karababai baira n ibuobuoki ao ma nanora are e ataa te nanoanga. Man karaoakin aei, ti na uota te kimwareirei nako nanoia, ao ti na namakina te rauaki ae korakora ae e kaoti nakoira ngkana ti buoka temanna i nanon te kawai nakon te maiu ae akea tokina. ■

BWAI AIKA A NA TARAKI

1. Bwaninin atun te korobanna bon *Tē Booti ni Kamaiu ao Manby Apparatus E Nakon te Kaibuke ae Bae Tangaroana ni Karaoana Kanikina (Taura aika Buruu) ibukin te Rawawata*.

2. Mataio 4:19

3. I-Ebeto 2:19.

4. Tara Mataio 22:39.

REIREI MAN TE RONGORONGO AEI

Iangoia n titirakinia aomata ake ko kawariia ngkana a ataa temanna are e a tia ni korakai n roroko n taromauri. Ko kona n rinea temanna te aomata ao ni maroroakin kawai ni kaota te tangira, n aron kaoakin teuanne ke neienne n ira te botaki n utu n te tairiki ke n roko n tain te amwarake.

Ana Bwaintangira Jen

Iroun Josi S. Kilpack

Ikaraoi rinanin rinerine aika a kairua n au kauoua n ririki n te reirei ni kauarinan. Rinerine akanne a kairai nakon baika iai mwiia aika aki kakurei, ao I baireia ni kabongana au motirawa n te tiamwa ni moana karaaoan taian bitaki. Ngke e a manga teirake te reirei, I kana au katawanou itinankun te roki ke te kawai n rin ae akea kaaina n totokoa te reitaki ae aki tamaroa are e tataninga butimaean okiu.

I tuai man namakina te maroaa ae e rang ni korakora.

Ngkanne te Atua e anganai te bwaintangira. E anganai Jen. E aki motika taekau ibukin au kairua ma n oneanmwiiina e kaungaa bwa N na teimatoa ni waki nako

i nanon te kawai ae eti. N atakina bwa e na mena n te reirei e buokai n reitanako au wareware ni koroboki aika tabu ao ni nabeakina au koaua. Ngke e a roko te tai n angabeeba, I kakouai i bon irou bwa I a motinnanoia bwa N na bitaki.

I miimi n tabetai bwa N na mena iaa n te bong aei ngke arona bwa e aki buokai Jen. N na kona n tiku i aon au koaua ngke akea ngaia? Tekeraoiu, N na bon aki ataia ibukina bwa e mena ikekei ma nanona ni koaua, n tauraoi ao n anga nanona ni kan buokai.


E maeka te tia koro karaki i Utah, USA.

ATAEI

Kawai nakon te Kamaiu

Beretitenti Thomas S. Monson e reirei bwa ti riai n buokia tabeman, n ikotaki ma ake a kara, aine aika a mate buisia, ake a aoraki, kaain te aro aika aki

roroko, ao naake a a kainnanoa te buoka ae bat. Tarai tamnei aika inano ao kamironroni ake a kaota te bwai ae ko kona ni karaoi ni buokia tabeman.



I aon te rain inano, korei tabeua kawai are ko kona ni buokia iai tabeman. Ko kona ni kabonganai tamnei ibukin iango.

Tataro mwaaka ni kamatebwiaia te bwai n reirei aei ao ukoukora atakina bwa tera te bwai ae ko na tibauaia ma tarim aine ake ko kawariaa. Atakin maiun ao ana mition te tia Kamaiu e na karikirakea am onimaki Irouna ao ni kakabwataia ake ko tararuia? Ibukin rongorongona riki tabeua, nakon reliefsociety.lds.org.

Ana Mwakuri lesu Kristo ae Tabu: Te Tia Karikibwai

Aio te moan rinan n Rongorongo ibukin te Reirei ni Kakawari ni kaota anuan ana mition te Tia Kamaiu.

Iesu Kristo “e karika karawa ma aonaaba” (3 Nibwai 9:15). E karaoia rinanon mwaakan te nakoanibonga, iaan ana kaetieti Tamara are i Karawa (tara Moses 1:33).

“Ti riai ni kakaitau bwa te Tia Karikibwai ae wanawana e katamaroa te aonaaba ao ni kamaekaira ikai,” e taku Beretitenti Thomas S. Monson, “... bwa ti na rinanon te tai ni kattaaki, te tai ae ti na kaotira bwa ti tau ibukin bwai ake e a tia ni katauraoi te Atua ibukira bwa ti na karekei.”¹ Ngkana ti kabongana ara rinerine n ongeaba n ana tua te Atua ao n rairinanora, ti a kororaoi n oki ni maeka ma Ngaia.

Man te Karikibwai, e taku Beretitenti Dieter F. Uchtdorf, Kauoman ni Kauntira n te Moan Beretitentii:

“Boni Ngaira bukin karikan te aonaaba Irouna! . . .

“Aei te kibuntaeka ae kaitara ibukiia aomata: ni kabotauaki ma te Atua, te aomata bon akea bongana; irarikin



anne iai arora ioun te Atua.”² N ataa-kina bwa Iesu Kristo e karika aonaaba ibukira ibukina bwa iai nanon bwai ni kabane nakoira ioun te Tama are i Karawa ae kona ni buokira ni kariki-rakea ara tangira Ibukiia.

Man Koroboki aika tabu

Ioane 1:3; Ebera 1:1–2;
Motiaeae 3:8; Moses 1:30–33, 35–39;
Abraham 3:24–25

BWAI AIKA A NA TARAAKI

- Thomas S. Monson, “Te Kabobirimwaka n te Maiu,” *Riaona*, Meei 2012, 91.
- Dieter F. Uchtdorf, “Ko Kakawaki Irouna,” *Riaon*, Nobembwa 2011, 20.
- Iotebwa Timiti, n *Naati Aine n Abanueau: Rongorongan ao Ana Mwakuri te Botaki n Aine* (2011), 97.
- Naati Aine n Abanueau*, 4.
- Taraa Iotebwa Timiti, n *Naati Aine n Abanueau*, 169.

TERA AE I KONA NI KARAOIA?

1. E kanga ukoukoran te kan oota n rikira aika a kakannanto ao ni karikirakea ara tangira ibukin te Tia Kamaiu?

2. Ti na kanga ni kaota ara kakaitau ibukin ana karikibwai te Atua?

Onimaki, Utu,
Buoka



Man Rongorongora

Ti a tia ni karikaki n aron katotongan te Atua (taraa Moses 2:26–27), ao iai ara konabwai n riki n ai aron te Atua ibukina bwa natina ngaira. Te Burabeti lotebwa Timiti e kauringia aine n te Botaki n Aine “ana mai-uakina aroia n raka.”³ Ma te kaunganano anne e na riki bwa kanga aan te kateitei, n Ana Ekaretia lesu Kristo ibukiia Aika Itiaki ni Boong aika Kaitira a tia n reiakinaki aine bwa a na mai-uakina aia konabwai mai ioun te Atua man kakoroan bukin ana kantaninga te Atua ibukiia. “Ngkai a moanna n oota riki bwa antai raoi ngaiia—natin te Atua aine ma rikian aia konabwai n tangiriia ao n nabeakinia—a roko n tian aia konabwai n aroia aine aika a tabu.”⁴

“Kam a katukaki ngkai n te tabo ike kam kona ni mwakuri iai ni kaineti ma ana namakin n nanoanga te Atua are e a tia n unikii i bwanibwanimi,” e taku te Burabeti lotebwa Timiti. “Ngkana kam maiu ni kaineti ma reirei aikai ai kakannatora ao ai mim-tongira!—ngkana kam maeukina ana reirei ni kaineti ma ami konabwai, anera a naki kona n raroanako mairoumi ao ana riki bwa taan raraoni ngkami.”⁵

IANGO MAN TE MAUNGATABU NI KABUTA

Iroun Tina Spencer



"Ketinna bwa Antai ae E na Roko ni Katairiki?"

Tebwi ma nimaua te bong i mwain wakinan te maungatabu ni kabuta, ara utu a katekea aia kanikina ao ni katanoata bwa antai ara irua ae tina amarake ma ngaia. "Ketinna bwa Antai ae E na Roko ni Katairiki?" Ngkanne tia manga karin tamneia burabeti, taani mamata, ao taani kaotioti aika ai tibwa ngkai man te maungatabu are mai mwaina man ana maekatiin te Ekaretia.

I katauraoi man kakaean te burabeti are ti na butimwaiia n te tairiki anne. N tabetai I kunei bwai i tinanikun te auti ake a tei ibukin bwai tabeua. I kunea i mwina, ao I katikui i aon te raurau. N tain te katairiki, ao I karakina rongorongan bwai tabeua, e kataia temanna ma temanna ni ketinna bwa antai. Tabetai, I karakina teuana ke uoua te karaki are e tibwaua

te burabeti n tain te maungatabu ni kabuta are mai mwaina.

I mimi ni bwai ake a uring natiu ibukia ara burabeti ao ara abotoro aika a tangiraki, ao I ataia bwa te takakaro ae bebete aei e a tai ni karikirakea au tangira ao rabakau ibukia aomata naba aika a kakannato aikai.

Oin Au Kaobi ibukin te Maungatabu

Ngke a roko n ira ara maungatabu n te titeiki Unimwaane Neil L. Andersen man te Koram n te Tengaun ma Uoman ma kainnabana, ae Kathy, Sister Anderson e tibwaua ana karaki nakoira. E taku bwa ngke a maeka i Buranti, e karaoi kaobin taian taetae n te maungatabu ni katoaia natina ni kabane—ma ake a uarereke naba. E tounako ngke e kunea bwa a rango koro ni bobuaka boon taian

botokaobi. Ngkanne e a kaoti te bwai teuana n ana iango: "Tera ae rangin kakawaki ibukin am utu ni karekei aia taeka burabeti?"

Te karaki aei e rota nanou, ao I kakoaua raoi bwa kaain ara utu ni kabane a reke irouia taian taetae ibukin te maungatabu. A rangin kukurei natira aine. Ti kabonganai ibukin botakin ara utu n te tairiki ao n tain te kamatebwai ni koroboki aika a tabu. I tangira temanna natiu te aine bwa e na wareki taian taetae ao ni kanikinaei n te mwakeingke. Ao temanna natira te aine, e a tibwa tia ni bwabetitoaki, e bubutiai bwa N na wareki taian taetae ma ngaia kaka teuana i mwinteuana.

Kakaewenako n te Maungatabu

Ngkai mwakoron au reirei n te Botaki n Aine, I kakawenakoia aine bwa a na manga rinanon taian taetae man te maungatabu are mai mwaina; tabeman aine a manga warekia riki, tabeman a matakauakina n te intenete. Tabeman aine a kamata aron aia namakin riki tauraoia ibukin te maungatabu ae na roko. ■

E maeka te tia koro karaki i Washington, USA.

KAMARURUNG N TE MAIU N RABWATA AO N TE IANGO

Ibukia tabeman kairake, te kairua ni maiuakin reirei ni kataneiai ibukin te marurung n te maiu n rabwata aon te iango e kona n riki bwa te totoko ae bubura ni karekeia raoraom ao ni karikirakea onimakinam i bon iroum. N reitaki ma anne, te kamarurung n te maiu n rabwata ao n te iango e kakawaki ma n angin te tai e kamamara taran te katauraoi ni beku ibukin te mwakuri ni mitinare. I aon iteraniba 52–53 man te rongorongo aei, Unimwaane Adrián Ochoa man te Itingaun e maroroakinna bwa e kanga aron tabeakinan rabwatara ni kona ni kamanoa marurungin rabwatara ao ara iango. E kauringa bwa ti na kataneiai ao n ongotaeka n Tuan te Mauri (taraa D&C 89) bwa ti aonga n rangin marurung ao ni kukurei. Ngkai ko buokia natim n reiakina ao n maiukin koaua n te kamarurung n te maiu n rabwata ao n te iango, a na kona ni karikirakea onimakinia i bon irouia ao ni katauraoi ibukin te mwakuri n ibuobuoki ibukin taai aika a na roko.

N aron ae taku Unimwaane Ochoa: “Taruaukin rabwatami e kona naba ni kakabwaia ami iango ao ni buokiko ni kauringnga bwa ngkoe natin te Atua ao ni kona n onimakinna ao ni kukurei. Ara iango, rabwatara, ao ara itera ni maiu n tamnei a bane n irekereke ni kabane.”

Iango ibukin Reiakinaia Kairake

- Wareka ana rongorongo Unimwaane Ochoa ni botaki ao ni karikirakea am babaire ni kataneiai ibukin am utu ae onoti, ma kouru ni kamarurung aika iai uaia.
- Ma natim aika tebwitabun aia riri, wareka te mwakoro i aon te kamarurung n te maiu n rabwata ao n te iango i nanon *Ibukin Kakorakoraia Kairake* (iteraniba 25–27). Maroroakinna bwa tera nanon ae ko na rangin namakinia te marurung.
- Anenea “Though Deepening Trials” (*Kuna n taromauri*, nambwa 122) ngaira ni kabane ao tina maroroakinna bwa tera ae reiakiniira te mangauti ibukin kakawakin rabwatara.
- Kamatebwai koroboki aika a tabu ao korei ao kabwarabwara koaua ake kua tia n reiakinnia aron te kamarurung n te maiu n rabwata ao n te iango.

Iango ibukin Reiakinaia Ataei

- Kaota tamnein te tembora nakan natim. Maroroakinna bwa tera nanona ngke e reiakinnia te Abotoro ae Bwauro bwa rabwatara bon “maneaban te Tamnei ae Raoiroi” (1 I-Korinto 6:19) ao e kanga te atatai aei ni buokira



KOROBOKI AIKA A TABU AIKA A IREKEREKE

Taekan n Rabakau 16:32
Taneiera 1:3–20
Ruka 21:19
I-Rom 12:1–2
1 I-Korinto 6:19–20
1 Tetaronike 5:14
Aramwa 38:12; 53:20
Doctrine ao Covenants 88:15

n tararuai rabwatara ao ara iango.

- Karaoi am waki ae e na kakukurei ibukin am katokibotu nakoia natim; bwa aonga tangiria ni kan karaoia natim n aron ae te utu. Ngkanne karaoa am babaire bwa kam na kanga ni karaoa ami waki bwa e na kakukurei ao riki bwai aikai bwa mwakoron am utu.
- Maroroakin kawai aika ana oota ao ni karaoi namakin, n ikotaki ma te un ke te nanokawaki. Anenea “If You’re Happy” (*Children’s Songbook*, 266), “I’m Trying to Be Like Jesus” (*Children’s Songbook*, 78), ke te kuna teuana n taekan te namakin ao ni karaoi rinerine aika a raraoi. ■

RONGORONGON TE EKARETIA

Nakonnews.lds.org news.lds.org ibukin rongorongon riki te Ekaretia ao bwaai aika a riki.

Membwa a Kona ni Bubuti Kariaiakaki n Rainin te Nakoanibonga

Iroun Ryan Morgenegg

Rongorongan te Ekaretia

Te Ekaretia e a kona ngkai ni katauraoa te rongo- rongo iaon rainin te kariaiakaki n rainin te nakoanibonga bwa te ibuobuoki nakoia membwa ake a kainnanoia. Te kariaiakaki n rainin te nakonaibonga bon te baeten ni kamatoa are e kona n oki rikaaki nakon moan waakin te Ekaretia ao n tokina nakon te Tia Kamaiu.

E ngae ngke te tia taua te nakoanibonga n te nakoia ae te Itingaun e kona ni karinaki bwa te me- mbwa inanon te rain ni kariaiakaki, akea te rain ni kariaiakaki ae e kateimatoaki ibukin te nakoia n te Itingaun. N reitaki ma aio naba, te rain n te kariai- kaki n te nakoanibonga ibukia bitiobi ao tamanuea aika katabuakaki e bon kataneaki rinanon katabua- kaia bwa ibonga aika rietata.

Bon tii rongorongo iaon rinan n te kariaia- kaki n te Nakoanibonga ae te Merekitereka ae e kona n reke man te Ekaretia; rain ibukin te Nakoanibonga ae te Aaron e aki kona n reke. Membwa a kona ni bubuti karinan ni kariaiakaki man te Nakoanibonga ae te Merekitereka bon tii rongorongoia, ke te ataei ae maeka ni mwengaia, ke kairake ni mitinare ake a bon mwakuri. Beeba

aikai a bon aki tauaki mwia n ana rekooti te Ekaretia.

Ngkana ko tangiria ni bubuti te karinan ni kariaiakaki, karina aram ae bwanin ae tauaki iaan te tua, bonginibung, am nambwa ni membwa (e reke n te rekomente n te tembora ke mai iroun am kiraaka n te uoote), aran te aomata are e katabuko nakon te nakoia n unimwane ke te ibonga ae rietata (ngkana ko kina), ao am atureti ao te tareboon ke imeeri are ko na reke iai.

Kanakoa am bubuti nakon:

Priesthood Line of Authority

Global Service Center


120 North 200 West

Salt Lake City, Utah 84103-1514, USA

Fax: 1-801-240-6816

Tareboon: 1-800-453-3860, katomaki 2-3500

Imeeri: Kanakoi imeeri nakon lineofauthority@ldschurch.org ma “PLA” n rainin atun te rongoro- ngo. Ni kaekaana ko na karekea te booma are ko na kanoaia ao ni manga kaokia (e tawe te kaeka nakon te rongorongo are iai te “PLA” n rainin atun te rongorongo). ■



*Rain ni
Kariaiakaki n te
Nakoanibonga
ibukiia ake a
kona ni karoai
otenanti a kona
n nooraki na-
kon ana tai te
Tia Kamaiu.*



Taan tia mwaie ma taan tia boutokaia a katea te nambwa "20" n tain aia kamataku ni kauringa ana ka-20 n ririki te Ekaretia i aon Mongolia.

Mongolia e Bukamarua ana ka 20 n Ririki te Ekaretia

N te Moanibong, Eberi 15, 2013, e raka iaon 300 kaain te Ekaretia a botaki iaon Zaisan Hill i Ulaanbataar, Mongolia, ni kauringa ana 20 n ririki te Ekaretia n te aba anne. Te kuaea ae 50-kaaina a anene, ao te kurubu a kakauongo nakon bwanaan Unimwaane Neal A. Maxwell (1926–2004) ae raweaki ngke e katauba Mongolia ibukin tataekinan te euangkerio inanon 1993.

Unimwaane Tai Kwok Yuen, kaain ngko te Beretitentii n te Aono i Asia are e raona Unimwaane Maxwell nako Mongolia n 1993, n taekinna bwa e kanga “bain te Uea n aki totoki ni kakammwakuri inanon te mwakoro aio n Ana onikurebe.”

A kakaokoro aekaki ni kamataku rinanon te wiki are a kanikinaea te kauring. Manga botakia kaain te mition e a karo-koia 200 mitinare ake a oki ni mwakuri. E raka iaon 1,000 kaain Mongolia aika a tia ni mwakuri bwa mitinare aika bwanin aia tai—e kaania 1 ibuakoia 10 kaain te aro i Mongolia. Mwakuri ni bwabetito are a karaoaki ni kabuta Mongolia n tairkin te Kanimabong; 24 aomata ake a bwabetito-aki n te bong anne. Mary N. Cook, are e a tibwa kamotirawaki man te beretitentii ni kabuta n te Kairake n Ataeinaine, e taetae n aia taromauri Kairake n Ataeinaine, ao te auti ae kaukaki n rongorongan te utu e kaota te witeo ma kaetieti ibukin te

karikirake ae boou ibukin te Family Tree . Te kamataku n te katei are e a kaota katein Mongolia ae rangi n batu ao aia tarena kaain te Ekaretia aika batu.

Aomata aika Itiaki ni Bonga aika Kaitira i Haiti a Bukamarua te Kauring, Ibuobuoki n Uniki Aroka

Ni Meei 1, 2013, kaain te Ekaretia i Haiti a iri karikirake n unikakin aroka n te aro ae bubura man kabuta te aba. A rangi ni batu aroka aika uarereke ake a unikaki ni moan bongin te karikirake, ao e na rawata riki ae na manga rimwiina. Ngkana e tabwanin te karikirake, 400,000 aroka aika boou aika a na bwebwerake i Haiti, n ikotaki ma remon, aoranti, nii, bwabwaia, ao oak.

E kaboi aroka te Ekaretia bwa mwakoron ana buoka ae aki toki ni manga kaoka aron Haiti i mwin rotakina n te ruru. Te buoka aei e karekea naba te mwakuri n ibuobuoki irouia membwa ni booa karaoan ana ka-30 n ririki te Ekaretia n ana bota-naomata te abamwakoro aei. Tenibwi te ririki n nako Beretitenti Thomas S. Monson are e membwa ngkanne n te Kooram n Abotoro are Tengaun ma Uoman, e roko i Haiti ni katabua te aba ibukin taetaekinan te euangkerio are kaokaki.

Unimwaane Neil L. Andersen man te Kooram n Abotoro are Tengaun ma Uoman e roko i Haiti n tain rungakin te koronririki are e tararua tabekan rabunan te atibu

ni kanuringa are e kaota moan rokon te Ekaretia i Haiti.

E Bwaintangira Teuana te Mirion te bwauna ke 453592.40 kg te amwarake te Ekaretia nakon Feeding America.

Ni Meei 2013 te Ekaretia, ni kabonga-naan mwangan ana botaki are e tabeakin ana kekeiaki ana katoki kainnano te Botaki n Katoki Kainnano Irouia Aika Itiaki Ni Bong Aika Kaitira e anga e raka i aon teuana te mirion te bwauna ke 453592.40 kg te amwarake nakon Feeding America, te botaki ae rang ni bubura n Aban Amerika, ae akea rakana ma e kamaiuiia aika baki. Te bwaintangira n amwarake i nanon tin n aron uanikai, wetitaboro, ao bin, ake a na tibwatibwaaki nakoia utu ake a kainnano ni nneia bwaoki aika totoakaei aika kakaokoro ao auti ni katantan riaon Aban Amerika.

Bob Aiken, te beretitenti ao te tibi n tia kakovai moti n aobitia n Feeding America, e taku bwa te bwaintangira e karekei 625,000 tian tibwa n amwarake.

A katei aroka mitinare ao membwa i aon maunga i etan kautun kaawan Haiti ae Port au Prince, ane e kona n noraki mai buki.



TAMNEI MAIROUN JASON SWENSEN



Iroun Unimwaane
Quentin L. Cook
Man te Kooram n Abotoro
n te Tengaun ma Uoman



KARAOA RAOI TABEM

Beretitenti David O. McKay (1873–1970) e aki toki n tataekina te tai ngke e mitinare i Scotland. E namakinna ae urunga mwengana ao ana utu imwiin tikuna n te mition inanon te tai ae uarereke ao ni kabanei tabeua te aoa ni kawari tabo ni kamataku irarikin te Stirling Castle ae kaan. Ngke ngaia ma toana a oki ni mamataku n te kaatere, a rirarikin te kateitei ae kaaraki iaon matarana te taeka, are e bukinaki iai Shakespeare, ae kangai taekana, “Tera ae Ko Karaopia (ae tamaroa), Karaopia Raoi.”

Uringakin te bwai ae a tia n riki aei, e kabwarabwara Beretitenti McKay: “I taku inanou, ke te Tamnei ae mena inanou, ‘Ngkoe



A photograph of a group of young people, likely students, standing together and smiling. In the foreground, a young woman with long dark hair, wearing a black t-shirt and a teal skirt, is looking directly at the camera. Behind her, another young woman with short brown hair, wearing a red top and a patterned scarf, is also smiling. To the right, a young man with short dark hair, wearing a purple shirt, is visible. In the background, a young woman with long dark hair, wearing a black top, is also smiling.

*Bwaina te raoiroi. Katea te utu.
Kakaea te kawai ae riai ni katau-
raoaki. Beeku ngkana ko weteaki.
Katauraoi ni kaitibo ma te Atua.*

kain Ana Ekaretia Iesu Kristo Ibukiia Aika Itiaki ni Boong Aika Kaitira. Iaon riki anne, ko mena ikai bwa ana tia tei te Uea Iesu Kristo. Ko butimwaea te tibwanga bwa ko na riki bwa ana tia tei te Ekaretia.' Ngkanne I iangoa te [bwai] ae ti a tia ni karaoia imwain te tawanou anne. Ti a tia ni mamataku; ti a tia ni karekei reirei ao rongorongan ngkoia, e koaua, ao I bon rangin ni kukurei ma ngaia. . . Ma, anne tiaki te mwakuiri ni mitinare. . . I butimwaea te rongorongo are I karekea iaon te atibu arei, ao man te tai anne ti kataia ni karaoa tabera ni mitinare i Scotland."¹

Te rongorongo aei e bon rangin ni kakawaki ao bon iai mwiina ae tamaraa nakoina are e kabongana Beretidenti McKay bwa te bwai ni kaunganano nakoina inanon maiuna. E korakora nanona bwa tera te katabeaki are e karekea, e na karaoa ana kabanea n tamaraa ni karaoia.

Totoko Karaoan Katei Aika Aki Riai

Ibukin te nano ae tamaraa are iai irouimi ngkami kaain te roro ae rikirake n te Ekaretia, tera tabeaiangau ibukim ibukin taai aika ana roko? Tera te reirei ae I kona n anganiko? Te moan, ko na kaitara ma kangaanga ni karaoi bwaai aika ko aki tataneiai iai—riki ni bwainakin te ubu—ao n riki bwa temanna ae tiaki raoi ngkoe ke are ko tangiria.

N rongorongan te Ekaretia n taai akekei, te Burabeti Iotebwa Timiti, Emma, ao natiaa bwebwe aika 11-aia namwakaina, Joseph ao Julia, a mena i Hiram, Ohio, ni mwengaia John ao Alice Johnson. Uoman natiaa a ituau n te mitira. Joseph ao natina te mwaane ae uarereke a matu iaon te kainiwene ae uareke irarikin te mataroa are mai moa.

I nanon te tairiki are a urua te mataroa ao n rin iai te kurubu ni mwaane ma ubuia aika a beniaki n te roro ao ni katikitika te Burabeti nako tinaniku, ike a taibaoia ao ni karekareia n te korota ma Sidney Rigdon.

Te kabanea ni kananokawaki n te mwaakuri ni iowawa aei bon te tai are e rootaki

TAMNEIROUN UNIMWAANAE QUENTIN L COOK BY CRAIG DIXON; KAMATAATA TE KOROTANNEI IROUN SCOTT DAVIS

iai Iotebwa ni kamwaitoron te tairiki anne ao n ituaki n te ngako ae korakora ngke e katikitikaki nako tamana. Ao n tokina, e mate tabeua te bong imwiina.²

Aomata ake a irekereke ma Tiringakin te Burabeti ao tarina Hyrum a beeni naba ubuia ni karabaia bwa ana aki kinaaki.³

N ara bong, ngkana ti karabaira bwa ti na aki kinaaki e rangi ni bebeti riki, iai reirei aika kakawaki aika irekereke ma aki bwainakin te ubu ao n ni bwaina te “kokoaua na-kon te onimaki . . . are a tia iai ni mate taan kaotioti.”⁴

Teuana kamanoam ae moan te korakora ni kitarai



**Unimwaane L. Tom Perry e karaoa
raoi tabena ngke e mena i Tiaban.**

karaoakin rinerine aika buakaka bon tiaki katokaan ubu aika ko na aki kinaaki iai. Ngkana ko kunea bwa ko tangiria ni karaoria, taiaoka n ataia bwa anne bon te kanikina ae moan te korakora ibukin te kaangaanga ao teuana ana bwai ni mwakuri aiam ni kamwaneko boni karaoran te bwai ae ko aki riai ni karaoria.

E rangin ni bwainaki n taai aikai bwa ko na karaba aron temanna ngkana ko koroi aekan reitaki aika ribaaki, kamaraki, ao a matoatoa n ae raba iaon te rain. Tabeman a atongnga bwa te bwai ae *ura*.

Te Abotoro Bauro e koreia:

“Kam na tai burebureaki: a urui aaro aika riai taian i-raorao aika bubuakia.

“Kam na uti raoi n arona te aro ae riai, ao tai bure; ba a aki ata te Atua temangina” (1 I-Korinto 15:33–34).

E matata bwa reitaki aika buakaka tiaki ti katei aika buakaka. Ngkana e karaoaki anne irouia Aika Itiaki ni Boong Aika Kaitira, a kona n rootaki n ae korakora naake akea aia atatai iroun te Atua ke aia kakoaua iroun te Tia Kamaiu.

Kabonganakin te Intanete ni karaoi mwakuri n iowawa, ke ni kabuakaka te aomata anne e bon aki kariaiakaki. Tera ae ti noria irouia aomata e kangai bwa ngkana a bwaina te ubu bwa ana aki kinaaki iai, a na kona n reke irouia te aeka ni katei aei, are e na bon aki ibuobuoki ni karekea te maroro ae tamaroa ni karekea te atatai. E eki nako naba ana boto ni koaua te Tia Kamaiu.

E kabwarabwara te Tia Kamaiu E aki roko bwa e na buakana te aonaaba ma e na kamaiua te aonaaba. Imwiina e kabwarabwara bwa tera nanon te kabuakaka:

“Ao aio te b’ai ae e kabuakakaki te aba iai, ba e a roko te oota i aon te aba, ao aomata a tangira riki te ro nakon te ota, ba kioina ngkai a buakaka aia mwakuri.

“Ba ane e kakaraoa ae buakaka ao e riba te ota, ao e aki nako n te ota, ba a kawa ni kaotaki ana makuri ba a bubuaka.

“Ma ane e karaoa te koaua ao e nako n te ota, ba a na kaotaki ana makuri ba a karaoaki i nanon te Atua” (Ioane 3:19–21; tara naba kiibu 17–18).


Aki kainnanoia aika raraoi bwa ana bwaina te ubu bwa aonga n aki kinaaki.

Mwakuri ni Kaineti ma Am Onimaki aika Koaua

Ko mwakuri ni kaineti ma oin am onimaki man kabenakin am tai ni bwai ake a na katea ao ni karikirakea kateim ao ni buokiko n riki n aron Kristo. Au kantaninga bwa akea ma ibuakomi ae a tara te maiu bwa kanga te bwai ni manikangare ao te takakaro ma a na tarai a bwa kanga te tai “ni katauraoi ni kaitibo ma te Atua” (Aramwa 34:32).

Te katoto ae moan te tikiraoi ni karaoran am itera ao ni kabonganana te tai n ae riai e roko man maiun Unimwaane L. Tom Perry man te Kooram n Abotoro n te Tengaun ma Uoman, ngke, ngaia te tia buaka i tari, ngaia bon temanna kaain ana tanga ni buaka Amerika i Tiabaan n tokin te Kauoua ni Buaka n te Aonaaba. Unimwaane Perry e ti-bwaua te rongorongo aei ngke e taua mwiin ana kakoaua ae onoti ibukin te Tia Kamaiu.

“I mena ibuakon te moan kurubu ni mwangan te Tanga ni Buaka man te United State n nako aon te aba i Tiabaan



*Teuana am kabanea
n tamaroa ni kamano-
mano ni kaitarai rine-
rine aika bubuaka bon
tiaki bwainakin taian
ubu ni karaba.*

imwiin tiainakin te boraraoi ibukin karekean te rau imwiin te Buaka n te Aonaaba II. Ngke ti rin nako inanon kawan Nagasaki ae e urubekebeke, bon teuana te kabanea ni kananokawaki ni maiu. Mwakoron te kaawa ae bubura e a tia ni bane n urubekeaki. Tabeman maate a tuai n taunaki. Ngkai taan buaka aika a taua te tabo are e buakanaki, ti katei etukuata ao n nako ni mwakuri.

“E bon rangin ni kananokawaki te kangaanga, ao ti tabeman mai ibuakora aika a tangiria n anga ae mwaiti riki. Ti nakon te tia kaira taekan te aro n ara mwakoro ao ni bubuti te kariaiakaki ni buoka manga katean aro ni Kiritian. Ibukin ana totoko te tautaeka n tain te buaka, a moanna n aki kona ni waaki aro aikai. Tabeua aia kateitei a urubekebeke n ae korakora. A anga nanoia ara kurubu ni karaoi ao n onobwai taian autintaromauri n ara tai ni motirawa bwa aonga ni kona ni manga kabonganaki ibukin karaoan te taromauri riki.

“. . . Ti kuneia minita ake a tia n aki kona ni mwakuri n ririkin taai ni buaka ao ni kaungaia n oki nakon aia tabo ni kabwarabwara. Iai ara atatai aika mwaiti ma aomata aikai ngkai a manga rinanon riki te inaomata ni karaoa aia koaua ni Kiritian.

“Iai te bwai ae riki ngke ti a kitana Nagasaki n oki nakon mwengau are N na ururingnga n tainako. Ngke ti a tokara te turein are e na uotira nakon ara kaibuke n oki nakon mwengara, ti kaenaenaaki irouia raora ni mwariin aika mwaiti. Iai raoia ataeinaine ma ngaia ao [ti] atonga tiabo nakoia. A ngareakiniira ao ni kaotia nakoira bwa ti a tia ni kabua te kukurei ni mena i Tiaban. Ti a tia ni kabanebuaka ara tai ni mwakuri ao ni beeniakin taian o.

“Ngke a roko ni korakoran aia kaenaena, ietan teutana te katabuki irarikin ana tabo n tei te turain ao a roko tao 200 i Tiaban aika Kiritian aika korakora man taian aro aika ti a tia ni karaoi, man anenea ‘Onward, Christian Soldiers.’ A ruo man anganira bwaintangira aika mwaiti. Imwina a bane n tei n te rain irarikin kawain te turain, Ao ngke e a moana ni butinako te turain, ti kaotinakoi atura man riing tabonibaia ngke ti a nako. Ti aki kona n taetae; a korakora rotakin ara iango. Ma ti rangin ni kakatonga bwa ti a tia n ibuobuoki n te kawai ae uarereke ni manga katea te aro ni Kiritian n te aba imwiin te buaka.”⁵

Taiaoka n iangoia raoi ao ni waaki bon iroum n rineia bwa ko na kanga ni kabonganam tai. N aron ae ko kona n noria man ana katoto Unimwaane Perry, I aki taekinna bwa e na kinaaki am aro irouia aomata ni kabane ke ni

kaotia bwa angkoa ko rangin n onimaki. E kona n aki kakukurei anne nakoim ao te Ekaretia. I taekina taekam n riki n aron ae ko riai n riki nako iai.

Katei Kouru Aika Riai

Au kateniua n reirei e kaineti ma tabeua kouru aika ko riai n iangoi. E mena Unimwaane Perry i Tiaban ma kaain te mwariin ngke, Beretitenti Boyd K. Packer, te Beretitenti n aia Kooram Abotoro n te Tengaun ma Uoman, e mwakuri



Beretitenti Boyd K. Packer e a tia ni kakabwaiakaki ibukin katean kouru aika raoiroi.

i Tiaban ma taan buaka i karawa n tokin te Buaka n te Aonaaba II.

N te ririki 2004, ao I raona Beretitenti Packer ao tabeman n nako Tiaban. E reke ana tai ni manga rinano i tabeua mwanekana ao n iangoi tabeua ana atatai ao ana iango ake e a tia ni karaoi n te tai anne. Man ana kariaia, I tibwauai tabeua ana iango ao ana namakin.

E kabwarabwarai Beretitenti Packer atatai tabeua iaon te aba n raroanako ma mataniwin Okinawa. E iangoa te bwai aei bwa ana maunga n te buakonikai. Ana katauraoi ao ana boowi ma membwa ake tabeman e a tia ni karikirakea ana koaua n reirein te euangkeario. Tera te bwai ae a tia ni kabwaka iai bon kamatoakin—te atatai ni koaua are e a kaman namakinna bwa e koaua.

Ana tia koro rongorongo Beretitenti Packer e kunea te bwai ae riki: "Ni kabotauaki ma te rau n te kamatoaki are e ukeukeria, e namakinna bon irouna ana buaka Tiore ni kaitaraia aika raoiroi. Kakaean te tabo ae rau ao te tai n iango, e tamwarake, n te bong teuana, nakon te tabuki i aon mawawa. Ikekei ao e kunei mwakorokoron te auti ae uarereke, te tawaana ni buteta ae e aki tararuaki ae karewerewe ae uakaan. Ao ni wene irarikin baan aroka aika a mate e nora rabwatan te tina ma natina aika uoman aika a wene ni mate. E rotaki n te nanokawaki ae korakora n raonaki ma namakan te tangira ibukin oin ana utu ao ibukiia utu ni kabane."⁶

Imwiina e nakon te bwanganga are e boni karaoia, ike e kabanea ana tai iai, n iangoia raoi, ao n tataro. Beretitenti Packer, ngke e iangoa te tai aei, e kabwarabwaraaki bwa te bwai ae e atongnga bwa te taneiai n tamnei ae kamatoaki. E namakina te kairi mai ieta n aron te bwai ae riai ni karaoia ni maiuna. Ngaia, bon, akea ana iango bwa e na weteaki nakon te nakoa ae tabu man rietata ae e taua ngkai. Ni miina e tangiria n riki bwa te tia reirei, ni kamatata raoi ana reirei te Tia Kamaiu. E motikia n ana iango bwa e na maiukina te maiu ae e raoiroi.

E roko nakoina n te kawai ae matoatoa are e na kakaea buna ae raoiroi ao ana uaia ni karikirakea aia utu ae moan te bubura. Te tia buaka ni kairake aei e kunea bwa ana rinerine ibukin ana mwakuri e na karekea te kaniwanga ae tau ao raona ae tangiraki e kainnanoia bwa e na tibwaua te aeka ni bwai ae kakawaki anne ao n tauraoi ni maiu ma akea ana bwai aika kakawaki. Titita Donna Packer bon ngkao, ao bon ngkai, ibukin Beretitenti Packer, te rao ae moan te kororaoi. Aki kona ni karekea aia mwane ae rawata, ma aki namakina te kainanao ni kawai aika kakao. A kaikawaia 10 ataei, ao a angakarea. Iai ngkai 60 tibulia ao e raka iaon 80 tibutorua.

I tibwaua te rongorongo ae koaua aei ibukina bwa n tainako ao ara kouru a boboto iaon kaubwain te aonaaba. Bwaai aika kakawaki a bon rangin ni bebete ibukiia membwa ake a tia ni karekei otenanti ni kamaiu. Bwaina te raoiroi. Katea te utu. Kakai kawai aika riai ni karekei. Beku ngkana ko weteaki. Katauraoi ni kaitibo ma te Atua.

Te Tia Kamaiu e reirei bwa "tiaki maiun te aomata maitin ana bwai nako" (Ruka 12:15).

Karikirakea Abam ao am Botanaomata

Irarikin are bon oin arom, anuam, ao am babaire, ngkana ko kan riki bwa kaain te roro ae ko riai ni karekea, ko



Te Rikia n Judeo-Kiritian aika a tia ni karekei aki ti kakawaki ma a riai naba ibukin ana baire Tamara are i Karawa. Ti kainnanoia bwa ti na kawakin ibukia rooro aika imwiina.

na karikirakea abam ao am botanaomata n te tabo are ko maeka iai. A riai am roro ni kamanoi bwai aika raoiroi ao inaomatara n ara aro. Te Rikia n Judeo-Kiritian aika ti a tia ni karekei e aki ti kakawaki ma a riai naba ibukin ana baire Tamara are i Karawa. Ti kainnanoia bwa ti na kawakinna ibukia roro aika imwiina. Ti kainnanoia n reitaki ma aomata aika tamara, n raonaki ma onimaki ni kabane—riki irouia naake a namakina te bukinaki nakon te Atua ibukin aroia. Aikai aomata ake ana ata te reirei are bwa tera ae ko karaoia ae tamara, karaoia raoi. Rikiraken nakoraoiin kakawkin te Judeo-Christian ao inaomata n ara aro e kanikinaea am roro bwa te roro ae korakora ae riai n reke.

Ma kakaewenako ake a riki n te aonaaba n te bong aei, a raraoma iai kaain te Moan Beretitentii ao te Kooram n Abotoro n te Tengaun ma Uoman bwa a na kona n ireke-reke ma waaki n tautaeka aika riai n te aba are ko maeka iai. E tei i nuuka te Ekaretia ni waaki n rinerine ao e aki boutoka te tia kanrineaki ke te bwatei. Ti kantaningaia, bwa a na rangin ni katabeaki ara membwa ni boutokaia taan kanrineaki ke bwatei ake a nano iai ni kaineti ma koaua are e na kamanoa te tautaeka ae tamara. E matata ara reirei: naake a tamara, kokoaua ao ni wanawana a riai ni ukoukoraki ibukin te mwakuri korakora (tara D&C 98:10).

Iai ara onimaki ae korakora iromi. Te kairiri n te Ekaretia e kakoaua bwa kam kona ni katea aba n ueana n tiaki aron roro ake ma imwaina. Kam aki ti karekea ara tangira ao ara aki nanououa ma ara tatato ao ara kakabwaia naba. Ti ataia bwa nakoraoiin am roro e kakawaki ibukin teimatoan katean te Ekaretia ao rikiraken aba n uea. Ti tatato bwa ko na karaoa raoi tabem ao totokoa kabongangan te ubu, mwakuri n nakon are boni ngkoe, katei kouru aika riai, ao karikirakea abam ao am botanaomata. ■

Man Bootakin Reirein te Aro ietan te ai ibukiia kairake n ikawai are e karao-aki n te Brigham Young University-Idaho ni Maati 4, 2012. Ibukin bwaninin rongorongona n te taetae n Imatang, nakon lds.org/broadcasts/archive/ces-devotionals/2012/01?lang=eng.

BWAI AIKA A NA TARAAKI

1. David O. McKay, i Francis M. Gibbons, *David O. McKay: Apostle to the World, Prophet of God* (1986), 45.
2. Tara Mark L. Staker, “Remembering Hiram, Ohio,” *Ensign*, Okitobwa 2002, 32, 35.
3. Taraa *Reirei mairouia Beretitenti n te Ekaretia: Iotebwa Timiti* (2007), 24.
4. “Koaua nakon te Onimaki,” *Anene*, nambwa 254.
5. L. Tom Perry, in “Joy—for Us and Others—Comes by Following the Savior,” <http://lds.org/prophets-and-apostles/what-are-prophets-testimonies?lang=eng>.
6. Lucile C. Tate, *Boyd K. Packer: A Watchman on the Tower* (1995), 58–59.

Iroun Gary ao Susan Carter

Ntabera bwa taan ni mwakuri n te tembora, ti a tia ni karekea te kakabwaia ni kaitibo ma kairake n ikawaki aika a roko nakon te tembora ni karekei aia entaumente. Ti a tia ni kunea bwa te tiemina ibukin te katauraoi nakon te tembora e bon rangin n ibuobuoki nakoia, ma man aia kairoro kaaro ao taan kairiiri aika tikiraoi a karaoa te tabe ae moan te kakawaki ni buokia ni katauraoia ni karaoi berita aika tabu n te tembora. N tabera ni karo ao ni kairiiri, ti kainnanoia bwa ti na buokia kairake tiaki n ti katauraokia ibukin te mwakuri ni mitinare ae bwanin taina, are e kabanea ti tabeua te namakaina, ma ibukin naba karaoan ao kawakinan berita aika tabu n te tembora, are ibukin te maiu are akea tokina. A kona moani mwaneka ni moanaki n am tai n ataei.

Katauraoakia Ataei

A kona karo ni kaotia nakoia natia kakawakin te tembora man te nebobebo n te tembora ao man tibwauakin aia kakoaua n te mwakuri n te tembora. Riki n tabo are e kangaanga iai te nakon te tembora, a kona karo ni karinna inanoia natia te nano ni kan nakon te tembora.

Beretitenti Howard W. Hunter (1907–95) e reireinia kaaro: “Ti a tibwauaia ma natira te namakin n tammei are ti karekea n te tembora. Ao ti na reireinia riki ma te koaua ao ni bwai riki aika ti kona n taekina iai te kantaninga n ana auti te Uea.”¹ A kainnanoia ara ataei bwa a na ataia bwa te tembora bon te tabo are ti a tia ni karekei mai iai titiraki

KAIRAKE AO BERITA *aika* TABU N TE TEMBORA

Man kauarerekean te ririki ibu-kin te mwakuri ni mitinare ae bwanin taina, tebwina tengaa riki kairake a karaoi ngkai aia berita aika tabu n te tembora.

nakon taian tataro ao te tabo are ti karekea iai ana tangira te Atua.

A kona karo naba n reireinia aia ataei n ingainga nakon ao ni maiu n ae tau nakon aia rekomenete ae katauaki are e karekea aia tai n tau ngkana a koro 12 aia ririki ni maiu. Ngkana e roko te tai ibukia kairake aikai bwa ana kaea, ti nora te kimwarerei ao te kamoamoa ngke a kaoti beebea ni kariaia n te tembora.

Katauraoakia Kairake

A kona karo ni buokia aia ataei ni kakae n rongorongan te utu n te aro bwa ngkana a koro 12 aia ririki a kona ni uoti araia kain te utu nakon te te-

mbora. Nakoia kairake ake a karaoia, E a tia Unimwaane David A. Bednar man te Kooram n Abotoro n te Tengaun ma Uoman ni berita: “Am tangira ao am kakaitau ibukia am bakatibu a na rikirake. Am koaua ibukin ao rairakim nakon te Tia Kamaiu e na nano man teimatoa. Ao I berita bwa ko na kawakinaki man rikiraken ana kairoro te tia kakaitara.”²

Ti a tia n nori katoto aika mwaiti n te berita aei aika a korobukia. N te tai ae aki maan n nako e tuangira te kairake n aine bwa imwin ana ukeuke iaon aran tinana, e a tia n roko n te tembora ni karaoa te mwakuri ibukina. E taekinna ngke e bwabetitoaki ibukina, iai nanona ae itiaki bwa e na butimwaia tibuna te unaine n te maiu are e na roko. Taneiai n aron koaua aika kakorakoraki aikai ao ni karekea te nano n iri mwakuri iaon otenanti riki tabeua n te tembora.





A mwaiti kairake aika a kaitara ma kariri ni bwaini kunikai aika aki riai. Ngkana karo ao taan kairiiri a bwaini kunikai aika a tamaraoa, kunikai aika tararaoi a na namakina nna kairake bwa a kona naba ni karaoia. A kainnanoia n ataia kairake bwa aron aia kunnikai ao n tararua rabwataia e kona ni kaota aroia n riki bwa taan irira Iesu.

A kona karo ni buokia kairake ni katauraoia n rin n te tembora ni buokia n atai berita aika tabu aika a na karaoi ikekei. Berita aika tabu n te tembora a raonaki ma berita ni "kamatebwaia tuan kawakinan te tamaraoa ao te itiaki, ni bwaina te akoi, te tangira, ni butimwai iango aika ka-kaokoro ao n itiaki; kamanena am tarena ao am bwai nakon kabutanakoan te koaua ao tabekakirakean te [utu]; ni kateimatoa te nano nakon aan te koaua; ao n ukeuke-ria ni kawai ni kabane n ibuobuoki nakon te katauraoi ae tamaraoa bwa e aonga te aonaaba n tauraoi ni kareke ana King—te Uea Iesu Kristo."³ A kona karo ni kakoaua bwa a na karekei bon irouia ao kakabwaia aika a mwaaka kairake inanon maiuia ngkana a kawakin berita aika tabu aikai, ao a na riki n iai riki nanon berita aika tabu aikai nakoia kairake ngkana a buokia aia karo n ataia bwa kakabwaia ao berita aika tabu a kona ni karaoaki rinanon Ana Mwakuri ni Kamaii Iesu Kristo.

A mwaiti kawai aika ti kona iai ni buokia natira ao kairake ni karekei kakabwaia man te tembora. Ngkana a rangin n tauraoi, ao ana bon kona n namakina te rau ao n namakina te Tamnei ao ni kona ni karekei atatai n tamnei aika tamaraoa ngkana a karekei aia entaumente. Te taneiai n te tembora ae e kakorakora e na karikia bwa ana rei-rei Kristo ao mitinare aika tamaraoa riki—unga nanona ni buokia naake a reireiniia ni katauraoia ni karekei oin aia otenanti aika tabu n te tembora. ■

BWAI AIKA A NA TAAKAI

1. Howard W. Hunter, "Follow the Son of God," *Ensign*, Nobembwa 1994, 88.
2. David A. Bednar, "The Hearts of the Children Shall Turn," *Liahona*, Nobembwa 2011, 26–27.
3. James E. Talmage, in *Preparing to Enter the Holy Temple* (2002), 34–35.

RIKIARA NI Mitinare Ae Kakannato

Iroun LaRene Porter Gaunt
ao Linda Dekker Lopez
Ana Maekatiin te Ekaretia

Mitinare n te bong aei a reita nako te mwakuri mai irouia ara bakatibu ni kabuta aonaaba n atakin Iehova (tara Itaia 11:9). Mairoun Aberaam nakon Bauro nakon Amon nakon Wilford Woodruff, mitinare inanon booki aika tabu ao rongorongan te Ekaretia a katauraoia mitinare n taai aikai ma banna ni katoto aika korakora.

E ngae ngke ngaira mitinare aika membwa, aika a katauraoi ibukin te mwakuri ni mitinare ae bwanin taina, ni karaoa te mwakuri ni mitinare, ke n oki man te mwakuri ni mitinare, ti kona ni karekea te unganano ao kairi man banna ni katooto aikai.

Ni kabane mitinare, n taai ake rimoa ao n taai aikai, a beku ma te kantninga bwa ana karaoa te maiu bwa e na nakoraoi riki ibukia aomata tabeman.

Rikiara ni Mitinare n te Baibara ao n te Pearl of Great Price

Mitinare n te O Tetemanti, n aron Iona, a weteaki bwa ana taekina te bwana ni kauring nakoia aomata (tara Etekiera 3:17–19). Man ana katoto Iona ti nora kakawakin te rairannano ao te ongotaeka. E reireinira karakinan Aberaam taikan te riki ao mwakan te Nakoanibonga ae te Merekiteraka.

Mitinare n te Nu Tetemanti, n aron Betero ao Bauro, a mwakuri ni kateimatoai ana reirei Iesu Kristo. E ngae n anne, n te tai anne ao te aonaaba e mena inanon te tai ni kitanan te koaua. E kaoka te euangkerio te Atua rinanon te Burabeti Ioteba Timiti. Ti a mwakuri ngkai, n aroia mitinare aikanne, ni kateimatoa ao n tibwaua ana reirei Iesu Kristo.



© 2002 DANIEL A. LEWIS

Iona iaon te Bike i Nineveh, iroun Daniel A. Lewis. E rairananona Iona ao e nakonako n tataekina ao ni kamatoa bwa e uea Iehova n tabo ni kabane ao E aki kaonota Ana tangira nakon te aba ae ti teuana ke te aomata ae ti temanna (tara Iona 1–4).

TE BWANA NI KAURING

"Ibukina bwa e akoi te Uea, E weteia toro bwa a na kauringia aomata ibukin te kaangaanga. . . . langoa Iona. E nako n te moan ngke e weteia te Uea bwa e na reireinia kaain Ninewe ake aki ata te kaangaanga man karaoan te bure. E atai a bwa aomata aika buakaka n rongorongan te aonaaba ngkao a tia n aki kakoauaia burabeti ao n tabetai a kamateia. Ma ngke e karaoia Iona ma te onimaki, te Uea e kakabwaia ma te kamanoaki ao te tokanikai."

Beretidenti Henry B. Eyring, Moan Kauntira n te Moan Beretitentii, "Let Us Raise Our Voice of Warning," *Liahona*, Tianuare 2009, 3.





Betero ao Ioane i mataia
Taan Tautaeka i Ierutarem,
iroun Simon Vedder. A
uotaki Betero ao Ioane nako
matan te kauntira, ao e titi-
rakinia te ibonga ae reitata,
“Ti kakorakoraira ngkoia ni
kauringngkami ba kam na
aki retrei n te Ara arei? Ao
noria, kam kaona Ierutarem
n ami retrei. . . . Ao Betero
. . . a kaeka ni kangai, E
riai riki iran nanon te Atua
nakon iran nanoia aomata”
(Mwakuri 5:28–29).

Te Abotoro Bauro, *iroun Karel Skreta.* N
ana mwananga ao ana reta, e kaoti ana
koaua te Tia Kamaiu ae mwaaka Bauro
ni kabuta Asia Minor ao angin taabo
n te aonaaba aika e atai n te tai anne.



BPK, BERLIN / GEMÄLDGALERIE ALTE MEISTER, STAATLICHE KUNSTSAMMLUNGEN,
DRES / ELKE ESTEL / HANS-PETER KLUT / ART RESOURCE, NY



Te Merekitereka E Kakabwaia
Abram [Aberam], *iroun Walter
Rane.* Merekitereka e kaka-
bwia Abram (tara Karikani
Buaai 14:18–20) ao e anga-
nna naba te nakoanibonga
(tara D&C 84:14). N te tai
teuana, e kaoti te Uea nakon
Aberam, ao n tuangnga bwa
E na karikia bwa te minita,
ao ni katoka iaona Arana
nakon aba aika kamimi. E ta-
ekinna ngkanne bwa e na riki
aei bwa te kakabwaia nakon
ana kariki Aberam imwiina,
ao bwa a na kateimatoa te
mwakuri ao te Nakoanibonga
ana kariki ni kabuta te aba
(tara Abraham 2:6, 9).



© GARY L. KAPP, E AKI KONA NI KAORINAKI



REIAKINAIA TAAN AKI KAKOAWA

"Natin Motiaeia Mwaane . . . a nako ibuakoia Reimwanaite. Reiakinaia bootan aomata ae aki boraoi aia kaeti ma te rikirake n tamnei, mitinare aika onimaki aikai a ibuobuoki ni uota te bitaki ae moan te korakora irouia Reimwanaite. Ti ata anne . . . 'aron ae a mwaiti Reimwanaite ake a kakoaua aia kabwarabwara, man rairaki nakon te Uea, a bon aki manga tannako' (Aramwa 23:6)."

Unimwaane James B. Martino man te Itingaun, "Repentance That Brings Conversion," *Ensign*, Tebetembwa 2012, 58.

Amon imatan te Uea Ramonaai, iroun Gary L. Kapp. Amon, temanna natin Motiaeia te mwaane, e kamaiua ana aomata te Uea Ramonaai. Ngke e titirakinaki Amon iroun te Uea ngkana ngaia ae kanakomatatakaki iroun te Atua, e taku Amon bwa ngaia te aomata ae e weteaki iroun Tamneina ae Tabu bwa e na reirei taekan te euangkerio "nakoia ana aomata [Ramonaai], bwa aonga ni uotaki nakon ataakin ae riai ao ae aki koaua" (Aramwa 18:34).

Ara Bwaibwai ni Mitinare n Ana Boki Moomon

Aramwa, Amureka, natin Motiaeia mwaane, ao Tamuera te Reimwanaite ti ngaia tabeman mai ibuakoia banna ni katoto aika tamaroa mai ibuakoia mitinare aika ti kuneia n Ana Boki Moomon. Ti kuneia mai irouia katoto n aron te rairannano, onimaki, ongotaeka, ao te nano ae korakora. Ti kona n aroia, n onimaki iaon te kairi ao kaotioti mai iroun te Atua ni wakin ara mwakuri ni mitinare.

E Uoti Rongorongo Aika Raraoi Nakon Tamneiu, iroun Walter Rane. Tē anera e kawara Tamuera te Reimwanaite ao ni uoti "rongorongo aika raraoi nakon tamneiu [Tamuera]" ni kaineti ma rokon te Tia Kamaiu (Ereman 13:6–7). Ngkai bon iteran ana mwakuri bwa e na kabwarabwara nakoia Nibwaite, Tamuera e tei iaon on kawan Taraemera ao n tibwaua te rongorongo ae raoiroi ma aomata.



Ara Bwaibwai ni Mitinare n te Doctrine ao Covenants

Imwin Kaokan te euangkerio, a kakawaki mitinare. Mitinare n aron Dan Jones, Orson Hyde, ao Parley P. Pratt a tibwaua rongorongan Ana Boki Moomon ao ana euangkerio Iesu Kristo. Tabeman, n aron Samuel ae tarin te Burabeti Iotebwa, e beku ni kaan ma mwengana. Tabeman a mwananga nakon tabo aika raroa n tibwaua te euangkerio n aron Thailand, te Sandwich Islands (Hawaii), Denmark, ao England.

Mitinare ngko aikai aki toki ni karaoa aia mwakuri ni mitinare n ae raka iaon teuana, ao ni karaoi mwakuri ni mitinare aika maan. A kitania aia karo, raoia, buia, natia, ao tibuia n aron ae ti karaoia. A mwakuri kanga banna ni katoto nakoira n te bong aei n ara onimaki, nanora ae korakora, ongotaeka, teimatoa, ao ni mwakuri korakora.



Taan Kabwarabwara n te Moomon, ioun Arnold Friberg, e boboto iaon te oritino ioun Christen Dalsgaard. Te tamnei aei ae tamneia mitinare irouia Aika Itiaki ni Boong Aika Kaitira n taai akekei n reirei taekan ana euangkeiro Iesu Kristo nakon ana utu Danish ake a ikotaki n ni mwengaia bon katotongan te mwakuri ni mitinare n te ka 19 n tienture. A reirei naba mitinare ni konan te kaawa ke ni mwaneaban te taun ni bootaki.



Wilford Woodruff E Katauraoi Ibukin Bwabetito i Benbow Farm, ioun Richard A. Murray. Te Uea e kaira Wilford Woodruff n te 1840 nakon ana tabo ni man John Benbow i Herefordshire, England. "Iai te aomata ikekei ae a tia n tataro ni karekea aron barongaan bwaai n taai akekei," e koroia Wilford. "Mwiina e kangai, te moan tenibui ni bong imwiin rokou ikekei I bwabetitoia onobubua te aomata. . . . Inanon waniua te namwakaina ni mwakuri n te aba arei I kairia teuana tengah wanibubua aomata nakon te Ekaretia. Bukin tera? Ibukina bwa iai te aomata ae katauraoaki ibukin te Euangkerio" ("Discourse," Deseret Weekly, Nobembwa 7, 1896, 643).

*Mitinare aika
tibwa roko a bwa-
betitoia kaain te
aba ae Sandwich
Islands (Hawaii)
ni moan te ririki
1851. Te tamnei
aei e raweaki
imwiina riki
(imwiin 1851).*



EN A AKI KAONIAMI


Karikirakean Ara Bwaibwai ni Mitinare

Man te tai are e katanoata Beretitenti Thomas S. Monson n te maungatabu ni kabuta n Okitobwa 2012 ae ataeinimwaane ao ataeinnaine a kona n nako ni mitinare n roroia ae uarereke riki, tebwina tengaa Aika Itiaki ni Boong Aika Kaitira aika a tia n riki bwa mitinare.

N te maungatabu ni kabuta are e karaoaki n Eberi 2013, Unimwaane Neil L. Andersen man te Kooram n Abotoro n te Tengaun ma Uoman e taekina ana koaua iaon te mwakuri ni mitinare ao ni kaungaira n tatabemanira bwa ti na riki bwa mwakoron te kakai ae tabe n rikirake n

ibuobuoki ni kakaia aomata aika a tauraoi ni kan ongora taekan te euangkerio: “N aron ae e a tia te Uea ni kaungaia mitinare riki aika mwaiti bwa ana nako ni karaoa te beku. E kauki naba aia iango ao ni kauki nanoia riki aomata aika tamaroa ao a kokoaua bwa ana karekei Ana mitinare. Ko a kaman kinaia ke ko na kinaia n taai aika ana roko. A mena n am utu ao ni maeka irarikim. A nakonako irarikim inanon te kaawa, e tekateka irarikim n te reirei, ao n reitaki ma ngkoe iaon te rain” (“It’s a Miracle,” *Liahona*, Meei 2013, 78). ■

Tibwuakan te Euangkerio inanon te Kaawa, by Ken Spencer. *Mitinare aika
uoman aikai a tibwaua te euangkerio ma te mwane imatan te titoa ni boki*
i New Brunswick, New Jersey, USA.



MAN ANA MWAMWANNANO RONGORONGON TE EKARETIA MIUTUM




AM BAETI NI MITINARE

“Ngkana tiaki ngkoe te mitinare ae bwanin ana tai ma arana ae kanimwaki iaon am kooti, aio te tai ae ko na benia teuana inanom—ni beniaki, n aron are e takinna Bauro, ‘tiaki n te ingke, ma n Tamnein te Atua ae maiu.’ ”

Unimwaane Neil L. Andersen man te Kooram n te Tengaun ma Uoman n Abotoro, “Bon te Kamiimi,” *Riaona*, Meei 2013, 79.



MANANA MWAMWANNAO RONGORONGON TE EKARETIA MIUTUM



© IRI, ANA MWAMWANNAO JUEING CHEN

Mitinare n Tainako,
ioun Juei Ing Chen.
Kaain te Ekaretia
n Taiwan, n aroia
mitinare n tabo ni
kabane, a ukoukoria n
tibwaua kimwareireia
n te euangkerio ao ni
booki aika tabu. A toka
booki aika tabu taon te
taibora, ao te kaon-
taina ae rietata man
buru e tau beeaban ta-
mnein te Taipei Taiwan
Tembora.



Mitinare Aika Itiaki Ni Boong Aika
Kaitira i Sierra Leone, ioun Emile
Wilson. Te moan ni mition i Sierra Leone
e kateaki Freetown n Turai 1, 2007. E
riki Freetown bwa te ka 3,000 n titeiki
n te Ekaretia n Ritembwa 2, 2012.



Iroun Unimwaane

Eduardo Gavarret

Man te Itingaun

TE KATAURAOI NI KAITARA TE BONG NI BUAKA

*Ti bia, man katukan ara mwioko iroun te Tia Kamaiu,
Iehova Tabaota, n tauraoi ao n aki kerikaaki ke
ni konaki n te tabo ni buaka.*

Nte ririki 1485, Richard III ngaia ngkanne uean Engkand. Bon te tai n aki nako-raoi n te tautaeka, ao Richard e kamanoa rikina n uea e raka iaon teuana te tai. Ma bon te aomata ae e rangin ni mwatai, te tia buaka ae ninikoria man ni wanawana are iai ana taan tia buaka imarenan te mwaiti ae 8,000 ao 10,000 tautia.

N te ririki naba anne, te mwane ae tangiria n riki bwa uean England, Henry Tudor, Earl of Richmond, e kaewenakoa ao e kaotinakoa Richard n te tabo are e ingoanaki iai te buaka: Bosworth Field. Henry, tiaki ti tebo ma Richard, e uarereke ana atatai n te buaka, ao iai ana tanga ni buaka ae ti 5,000. Ma iai ana aetuwaitia aika wanawana aika buokia—mwane aika a ririeta nakoaia ae reke man rikia n uea aika a tia n ira te aeka ni buaka aei, n raonaki ma tabeman ake a kaitara Richard. E roko moaningabongin te buaka, ao a katautauaki bwaai ni kabane bwa e na tokanikai Richard

Te karaki ae moan te kakongora e kakimototoi bwaai aika riki n Aokati 22, 1485. N te ingabong anne, te Uea Richard ao ana aomata a katauraoia n ira te buaka ni kaitara ana tanga ni buaka Henry. Ane e tokanikai n te buaka e na riki bwa te tia tautaeka iaon England. Tabeuia te tai imwain te buaka, e kanakoa ana toro Richard n tarai a bwa e a tauraoi ana aoti ae mamaten nanona.







"E karin kaun te aoti iaona ni waekoa," te toro e tuanga te tia karaoa ana kau te aoti. "E kantaningaia te uea bwa e na kairia ana tautia n rimoaia ma ana aoti."

E kaeka te tia karaoa ana kau te aoti bwa e na tataninga. "I a tia ni karin aia kau ni kabane aoti n ana tanga ni buaka te uea tabeua te bong n nako," e taku, "ao ngkai N na nako ni karekei riki taian biti."

Te toro ae a un e taku bwa e aki kona n tataninga. "Aian te uea a roko ngkai, ao ti riai ni kaitaraia n te tabo ni buaka," e taku. "Kabonganai bwaai ni mwakuri aika iai iroum ngkai."

N aron are e a kaman tuangaki bwa e na karaoia, te tia karao kau e karaoa ana kabanea ni kona, ni karaoi aua kau n aoti man te kai te biti. Imwin neeranakin te kau n te ama, e neran teniua iaon te aoti. Ngke e kataia ni kanima te kaua ni kau, e kunea bwa e aki tau te neera.

"I kainanoa riki teuna ke uoua te neera, ao e na kabanea teutana te tai n neeran," e tuanga te toro.

Te toro, n te tai aei, e aki kona n tataninga riki. "I ongo tangin te bwai ni katangitang ngkai," e katanoata. "Ko aki kona n ti kabonganai ae iai iroum ngkai?"

E kaeka te tia karao kau bwa e na karaoa ana kabanea ni kona ma e aki kona ni koaua ae te kaua ni kau e na kona n taua.

"Ti neranna iaona," e tuatua te toro. "Ao kawaekoa, ke e na un te Uea Richard iroura ni kauoman."

E aki maan ao e a waaki te buaka. Ni kaungaia ana aomata, Richard e biri n ana aoti ni waerake ao ruo n te tabo ni buaka, ni buaka ni kaumakia n takarua, "Waaki nako! Waaki nako!"

Ngke e tara te tabo ni buaka Richard, e noria tabeman ana aomata bwa a keerikaki. Makakin are a na kona ana tautia tabeman ni maaku naba, e waekoa ni buti ma ana aoti nakoia ana aomata ake a keerikaki n te aro bwa e na kaungaia bwa ana reitinako ni buaka. Ma imwain are e roko irouwia Richard, e biri n tei ana aoti ao e bwaka, ni karenakoa te uea nako aontano. Teuana ana kau te aoti, n aron are e raraoma iai te tia karao kau, e kibanako n ana tai ni kabirimwaka te uea.

E kiba Richard mai iaontano ngke e teirake ana aoti ao ni kibakibarake. Ngke a tabe n roko ana tautia Henry, e ioioa ana kabaang Richard nako karawa, man takarua, "Te aoti! Te aoti! N na anga aba n ueau ni karekea au aoti (ngkai naba).

Ma e a bon oimwi. Ngkekei naba, ao ana aomata Richard a birinako ni karekea maiuia bwa a maakuia ana taanga ni buaka Henry ngke a moanna n roko, ao



URING BWAAI AIKA UAREREKE

"Ongotaeka nakon reirei ni burabeti aika e tangiria Kristo bwa ko na iri. Tai urua aron kokaneim n taai

aika a na roko man karaoan te kabwabae irarikin are karaoan reirei n te euangkerio aika onimakinaki. Uringnga: bwaai aika uarereke a kona n riki bwa bwaai aika bubura. N tarakina mwakuri aika aki riai ke kakean bonganai te aomata e kona ni karika te kangaanga ae bubura. Ae kakawaki riki, e bebete, e teimatoa, katei aika tamaraoa e a kona ni kairiko nakon te maiu ae onrake ni kakabwaia aika mwaiti."

Unimwaane Richard G.Scott of the Quorum of the Twelve Apostles, "For Peace at Home," *Liahona*, Meei 2013, 29.

a konaaki n te buaka. Man te tai anne ao aomata a tatekina te boem:

*Ibukina bwa akea te neera, e bua te kau,
Ibukina bwa akea te kau, e bua te aoti,
Ibukina bwa akea te aoti, e bua te buaka,
Ibukina bwa akea te buaka, e bua te aba n uea,
Ao ni kabane ibukina bwa akea neeran te aoti.¹*

Kamatoatoan Ara Koaua

Ngke I tabe n iangoia te karaki, I iangoia bwa e kanga te bwai ae bebete n aron buakakan kanimwan neran waen te aoti e a karika te bitaki n te karaki. Ti kona ni kabotaua te nera ae bua nakon koauan te euangkerio. Akean koauan te euangkerio ao reitakin bonganai ao karaokia e kona ni katikuira ma te nano ae aki koaua n te tabo ni buaka ni kaitara te kataki ao te buakaka.

Tera bwaai aika ti tataneiai ni karaoi inanon maiura aika bua man maiura ao ara utu? Ti aki kakaraoa ara tataro bon iroura ao n ara utu? Ti teimatoa ni kamatebwai booki aika tabu? Te bootaki n utu n te tairiki ni katoa tai? Kabwakan te kabuianibwai ae bwanin? Ibuobuoki nakoia tarira ao mwanera? Karinean te bong ae te Tabati? Te nebonebo n te tempora? Te tangira ibukia kaain rarikira?

Ngaira n tatabemanira nako ti kona n tarai aron maiura ao ni kakaea te bwai ae ti kabwaka iai—tera te koaua ke bwai ae ti tataneiai ni karaoia ae ti tangiria ni *kamatoa*

n ae matoatoa ni maiura ao n ara utu. Ngkanne, imwin are ti a tia n ata te koaua ke te bwai ae ti tataneiai ni karaoia, ti kona ni karaoia ma te nano ae korakora ao te nano matoa ni *kamatoa te neera*—ni maiuakina raoi riki te koaua anne ao ni katauraoira ao ara utu ni boutoka ao ni kamanoa te bwai ae eti.

N te Doctrine ao Covenants, te Uea e reirei, Ao kam na uota naba te barengaru are te maiu, ma ana kabaang Tamneina are e na karuo nakon aomi, ao Ana taeka ae E kaokia nakoira, ao n onimaki ni karokoa I roko" (27:18).

E a tia te Tia Kamaiu ni berita nakoia Ana toro aika kakaonimaki, Aia bwai ni buaka a na riki bwa au bwai ni buaka, ao N na riki bwa aia otanga ae ababaki ma te otonga ae karako, ao E na kabaei nukaia, ao man buaka bwa mwane ibukiu; . . . ao man ain koron unu N na kawakinia (tara D&C 35:14).

Ti riai n uringnga n tainako te bwai ane riki ngkana "e katauraoaki te aoti i mwain te bong ni buaka," n aron ae taekinaki n Taeka n Rabakau, "te kamanoaki bon mai iroun te Uea" (21:31). Ti kona n ira ana kakao Moronaai n "nakomai nakon Kristo, ma ni kakororaoaki irouna" (Moronaai 10:32). Ao ti riai, ni katuka ara onimaki iroun te Tia Kamaiu, bwaina te tatauraoi ao tai bwaka n te marae ni buaka ni kaitara te buakaka. ■

BWAAI AIKA A NA TARAAKI

1. Tara "For Want of a Horseshoe Nail," in William J.Bennett, ed., *The Book of Virtues: A Treasury of Great Moral Stories* (1993), 198–200.

Kawaekoan

TE MWAKURI NI KAMAIU

Ngkana ti kaoia, n tangiriia, ao ni beku ibukiia tabeman, ti riki bwa ana reirei ni koaua Iesu Kristo ao n ibuobuoki ni kawaekoa te mwakuri ni kamaiu.

Engae ngke iai te ingainga n nano ibukiia mitinare aika bwanin aia tai ni mwakuri aonrain ao ni kawari autinibootaki, bitaki aikanne bon mwakoron tamnein te mwakuri ni kamaiu ae uarereke. Ae kakawaki riki bwa ti na kanga ngaira membwa n riki bwa kaain te tamnei ni kawaekoa te mwakuri ni kamaiu. Ti aki tuangaki bwa ti na irekereke ma te burokuraem ae boou. Ti aki ti kaungaki bwa ti na riki bwa ana reirei ni koaua Iesu Kristo. Tabera bwa ti na ka irekerekeira ma te tangira ao te beku ibukiia ake irarikira—ni karauan nanon te tia mwakuri ae kainnanoa buokana, kaoakiia raoraora nakon te bwabetito, buokan kaain rarikira ae a kara ma mwakurian ana katawanang itinanikun ana auti, kaoan te membwa ae aki rangin ni kakaonimaki ni katairiki ma ngaia, ke ni buoka kaain rarikira ma rongorongan ana utu. Aikai kawai aika bwainaki ao ni kakukurei ni kaoia membwa aika aki rangin ni kakaonimaki ao naake tiaki kaain ara onimaki nako nanon maiura ao nakon otan te euangkerio. Tibwauakin taai ni kakukurei ao taai aika tabu mai nanon maiura ma ngaia e kona n riki bwa te kawai ae rangin nakoraoi ibukira bwa ti na “mwakuri n ana nne ni kurebe [Iesu Kristo] ibukin kamaiuakin tamneia mwaane [ao aine]” (D&C 138:56).

Tera te Mwakuri ni Kamaiu?

Te mwakuri ni kamaiu bon ana mwakuri Tamara are i Karawa “ni uota te aki mamate ao te maiu ae akea tokina ibukiia aomata” (Moses 1:39). Te mwakuri ae kakawaki aei e irianaki ma ana mwakuri ni mitinare te membwa, kateimotoakia aika tibwa rairaki, manga kaungakiia aika aki rangin ni kakaonimaki, te mwakuri n te tembora ao n rongorongan te utu, ao reiakinan te euangkerio.¹ N tainako, ao ti iangoi mwakuri n te euangkerio bwa aki ti tebo. Ma n *Te Mwakuri ni Kamaiu: Te Kanakobwana ibukiia Taan Kairiiri ni kabuta te aonaaba* n Tuun 23, 2013, Unimwaane Russell M. Nelson man te Kooram n Abotoro n te Tengaun ma Uoman e reirei bwa “e aki kona ni kaokoroaki te mwakuri. A aki bwenuauaki mwakuri aikai, boni mwakoron te mwakuri ni kamaiu ni kabane.”²

Te kibuntaeka ae “Kawaekoan te Mwakuri ni Kamaiu”—aran te kanakobwana n reitaki n te webutiaite (hasteningthework.lds.org)—e kaineti ma ana berita te Uea: “Nooria, N na kawaekoa au mwakuri inanon taina” (D&C 88:73).



KAMATATA N TE TAMNEI IROUN DAVID STOKER

Otenanti n te nakoanibonga aika kakawaki—bwabetito, kamatoa, katabuaki nakon te nakoanibonga ibukiia mwaane, otenanti n te tembora—a riki bwa bwaai aika kakawaki inanon kawaira n oki nakon Tamara are i Karawa. Ngkana ti ibuobuoki n te mwakuri ni kamaiu, ti ira ao ti kaungaia tabeman bwa a na ira te kawai n te berita ae tabu aei.

Membwa ao Mitinare a Bootaki ni Mwakuri iaan Kiingin te Nakoanibonga

E a roko te tai are ti na kabanea ara iango iaon moan reirei are kaainakin ana Ekaretia te Uea e nanonaki bwa ko

a weteaki bwa ko na kabanea nanom ae bwanin nakon Ana mwauri ni kamaiu. Beretitenti n te Titeiki ao bitiobi iai iro-ua kiingin te nakoanibonga n te mwakuri ni mitinare n aia iunite n te Ekaretia³ ao ni buokiia membwa ni karaoi bwai ake a karaoi ana reirei ni koaua Kristo—n tibwaua otan te euangkerio. Beretitenti n te mition iai irouwia kiingin te nakoanibonga are e na buokiia ni karaoi aia mwakuri mitinare ake a kairiia.⁴ Mitinare aika bwanin aia tai a kataneiaki n reireiniia naake a tauraoi n ongoraeakina te euangkerio. A buokia membwa ma aia mwakuri mitinare ibukiia membwa, tiaki ni kaibibiti. Mitinare aika bwanin aia tai ao aika membwa a



uaia n reitaki ni uota te euangkerio nakon maiuia naake e a tia te Uea ni katauraoia bwa a na karekea.

E taku Beretitenti Thomas S. Monson n tain te kana-kobana: “Aio te tai ibukiia membwa ao mitinare ni uaia ni bootaki, ni mwakuri ni bootaki, ni beku n ana nne ni kurebe te Uea ni uoti tamnei nako Ina. E a tia ni katauraoa te kawai ibukira n tibwaua te euangkerio ni kawai aika mwaiti, ao E na buokiira n ara mwakuri ngkana ti na mwakuri inanon te onimaki ni kakoroa nanon Ana mwakuri.”⁵

Unimwaane Neil L. Andersen man te Kooram n Abotoro n te Tengaun ma Uoman e taetae iaon kakawakin te tangira. E taku, “Ti bane ni mwakuri n te onimaki ao te katiteuanaki—te onimaki are te Uea e kairi kawaira ao ni katiteuanaki ma ngaira n tatabemanira nako ao ma mitinare, ni kaungaaki n tainako man ara tangira ibukin [Iesu Kristol], ara tangira ibukiia n tatabemaniia nako, ao ara tangira ibukia naake ti beku ibukiia.”⁶

Ara Kauntira n te Uoote a Kairiiri, Taan Kairiiri n te Uoote a Karaoa te Babaire

Iaan ana kairiiri te bitiobi, te kauntira n te uoote e kabebetei, boutokai, ao ni katiteuanai aia mwakuri membwa n te uoote man babairei ao ni kaira te mwakuri ni kamaiu ibukin te uoote.⁷

Ngkai te membwa n ana kauntira te uoote, te tia kairiiri n te mition n te uoote “e babairei ana mwakuri te uoote ni kakaa, reirei, ao ni bwabetitoia taan kakaae. E bairea te mwakuri aei ma aia mwakuri mitinare aika bwanin aia tai.”⁸

N taetae nakoia taan kairiiri n te mition n te uoote, e taku Unimwaane Nelson: “Buokiia [mitinare] ni kakoroi nanon aia tai ao aia boontaeka aika uaana bwa e na aki reke aia tai ni karebwerebwae iaon mataroa ni ukoukoria aia aomata aika ana reireinia . . . [Ngkoel] te bwai n reitaki imarenaia mitinare, kauntira n te uoote, ao kaain te uoote.”⁹



Uakoraan te Tokanikai ni Koaua.

Ngkai ngaira aomata Aika Itiaki ni Boong Aika Kaitira ti kakabwaiakaki n te tai aei ngkai e kawaekoa ana mwakuri te Uea. Bukina bwa iai Ana kantaninga te Uea ngkai e katikuira iaon te aba n te tai aei, iai ara konabwai ni karaoa ae batiriki nakon are ti taku bwa ti kona. Ti ngkana ti kakaenako ma te akoi ao te tangira nakoia naake a kainnanoa ara iraorao ao ara ibuobuoki, ti na bon aki bwaka. Aia tokanikai mitinare e reke man irakin te kairi mai ieta are e roko nakon ara iango ao nanora ao ni kaoia tabeman nakon boton maiura n te euankgerio. Te kakao bon kaotan te tokanikai, tiaki bukina bwa a bwabetitoaki aomata ke ni kakaonimaki n te Ekaretia. N aron are e taekinna Unimwaane Jeffrey R. Holland man te Kooram n te Tengaun ma Uoman ibukin korakoran aia taanga ni buaka mitinare ake a rin nako nanon te tabo ni mitinare: “Te aoa e mena iaora are ti na riai ni kangai ngkai, ‘Ae a roko.’ Ngaira ni kabane ti na babaire ibukin ao ni kabongana te bwai n reirei ae karokoaki mai i karawa n te kawai ae moan te nakoraoi.”¹⁰

Bon te tai ibukira ni kabane n ata riki tabera ni kawaekoia te mwakuri ni kamaiu. Ngkana ti karaoi mwakuri ni mitinare ibukiia membwa, kateimatoakiia aika rairaki, kamarurungaia aika aki batii ni kakaonimaki, te mwakuri n te tembora ao rongorongan te utu, ao n reiakina te euangkerio bwa mwakoron maiura ae ti tataneiai iai, ti na namakina te kukurei ae korakora ao ni kabaeaki ma ana bwaintituaraoi te tamnei ae ti kainnanoia ni kakorakora iai te Ekaretia n te ka 21 n tienture. ■


BWAI AIKA A NA TARAKI

1. Tara Aeniboki 2: *Babairean aron Kairan te Ekaretia* (2010), mwakoro 5.
2. Russell M. Nelson, *Te Mwakuri ni Kamaiu: Te Kanakobwana ibukiia Taan Kairiiri ni Kabuta te Aonaaba*, Tuun 23, 2013, hasteningthework.lds.org.
3. Tara Aeniboki 2, 5.1.6; 5.1.9.
4. Tara Aeniboki 2, 9.5.4.
5. Thomas S. Monson, *Te Mwakuri ni Kamaiu*, hasteningthework.lds.org.
6. Neil L. Andersen, *Te Mwakuri ni Kamaiu*, hasteningthework.lds.org.
7. Tara Aeniboki 2, 5.1.2.
8. Aeniboki, 5.1.3.
9. Russell M. Nelson, *Te Mwakuri ni Kamaiu*, hasteningthework.lds.org.
10. Jeffrey R. Holland, *Te Mwakuri ni Kamaiu*, hasteningthework.lds.org.

bukin te witeo ibukin *Te Mwakuri ni Kamaiu: Te Kanakobwana ibukiia Taan Kairiiri ni Kabuta te Aonaaba* inanon 26 taetae, kawara hasteningthework.lds.org. Ko kona naba ni kunea te kanakobwana ae kawakinaki inanon 59 taetae inanon lds.org/broadcasts. Aeniboki 2: *Babairean Aron Kairan te Ekaretia* e kona ni kuneaki inanon 29 taetae inanon lds.org/manual/handbook.



*Katokaakia
mitinare n te
taekiti e moana
kawaina Roger
Randrianarison
n riki bwa ana
reirei Kristo.*



RIKI BWA

Aomatan te Raoi



*Te tembora, taian mition, ao te
mwakuri n ibuobiuki a buoka
Roger ma ana utu ni mwaing ni
karikiia bwa te utu ae akea tokina.*

Iroun Matthew D. Flitton

Ana Maekatiin te Ekaretia

Eataia Roger Randrianarison bwa iai te bwai teuana ae bua man maiuia ana utu.

“I tataro nakon te Atua bwa e na buokai ni kunea te bwai teuana ni kairan au utu,” e taku. “Iai te bwai ae I tangiria ni kaira au utu iai n te bwai ae tamaroa, te bwai teuana ae e na kairiiri nakon te kawai ae eti.”

E tabeaianga nanona bwa e na kanga ni karikirakeiia teniman ataei—natina mwaane, Randrianandry ao Sedinirina, ao natina te aine, Nirina. E nanokawaki bwa kakai rotakina n te un e kariki kaangaanga n ana utu. E tangiria n riki bwa te karo ae akoi riki.

“I motika nanou bwa ngai ae N na bitaki ibukina bwa I noria bwa te aeka n aomata tera ngai are I a tia n riki n aekana,” e taku.

E bua ana karikirake ni kateitei Roger tabeua ririki n nako ao e a mwamwakuri bwa te turaiwa n te taekiti i Antananarivo, Madagascar (te aba teuana n te West Indian Ocean). N tetaina e katokaiia uoman mitinare aine.

“Ngke a rin n te ka, a titirakinai arau ao ngkana iai au utu,” e taku. “A titiraki ngkana I ataia bwa antai te Atua ao ngkana I tatataro Nakoina.”

A anenei kuna mitinare ma Roger i nanon butiia n te ka ao a kaoa nakon te taromauri n te umwantabu. E keiaki ni mwananga (nakon te taromauri) n tabetai ma e aki kona n nakoraoi iriiran bobotaki irouna ni kaineti ma ana tai, ao e toki reitakina ma mitinare.

Tao nimaua namwakaina rimwi riki e tabe ni mwakuri Roger ni mwengana n tetaina ngke e ongo bwanaia uoman mitinare ake a tabe n taetaenikawai nakon temanna i tinanikun ana o. E ataia Roger bwa a na kawaria ni maroro ma ngaia. E namakina are e riai ni kaekaiia n eng nakon titiraki ake a na titirakinna iai.



Kamatebwain te euangkerio n te utu e buoka ana utu Randrianarison n rikirake ni kaan riki ni bobotakiia.

I mwin tian kaotakiia bwa antai ngaiia, a titirakinna mitinare ngkana e a tia n ata taekan te Atua. Eng. E tangiria n tataro nakon te Atua? Eng. E tangiria n taetae nakoiia mitinare? Eng. N ningai? Ngkai. A taetae mitinare bwa a na manga okiria i nanon 20 te miniti. Ngke a oki, a airi ma temanna kaain te aro are a maeka n uakaan ma ngaiia.

E mwaiti te tai are a reireina Roger mitinare i nanon teuana te namwakaina n ana auti. Ibukin baike a aki raraoi n taekan te Ekaretia ake a tia n ongo, nikiran ana utu a aki kan kekeiaki ma mitinare. I mwin teuana te namwakaina reiakinan taekan te euangkerio, e a ira te tataro Roger ma mitinare n te umwantabu. Aroia membwa ni butimwaa ma te akoi n te umwantabu e tiku mwina irouna bwa te bwai ni kakukurei. “A butimwaeai membwa kanga ai aron are a kaman kinaai n te tai ae maan,” e taku.

E okira mwengana man te umwantabu Roger ao e tuangiia kaain ana utu bwa e nang bwabetitoaki n te namwakaina ae na roko ao ngaiia iai inaaomata ni kona n rinerine bwa a na kaaina te Ekaretia ke a na aki. A butia bwa e na tataninga bwa a aonga ni kona n iria. A moana iriirakin bobotaki ao a mimi ma ni kukurei naba.

Te moan tai are e iriiri bobotakin te Ekaretia iai e tiku betina ae maan iroun ana karimoa n nati ni mwaane Roger, Randrianandry. “Te moan tai are I roko iai n te umwantabu I rang ni mimi ibukina bwa aomata a rang n nanorinano,” e taku. “Te moan a bwairaraoi nakon te umwantabu. I mwin

anne I a ataia raoi bwa ngaia ni menaia ikeikei bon iai bukina, tiaki te kan tiroaki i mataia aomata.”

A bwabetitoaki te Randrianarisons ni bane n aia utu ni Beberuare 20, 2003. Ngke 8 ana ririki Nirina, Sedinirina 17, ao Randrianandry 19. A toki man te mwakuri te utu aei n Tabati nako ao a moanibwaia maiuakinan te euangkerio.

Bitaki

“I mwin tian bwabetitoaki, I noria bwa e batte bitaki ni mwengara,” e taku Arelina, bun Roger. “E riki bwa te mwenga n tamnei, ao a rang ni batte kakabwaia, ni kauoua bwa n aonteaba ao n tamnei, a reke man maiuakinan te euangkerio.”

Man te taratara n aonteaba, e kamo Tamara are i Karawa Roger ngke e buokia ni manga katea waen ana karikirake. I mwin uoua te ririki ni kabubutitaekiti ao ni karaoi baike e konai ni karekei bwai ibukin ana utu, e moana karerekean ana konturaeki ni kateitei. “I onimaki bwa te Atua e aki toki ni kakabwaiaai n te tai are I baireia n Iriiria,” e taku.

Ma a taku natina mwaane bwa te kabanea ni bubura ni bitaki are a tia n noria bon anuan maiun tamaia. A kabwarabwara tamaia ngkai bwa katoton te nanorinano ao te akoi. E taku Roger bwa e ana nanona te euangkerio bwa e na bitaki. Man te tai are e kamatebwai, e keiaki Roger ni karaoi bwai aika raraoi ni maiuna.



TE MWANE NI BUOKA NI BOUTOKAN TE TEMBORA

"Iai naba ngkai aanon te aonaba aika rang ni kakironako iai taian tembora mai irouia ara membwa aika aikoa kona te mwamwananga ae a kainnanoia ni karoko iai. A bon aki kona ni karekei kakabwaia aika tabu ma n akea tokia ake a katauraoaki man taian tembora. Ni buokan te itera aio, iai iroura ae tauraoi ae aranaki bwa te Te Mwane Ni Buoka ni Kabuta Ni Boutokan Te Tembora. Te mwane ni buoka aio e karekei kawaran te tembora ae ti tetaina ibukiia naake aki kona n nako n te tembora ao ni karokoa ngkai e a maan korakain nanoia ni kainnanoan reken aia tai anne. Antai are tauraoi n anga buoka nakon te mwane aei e kona ni karina ana rongorongo i aon te beeба ae kakabonganaki ae e anganaki te bitiobi."

Beretintienti Thomas S. Monson,
"Ngkai Tia Manga Bane ni
Kaitibooaki Riki," *Riaona*,
Nobembwa 2011, 5.

"Ibukin reirein te euangkerio, I a tuai manga rang kai un, e taku. "N tabetai I kaunaki, ma te euangkerio e a reke bwa mwakoron au namakin, au iango ao tamneiu. E buokai n anganai te rau."

N reken aroaro n unun, bon Roger are e karekeia te raoi irouia membwa n te utu ao e kauringia bwa a na karaoa are E karaoa te Tia Kamaiu.

"E a nanorinano tamau ao ngkai e a tararua te utu ma te tangira," e taetae Sedinirina. "Ngkana I ota iai bwa e kanga ni bitaki, I rang ni kakatonga iroun Tamara are i Karawa, ibukin te euangkerio, ao ibukin rikira bwa membwa n te Ekaretia."

Te Utu Ae Akea Tokina

N 2006, man Te Mwane Ni Buoka ni Kabuta Ni Boutokan Te Tembora, a nako iai Roger ao Arelina nako Johannesburg, Amerika Maiaki, ni kabaeaki n te tembora.

Man 2009 nakon 2011, a karaoa aia mwakuri ni mitinare Sedinirina ao Randrianandry nako Amerika Maiaki—Sedinirina i Cape Town ao Randrianandry i Johannesburg. Mwakoron ungannanoia ni mwakuri bon buokaia utu tabeua ni bitaki, n aron are e a tia n reke n aia utu.

"E kona n reke te kakai ae aron aei, ao e riki ibukina bwa a roko mitinare n ara auti," e taku Randrianandry. "Ai ngaia are e a reke nanou ni kan karaoa te bwai ae ti tearona nakon te utu teuana n te tabo teuana."


Te babaire anne e uota te kakabwaia teuana nakon te utu ae te Randrianarison. Iai tetaina ae ruabong te bong iai ngke ngaiai ni kauoman Sedinirina ao Randrianandry a nang mena n te Johannesburg Missionary Training Center. E karaoa kibaia n utu Roger ma Arelina ao natia te aine, Nirina, nako Amerika Maiaki bwa e aonga aia utu ae bwanin ni kona ni kabaeaki n te tembora. Nirina, 14 ana ririki n te tai anne, e taku bwa e kaangaanga kabwarabwarkin te waki are a mena i nanona ma are e namakinna.

"E kamarurunga au onimaki ao e buokai n namakina kaaniu riki nakon te Atua," e taku.

N te bong aei a mwakuri membwa n te utu ni kateitei ao ni kamarurungiia ake i rakiia. E mwakuri Roger bwa te bitiobi n ana uoote. Arelina, e mwakuri n te Moanrinan n Reirei ma te Onimaki n ana buroukuraem te Atua. Sedinirina, ngaia te tia ibuobuoki ni kiraka n te titeiki. Randrianandry te tia ibuobuoki ni kiraka n te uoote. Nirina e tarekita n te katangitang n te uoote.

E riki te euangkerio bwa kaekan taian tataro ni mwengan te utu ae Randrianarison. E kamaoi maraki man tai ake a nako, e reitia riki n aia utu, ao e anganlia aia tai n ikotaki n aki toki. E reiakina Roger bwa e na tatangira. "Te maiu n utu," e taku, "bon te maiu ae on n te tangira." ■

Te mwananga nako Amerika Maiaki ni kabaeaki n te Johannesburg Tembora e kakorakoraiia ana utu Randrianarison.



E NA OKI MATAIO?

ai ara kurubu n ataeinimwaane ae ai-ntoa ni maiuia n tamnei n ara uoote, ma natira te mwaane ae Mataio e rena ma temanna ae tiaki te membwa are a kaai n ti tebo nanoia n tangira te ka ma mwakuri ni mwakaeneke. Te kana-nokawaki iai bwa, teuaae raon Mataio aei e roko man te utu ae akea nanona n taekan te aro. Ana karo a kariaia te mooi manging ao te moko n aia auti ao a aki kakoaua kakawakin maiuakan te itiaki.

E a reke Mataio n te karinan are i eta n ana buroukuraem te Botaki n Tikauti n ataeinimwaane, ma e aki ira te botaki are e na anganaki iai nnena anne ibukina bwa e a katoka maiuakinan ana kainibaire te Botaki n Tikauti. I boboti ni kabane kaniwanganan n Tikauti ao I karaoa nneia te bwaoki ni kamataku ae kakateke ibukiia. Ngkanne I a kawakin i nanona, n te iango bwa n tetaina e na manena nakoina. Ngke e a roko n ana ririki 16, Mataio e a momoko, e a moomooi, ao e a kamanenai turaki aika aki kariaiakaki n te tua. E kitana te reirei ao e a maeka ma rona te aine. E a burenibwai norakina

iroura i nanon uoua te ririki.

Ti rawawata. Ti aki ataia bwa e na kona n okira ana utu ma ana onimaki iroun te Atua ma te euangkerio, ma ti motinnano n rimwin ana kakairi Aramwa ni karaaoan aron natina te mwaane are e rawa ni kan kairaki. Aramwa e bon reitinako naba tangiran natina irouna ao e tataro ma te onimaki bwa e na “anganaki atakin te koaua” (Motiaeae 27:14).

Ti tataro n aki toki bwa e na rin te Uea i nanon maiun Mataio, ao ti kabonganai anga nako n ara taetae ma ara mwakuri ni kaota iai mwaitin tangirana iroura. Ngkana e na roko n te auti, ti aki taekin taeka ake e na taraira bwa ti takutaku ke ti motikitaeka nakoina. Ti bon ti kaotia nakoina aron kimwareireira n norakina.

N tebongina e roko Mataio n te auti ao e taku bwa e kan maroro. E taku bwa e kaaitibo ma temanna te ataeinaine are iai ana titiraki n taekan te Ekaretia. I mwaain are e aki kona ni kaeka bwa e a aki atai boia, taeka a moanna n otinako mai wina. E a kunea bwa ngaia e a kona ni kakaboboi ana titiraki neierei n

boboti ni kabane kaniwangan

Mataio n Tikauti ao I karaoa nneia te bwaoki ni kamataku ae kakateke ibukiia. Ngkanne I a kawakin i nanona, n te iango bwa n tetaina e na manena nakoina.

aron waekoakoan naba tabekan ana titiraki. E taku Mataio bwa akea ana uriuring bwa e a kanga naba n reke irouna reirei aikai n ana iango ake e taekin, ma e ataia bwa a koaua ana taeka. E mimi bwa bukin tera e wawakina maiuna n arona arei e ngae ngke e onimakina te euangkerio.

I mwin ana iaiango ae korakora i nanon tenibong, e a motinnanoa kitankin aekan te maiu are e a tia ni wawakina. E a okira mwengana ni bututi buokakina ni manga moana wakin maiuna n irakin nanon te euangkerio.

E tarebonia ai tarina temanna Mataio n te tabo teuana, are e a tia n tokanikai i aon kaangaanga ake ti tearona ma ana kaangaanga ao e bubuti ngkana e kona ni maeka ma ngaia. E kariaia te bubuti ai tarina aei, ao e a moana kaekaean te taromauri n te Ekaretia Mataio ma teuuaeai ao a kaaitibo ma te bitiobi ni karekea buokana ni karaaoan wakin te rairannano. E namakina te tangira ao te boutoka ao e a riki ni korakora iai mwakurin ana onimaki n te Ekaretia.

N angaraoin te tai e a kaaitibo ma temanna te ataeinaine ae tamaroa, ao e raoiroi. A a tangira ao a mareaki n te tembora.

Ngke e a bungiaki aia moan nati, I a roko ni kawariai ma uotau te bwaoki ni kamataku are kakateke are I karaoria ngkao ma kanoana kaniwangan Mataio ake man te Botaki n Tikauti. E kaonaki n te kimwareirei ae batiai ao e kakatonga ni katinea n te tabo are e na kai nonoraki i nanon mwengana.

E aki kaoti te anera nakon natira te mwaane, n aron are e reke nakon Aramwa te Ataei Riki. Ma okirikakin Mataio nakon te koaua e bon kamimi n aekana. ■

Te Ara e tauaki



IA MENA NI MWENGAU

Ngkai mwakoron te waki ni mwakuri n ibuobuoki, I a mwananga nako Rwanda ma tabeman taokita n ibuobuoki ni kainnanoakin mwakuri ni kuakua. I mwin uoua te wiki, ngke e a kaan tokin kawaiu, I a moanna n uringa mwengau ao au utu. I a uringia au utu, au kainiwene ae kamwengeraoi, ao mwengau.

N au kabanea n Tabati i Aberika, I a kona ni babairea au tai bwa I aonga ni kona n ira te taromauri. E ngae ngke e tuai ni butimwaeaki raoi te Ekaretia i Rwanda, I kona ni karekea te tai n ikotaki ma kaetieti i aon ana uebutiaite te Ekaretia.

Ao bon kaetieti tabeua bwai aikai: "Toua rikaki te kawai ae aoraoi ni moa man autin te Botaki Ni Mwakuri. Taratara kakaaea mataroan te tabo ae uki. Ngkanne nakonako n ira te kaintamwarake rikaki."

Ngke I tou mwin kaetieti aikai, I a moanna n ongo tangin tekorana te kuna n taromauri are I rang n ataia. I ruo rikaki n taian kaintamwarake, ao taekana "Ai Matoara Nanoia Aika Raraoi" (*Kuna N Taromauri*, nambwa 85) a teke taningau iai. E toki te kaintamwarake n te auti ae uarereke, ike a batia aomata ni wiwingare n ibetutu n teibaba i matan te tabo n

rin. N akea taraan ae te iruwa ngai irouia kaain te taromauri, I namakina ngkekei naba te namakin n utu. A mwaiti tari ao mwaane n Rwanda ake a kerakeai ni kamaurai n iobai ma ngai, ao n te tai are a karaoa anne, e a kounako mai aon akuu te uota ae rawawata ni botu n ti ngai—I a mena ni mwengau!

Riniu n te auti, I ira te botaki are kaokoro are teniua te aoa are akea kao-korona ma are n ana uote i California. Naake iai irouia te Nakoanibonga ae te

Nakea taran ae te iruwa ngai irouia kaain te taromauri, I namakina ngkekei naba te reitaki n utu. A mwaiti tari ao mwaane n Rwanda ake a kerakeai ni kamaurai n iobai ma ngai.



Aaron te Aaron a kabuta te toa, maroro a boto i aon te Tia Kamaiu, ao reirein te Reirei n Tabati bon ti tearona naba ma are e reiakinaki n ana uote mwengau n te wiki anne.

Are rang ni kakawaki, I namakina korakoran Tamnein te Uea i nanon wakin bobotaki akanne. E otaraoi bwa e kukurei te Uea irouia aomata ake a tamara ni beku Ibukina. I noria bwa n te ririki are mai mwaaina, ti tabeman kaain Rwanda ake a kaei wakin bobotaki ikai. N te tai aei I a wareka te mwaiti ae e nako n 100 ake a roko, iteran te mwaiti bon ataei ake a mamatangare.

Ngkai e a uki Rwanda nakon te mwakuri ni mitinare, I taku bwa a na kunea te nakoraoi ae korakora mitinare n aron ae e kakoaua te Tamnei nakon rikiraken mwaititia kaain Rwanda aika taan tia kakaae n te koaua bwa te Ekaretia ae kaokaki bon abanuean te Atua ibukin te aonaba ae bwanin—ibukin kontenanti ni kabane, ibukiia aomata ni kabane, ao ibukiia ni kabane natin te Atua. Ai kakatongara Ngai ibukin te Ekaretia, bwa tao e tei i aon nuukan mataniwin te aba i California ke i nano ni kawain Aberika nuuka are aoraoi. ■

Steven Sainsbury, California, USA

E AERA KAM MWAING NAKO REXBURG?

mwin bwinririki ni maekara n te tabo are a karako iai membwa n te Ekaretia, kaainabau ao ngai ti mwaing nako Rexburg, Idaho, USA, n uakaan ma uautu aika tiaki membwa. Bon te kakabwaia te maeka n uakaan ma ngaiia.

E korouteute te karo n ana katawanang n te moantai ngke ti buti ni kawaira n rinnako. Kaainabau ao ngai ti ri nuukan ara katawanang ni kawatua taraan te tabo. Ngke I kaae-nakoa baiu, I titiraki, "Eng e aera kam mwaing nako Rexburg?"

E kaeka, "Au mwakuri—ao ti kaaea te kaawa ae onoti ae kainnanao kabwarabwarana nakon Kristo."

I namakinna bwa kaanga te bwaketi n ran ae mwitorotoro ae taaraki iai matau (ibukina bwa I namakina te totokoaki n ana iango kaain rarikiu are e taku bwa ti aki kina Kristo), ma

I moangare. I nanomatoa n te tai anne bwa tera are e taekinna ke e karaoia kaain rarikiu ae boou n te tai anne, ti na bon riki bwa *kabanea n tamara* n rao are e a tia te utu ni karekea. Ti na bon kataia n tai nako n reitaki ma ngaia n te aro n akoi, n tangira, ao n aro aika riai, n aron are e na karaoia te Tia Kamaiu.

Te waniua n ririki ake i mwina e uoti waki ni kakukurei aika mwaiti i marenaia ara utu. Te tina e kaoaki ao e iri waki ni kukurei n te Botaki N Aine. E kaoai ao kaain rarikira aika mwaiti nakon aia botaki aine aika Kiritian ike e raroanako man mwengara are e mwanenaki n ana ekaretia. Kainnabau ao ngai ti kaoaki nakon aia taenti natiai ao aia kaotioti n te katangbiano. Aia utu a kairaki n botaki ni kuka ao ni bukamaru irouia kaain rarikira aika Aomata Aika Itiaki

Ni Bong Aika Kaitira. Ao ti karekei aia tareboon natiai ake a ikawai ngkana a kainnanao baoia n okiri mwengaia man aia mwakuri ngkana a aki reke aia karo n te tarebon.

Naake karo a raraoma bwa natia a bae ni moana tatangirakiia Aomata Aika Itiaki Ni Bong Aika Kaitira, ngaia are a aikoa kariaia natiai mwaane n ira ana buroukuraem te 6 Tikauti n ara uoote. Ma mwengara e aranaki bwa te tabo ae mano, are a kariaia bwa a na takaakaro natiai ma tibura iai ngkana a roko.

Ni katoa tai a kataia kaain rarikira ni buokira n nori "kaairuan ara kawai (ibukina bwa ti aki ata Kristo) ti kaurungiia bwa ti karinei aia koaua ao aroia ni maeka ao ni karikirakeiia natiai. Ngkanne ti reitia bwa ti kantaninga naba te karinerine ibukin ara koaua are ti anganiiia, are e boboto naba i aon ana reirei te Tia Kamaiu.

Ngkana tinan te utu e kataia ni karaoi kakaokoro n ara koaua ni kararoia ma ngaira n taekinna bwa Aomata aika Itiaki ni Boong Aika Kaitira a kakoaua iroun "Iesu ae kaokoro," I kauringnga bwa ti uaia ni kakoaua Ngaia are mai karawa ao natin te Atua ae tangiraki. N tokina ngaia ao ngai ti uaia n iraorao n te reitaki ae tamara.

A mwaing nako aia utu n aki kaaina te Ekaretia. Ma ngkana a kona ni kangai, "Ti maeka i buakoia kaain te Moomon; aomata aika raraoi ao a kakarinerine ma nanoia ni koaua," ngkanne N na namakinna bwa ti tokanikai n arora n riki bwa rao aika tamara ao ni buokiia riki ni butimwai ao ni karaoa ae riai n aia taratara irovia Aomata aika Itiaki ni Boong aika Kaitira. ■

Sandra Rush, Idaho, USA



I nanomatoa bwa tera are e karaoia kaain rarikiu ae boou n te tai anne, ti na bon riki bwa *kabanea n tamara* n raou aika a tia ni mamaeka ma ngai.

TE BWAOKI N TAMNEI

Tabeua ririki n nako kainabau ao ngai ti karenakoi maange aika tiraia n ana tabo ni maange te kaawa ngke I nora temanna te aine are e mwakuri ikekei n rikoi bwaoki ni karinii n tabo ni kauramaange. E karina n uruaki te bwaoki ao e ukinako, ao tabeua tamnei a mrara.

Ngke I matakau, e roko irou te namakin bwa N na nako n ana te bwaoki n tamnei arei. I kibanako man te ka ao I buoka rikoan taian tamnei. Te aine ao ngai ti uaia n namakinna bwa tamnei akekei a riai n aki karenakoaki, ao I ana nanona bwa e na anganai tamnei akekei bwa N na kataia ni kakaaea temanna are e kan kawakin.

N taratarai tamnei ake a bubua i nanon te bwaoki, I kunea te tinaniku ae koreaki iai aran temanna i Warburg, Alberta, Canada. I nanon ririki ake i mwina, I koroi reta tabeua nakoia aomata ms aia kabanea n ara aika titebo, ma akea te kaeka ae I karekea.

I mwina ngke a reke riniia au utu n te Intanete, I kunea bwa iai te botaki teuana ae kinaki i Warburg. I titirakiniia ngkana iai temanna ae mwakuri ikekei ae kinai ara ake I kunei i akun taian tamnei.

Teuana te namwakaina i mwina ti karekea te tarebon mai iroun te mwaane are e a tia ni kaongoaki man te botaki ae kinaaki. E taku bwa mwaanena ae maeka i rarikira, e titiraki ngkana e kona n nori tamnei. O eng ti kaeka eng.

Te bong are i mwina, Floyd ao Beth Hawthorn, ngaiia uoman bon Aomata aika Itiaki ni Bong Aika Kaitira, e roko n nori tamnei. Ngke I kauka te bwaoki, te Tari Hawthorn e taku, "Eng, arei teuarei, ni kotea te tamnei

are mai ieta. Bon tamnein tibun Titita Hawthorn te mwaane.

Ngke a katoai tamnei n tabeki, te Tari ao Titita Hawthorn a tua-niira karakinaia aomata ake inanon taian tamnei akekei. E nanououa te Hawthorns bwa iai rekerekeia ma te aomata are e karenakoi tamnei, ao akea aia iango bwa bukin tera ngkai a karenakoaki tamnei aikai

ao a roko n te tabo ni maange.

E korakora au namakin bwa Tamara are i Karawa e buokai ni kaoki tamnei nakoia te utu ae Hawthorn. I kakoaua bwa rongorongan te utu bon teuana te mwakuri ae moan te kakaawaki ae riai ni karaoaki. Ngkana iai nanora ni karaoa te mwakuri, te Uea e na buo-kiira ni karaoia. ■

Cindy Heggie, Alberta, Canada

Karina n uruaki te bwaoki ao e ukinako, ao tabeua tamnei a bwaka. Ngke I matakau, e roko irou te namakin bwa N na nako n ana te bwaoki n tamnei arei.



N na Kanga n Riki bwa te Mitinare AE NAKORAOI?

Naki taraia bwa matoara ara mwakuri ngai ma toau, ni kabane aki butimwaea ara rongorongo. Tera ae ti kona ni karaaoia n riki bwa mitinare aika nakoraoi?

Iroun Lauren Bangerter Wilde

a tia ni karaao au mwakuri ni mitinare ibukin tabeua te ririki ngke I kaitibo ma te tai ae matoatoa. Ti mena i nuukan te kaangaanga, te kureei tiitien—ai tibwa te otinako man te winta ae mwaitorotoro ao n rinnako i nanon te tiburing. Ao n aki taraia bwa matoara au mwakuri ngai ma toau, ni kabane aomata a taetae n totokoa ara rongorongo n te tai ae waekoa. Ngke ti kaitibo ma mitinare ake tabeua, ti reiakinna bwa aia mwakuri a na rang ni matoatoa. I aki kona n iangoia bwa bukin tera ngkai ti aki totokanikai. I a tia ni maan n reiakina te taetae, toau ao ngai ti rang n iraorao, ti a tia ni katea te onimaki ma kaain te aro, ao ti kataia n iriira te Tamnei ao n ongotaeka n tuan te mition ma te kororaoi.

Ma n aki taraia bwa tera are ti karaaoia, ti kaitara ma te totoko n anga nako. Imwiin wiiki ao wiiki n rinanon aei, e a roko irou te aki kukurei. N tain te tetere ni babaire, I a karokoa n tokina n taekinna, “Tera te botoniango ni karaoran te mwakuri ni mitinare?” Toau, iai irouna te iango ae tamaroa riki nakoiu, e ti taekinna,

“Ti katei kouru ni kaota ara onimaki. Ti mwaken ara tokanikai i aon ara kouru ni wareki ara kakabwaia.”

Ngke I iangoi ana konabwai n nonori, I ataia bwa I a tia ni kabonganai kainibaire aika bure ni motika taekan nakoraoi arou ni mitinare. *Tataekina au Euangkerio: A Guide to Missionary Service* e katauraoi rinanin aroaro n nakoraoia mitinare,¹ ao I a ataia bwa ni kabane aroaro akanne a rin inanon baireaia mitinare. I aki kona n tau mwiin mwaitia aomata n au tai ni mitinare ake a na butimwaea rongorongan te euangkerio, ma I kona n taua aron te mitinare are I rineia bwa N na karaaoia. Toau e kaotia nakoiu bwa te onimaki ae korakora riki iroun Iesu Kristo ao te kakaaitau ibukin Ana kakabwaia e na kona n tia ni karekea nakoiu aron te mitinare ae nakoraoi.

Te Onimaki e buokiira n nori Kakai

I nanorinano n ataia bwa au onimaki e aki tau. I taratarai tabo ake I kona ni kakorakora iai au onimaki ao I kunea bwa ngkana a nakoraoi bwai nakon are e baireaki, I a tia

ni kabwara nanou. *Tataekina au Euangkerio* e kangai: “Te bwarannano e na kamamara am onimaki. Ngkana ko kamamara am kantaninga, bonganam e na kekerikaaki, ingangan nanom e na mamara, ao kona karekea te kanganga ae korakora n iriira te Tamnei.”² I ataia bwa I a tia ni kariaia konaakira bwa e na kamamaara au onimaki.

I waaki n tataro ibukin te bitaki n nano ao te onimaki riki. I katan naba iaon te berita are e kaotaki i nanon Moomon 9:21: “Ane e kakoaua Kristo, ma n akea te bwai ae e nanououa iai, ao te bwai are e na butiia te Tama n aran Kristo e an bon anganaki; ao aio te berita nakoia aomata ni kabane, ni karokoa tokin te aonaaba.” Te berita e kairai bwa nna kakorakorai riki n tataro ibukin kakabwaia ao kakai ake ti namakinna bwa ngai ao toau ti kainnanoi, ni karinna n tainako, “E na tauaki am taeka.” Tataro aikai e buokai ni butimwaea te bitaki n te baire ao n motirawa ma te onimaki ae korakora, n ataia bwa Tamara are i Karawa e kaekai ara tataro n onimaki—e ngae ngke kaeka a roko inanon



N RIKI BWA TE MITINARE AE NAKORAOI

Ko kona n ataia bwa ko a tia n riki bwa te mitinare ae nakoraoi ngkana:

- Namakina te Tamnei bwa e kakoaua nakoiia aomata rinanom.
- Tangiriia aomata ao ni kan kamauia.
- Ongotaeka ma te kororaoi.
- Karikirakei anuan Kristo.
- Kauringia aomata mwin te bure. Kaoiia bwa a na karaoa ao kawakina te katabeaki.
- Kakaraoa ae raoiroi ao buukiia aomata n taina are e reke, ngkana a butimwaea am rongorongo ke a aki.

Man Taetaekina Au Euangkerio: A Guide to Missionary Service (2004), 10-11.



**UKOUKORA ANA
BUTIMWAAI TE
UEA**

"Ni kabane nanou I kaoko bwa ko na ukeukera ana butimwaii te uea ao ni kakukureiko ni kakabwaian Ana berita. . . . Ti kona n ataia bwa ti butimwaeaki lrouna, n aki tarai nakoara, arora, ke tiara n te maiu ae mamate. Ana tangira ni butimwaii e na kaungaira, karikirakei ara onmaki, ao ni buokira ni kaaitarai bwai ni kabane ake ti kaaitarai i nanon te maiu. N aki tarai kaangaanga, ti na tokanikai, maiuraoi [tara Motiaeaa 2:22], ao namakina te rau [tara Motiaeaa 2:41]."

Unimwaane Erich W. Kopischke man te Ittingaun, "Being Accepted of the Lord," *Riaona*, Meei 2013, 106.

kawai ake ti aki butimwaii. I a kona riki ni kinai kawai ake e kairiira nako iai te Uea inanon ara bong.

Ngke I mwakuri i aon kakorakoraan au onimaki, I kunea iteran te rongorongo ae kaunganano man *Tataekina au Euangkerio* bwa e bon koaua: ngkana ko karieta am kantaninga, nakoraoim e na rikirake, ingaingan nanom e na rikirake ao ko na kona n iriira raoi riki te Tamnei. N reitia, e a unga riki nanou n taekan te mwakuri ni mitinare, ao au ibuoboki ni mitinare ngke I a kona n ataia ao ni kakaaitau ni kakai ake a riki ni katoabong.

Te Kakaaitau e Kaitara ana Mwakuri te Bakantang

E waki to Uea ni kaotia nakoiu bwa E na karaoi kakai ibukira ni katoa bong—ma I bon aki atai ni karokoa I karaoa te mwakuri ni kateimatoa te kakaaitau ae kororaoi. Kaotan te kakaaitau e raka riki nakon karaoan te katei ae tamaraoa ke ataakin te riai. Ngkana I kaota au kakaaitau nakon te Uea ao nakoia tabeman, I kakorakoraaki. I kunea bwa ngkana I kukurei ibukiia mitinare ake tabeman ngkana a tia ni karaoa ae nakoraoi nakon are N na bakantang (tara Aramwa 29:14, 16). I kona riki ni kabanea au iango iaon are I a tia ao ae e nakoraoi nakon are I tara are I kabwaka iai ke are e nakobuaka.

I reiakinna bwa te kakaaitau e buokira n totokoi kabotauan arora ma tabeman aomata. Tai akanne ngke I aki namakina nakoraoi te mitinare e roko n tai nako ibukina bwa I kangai nakoiu, "I aki karaoa ae tamaraoa nakoiia naakekei," ke "A mwaatai riki

n aei nakoiu." I reiakinna naba bwa ngkana ana banna te Uea n anganganira katoto aika tamaraoa bwa ti na katotong ao n iri, bon ana mwakuri Tatan ni kataia ni kabotauiira ma ngaia bwa e aonga ni kataunariai aron bonganara ke nakoraoira. Ma *Tataekina au Euangkerio* e matata raoi iaon aei: "Totokoi kabotau nakoia mitinare tabeman ao tai uakora korakoram ma tabeman."³ N tokina, te kakaitau e buokai n totokoa te kamoamoa, ao e kauringai bwa te Uea bairei Ana mwakuri. I aki riai ni bakantang ibukina bwa raou ni mitinare a tara n nakoraoi riki.⁴

Uakoraan te Tokanikai ni Koaua.

Imwain ae I a tia ni karekea te bitaki n au iango, I a tia n rang ni kabotoa au iango iaon aekakin kakabwaia aika onoti ake Ia tia ni mwaninga ni kateimatoai matau ni kauki nakon ana kawai tabeua te Uea ni kaekai au tataro ao ni kakabwaia ara mwakuri ni mitinare. N tokina, te Uea e waaki ni kakabwaia te mwakuri ni mitinare n ara tabo n aro aika tamaraoa aika aki kantaningaaki. Ti kuneia aomata aika a angananoia ni butimwaii ara rongorongo, ma I a tia n reiakinna n te tai anne bwa N aki uakora tokanikai man aia rinerine tabeman.

Beretitenti Gordon B. Hinckley (1910–2008) e tibwa ana reirei temanna te mition beretitenti n taekan te mwakuri ni mitinare: "Kakaraoa are bon am kabanea n tamaraoa. Tataro ao mwakuri korakora ao katuka are te kabanea n rawawata nakon te Uea (n am mwakuri ni mitinare)."⁵ *Tataekina au Euangkerio* e reirei



Ni kawai aika a mwaiti, uakoran nakoraoin arou ni mitinare e kona ni baireaki man anganano n rairannano ao au nanomatoa n teimatoa ni mwakuri.

bwai tabeua ae titebo n nakoraoin te mitinare: "Karaoa am kabanea n tamaraoa n uoti tamnei nakon Kristo, ao kakorakorako ukeuke n reirei ao n rikirake."⁶

N teimatoau n tauraoi nakon te rairannano, n teimatoau ni kona ni kokoaua nakon ana mwakuri te Uea bwa I karaoa au kabanea n tamaraoa, I kona n namakina te aki nanououa bwa e nakoraoi arou ni mitinare—n aki taraia bwa a butimwaea ara rongorongo aomata. Ni kawai aika a mwaiti, uakoraan nakoraoin arou ni mitinare e kona ni baireaki man au anganano n rairannano ao au nanomatoa n teimatoa ni mwakuri.

I koroi kakai aika mwaiti i nanon au tienero man te tai aio n au mwakuri ni mitinare. Ngkai I kataia riki ni kakaonimaki ao ni kakaaitau, I karekea te taratara ae tamaraoa riki, I totokoi bwarannano, ao I namakina

te Tamnei bwa e korakora riki n te mwakuri. I kunea bwa tera are *Tataekinna au Euangkerio* n reirei e bon koaua: "Ngkana ko a tia ni karaoa am kabanea n tamaraoa, ko na kona n namakin aki raunnano, ma ko na aki bononnanoiko. Ko kona n namakina te koaua bwa te Uea e kukurei ngkana ko namakina ana mwakuri te Tamnei n rin i nanom."⁷ Ao ngkana I namakinna bwa e kukurei te Uea irou, I kona n teimatoa i nanon taian te kataaki. ■

Te tia korea te karaki e maeka i Utah, USA.

BWAI AIKA A NA TARAAKI

1. Tara *Tataekina Au Euangkerio: Te Kairi nakon aia Mwakuri n Ibuobuoki Mitinare* (2004), 10–11.
2. *Taetaekina Au Euangkerio* 10.
3. *Taetaekina Au Euangkerio* 10.
4. Tara Jeffrey R. Holland, "Taani Mwakuri n te Nne ni Kurebe," *Riaona*, Meei 2012, 31.
5. Gordon B. Hinckley, "Find the Lambs, Feed the Sheep," *Riaona*, Turai 1999, 120.
6. *Taetaekina Au Euangkerio* 11.
7. *Taetaekina Au Euangkerio* 11.

TIBWA AM TANEIAI

"I a tibwa oki man au mition, ao I namakina ae kanga e bua au kantininga. Tera ae N na karaopia?"

Mitinare ake a bane aia tai, taiaoka tuangira aromi ni mwaing man ami mition n okira mwengami ao n tauraoi n okira te reirei, te mwakuri, ke waki tabeua. Imeri bwai ake kamrinanoi nakon liahona@ldschurch.org ke karinna n te aonrain n liahona.lds.org. Taiaoka karina aram ae bwanin, bong ni bung, ao aran te uuote ke te mwanga.



N Riki bwa te Mitinare N *Tataekina Au Euangkerio*



Iroun Unimwaane
David A. Bednar

Man te Koram
n Abotoro n te
Tengaun ma
Uoman

Ko kona ni karaoa aei! Te Uea
are ko tei ibukina ao ni beku
ibukina e ataia bwa ko kona
ni karaoa aei. I ataia bwa ko
kona ni karaoa aio.

Te Abotoro te moan, e moanibwai
ao n tai nako te mitinare. Ibukin
anne, I rang ni kukurei n taetae
nakoimi raou n toro n te mwakuri ae
moan te rianako ni bong aika kaitira.

TERA TE TATAEKINA AU *EUNGKERIO MITINARE?*

A *Tataekina Au Eungkerio* mitinare
bon ana toro te Uea, a weteaki n te ta-
etae ni burabeti ao ni kariaiakaki man
te katokabai, are e na tataekina ana
euangkerio ae akea tokina ae kaokaki
te Tia Kamaiu n Ana kawai (tara D&C
50:13–14, 17–24; D&C 68:1).

Te kantaninga ni kabane n te
mitinare e kabwarabwaraaki inanon

Tataekina Au Euangkerio bon “ka-
oakia tabeman n nakon Kristo man
buokiia ni karekeia te euangkerio
are manga kaokaki rinanon onima-
kinan Iesu Kristo ao Ana Mwakuri
ni Kamaiu, rairannano, bwabetito,
karekeian te bwaintangira n te Tamnei
ae Raoiroi, ao n teimatoa ni karokoa
te toki.¹

Te mwioko ae tabu n taetaekina
te euangkerio ma te kariaiakaki ao
n anga te otenanti ni kamaiu are e
a tia ni mwakuri ngke e kanakoaki
Atam man te Onaroka are i Eten ao
e na reitinako ni karokoa “Iehova ae
Korakora e na taekinna bwa e a tia te
mwakuri.”²

BWAI AIKA KAINNANOAKI N RIKI
BWA TE MITINARE N TATAEKINA
AU EUNGAKERIO

I tangiria ni maroroakin nimaua
bwai aika tangiraki ibukin rikim bwa
Tataekina Au Eungkerio mitinare

Te bwai ae tangiraki #1: Tataekina Au Eungkerio mitinare a ota bwa a na beku ao n tei ibukin lesu Kristo.

Tataekina Au Eungkerio mitinare a ataia ao a ota bwa antai ake a tei ibukina, bukin tera ngkai a beku, ao tera are a na karaoia. Mitinare ake a bwanin aia tai a weteaki ni beku ao ni katabuaki raoi bwa toro ao taan tei ibukin te Uea Iesu Kristo. Ti riki bwa taan kakoaua n Arana ao ni koauana, mimitongina, ao n ana mwakuri n ibuobuoki Iesu Kristo nakoia aba nako, reti ao newe, ao aomata (tara D&C 133:37).

Ti tangira te Uea. Ti beku Ibukina. Ti Iriria. Ti tei Ibukina.

Bukin ana waki a riai n riki bwa bukin ara waki. Ana raraoma a riai n riki bwa ara raraoma. Ana Mwakuri a riai n riki bwa ara mwakuri. Kawaina a riai n riki bwa kawaira. Rikiraken ana kantaninga a riai n riki bwa ara kantaninga.

Ngkai ngaira aika taan tei ibukin te Tia Kaboira, ti taetaekin reirei ake boto ao koaua man Ana euangkerio ae kaokaki ae bebete ao ni matata. Ti aki tei ibukin oin ara kantaninga ke iango (ake akea raoi kaekakii a matata). Ti tataekina ao ni kakoaua ni koaua aika bebete ake a bebete n ana kawai te Uea ao man mwaakan Tamneina.

Tataekina Au Eungkerio mitinare a oota bwa te mwioko n tei ibukin te Tia Kamaiu ao ni kaoti kakoaua



- Ti kariaiakaki bwa taan tia tei ibukin te Tia Kaboira ao te Tia Kamaiua te aonaba.
- Ti weteaki ni katanoata Ana euangkerio ae kaokaki ae akea tokina.
- Ti aki kona n uota namakinan kaai-ruan buren te aonaba ao n anganaki te kariaiakaki n tei Ibukina ao ni karaoi mwakuri ma te mwaaka n Arana ae tabu.
- Ti aki kona ni buokiia tabeman n tokanikai i aon kabaebaen te bure ngkana ngaira ti niroaki i nanon te bure (tara D&C 88:86).
- Ti aki kona ni buokiia tabeman n reiakina te rairannano ngkana ngaira ti tuai n reiakina te rairannano ae karaoaki raoi ao ae tabwanin.
- Ti kona ni katanoata ao ni kabwarabwara ma te mwaaka ti n are ti kataia ni karekea.
- Ti na bukintaeka i matan te Atua ibukin bwai aika raraoi aika ti tangiri ao arora n tau ni mwakuri bwa taan tia tei Ibukina.

Irouna e aki toki. Taiaoka Uringa n iango ni kabane ake ko iangoi, ni kabane ake ko karaoi, ao n arom ni kabane ake ko uaiaikinna, ao n tei Ibukina raoi nakoia natin Tamara are i Karawa ni kabane ake ko reitaki ma ngaia ngkai ao n tainako.

Bwai ae tangiraki #2: Tataekina Au Eungkerio mitinare a riai n tau.

Te bwai ni katauraoi ae kakawaki n te riki ni *Tataekina Au Eungkerio* mitinare bon te itiaki i matan te Tia Kamaiu.

N na taekin tabeua koaua aika bebete n ti kamatata n aron are I ata arona.

Ti aki tangiraki bwa ti na kororaoi. Ma ti tuangaki bwa ti na itiaki ao n eti raoi n nakonako i matan te Tia kaboiia kaain Iteraera. "Ko na itiaki ngkoe ae ko uouoti ana bwai ni mwakuri te Uea" (taraa D&C 38:42).

Te rairannano bon te koaua n te kantaninga ao te kamaiu—itiaki te kabwaranano ao te karawawata. Te rairannano ni koaua e nanorinano—ma e aki kakamaku. Te rairannano e kantaningaaki n tai nako ao e anga te raunnano, karawawata ae batia ao e kuarerereka te maraki. Te rairannano bon te bwaintangira ae rang ni bobuaka are e kona n reke rinanon ana Mwakuri ni Kamaiu Teuaare ti tangiria, ti beku ibukina ao ti irriria.

E ngae ngke ko a tia ni karaoa te bure ae kakaiaki, rinanon ana Mwakuri ni Kamaiu Iesu Kristo ao te rairannano ae karaoaki man te nano, ko kona ke ni kaitiakaki ao n riki n tau iai.

Iai kairake aika kainnanoa te rairannano ae bwanin. Aio te tai. Taiaoka, taiaoka, taiaoka tai taotaona am bong n rairannano.

Iai kairake aika tia n rairi nanoia ao a reitinako n rairi nanoia ake a titiraki ngkana a tia ni karaoi ni kabane ake a kantaningaaki bwa a na butimwaeaki iroun te Uea (tara D&C 97:8). Taiaoka uringnga, te Uea e kantaningaia bwa ko na itiaki ma tiaki ni kororaoi. Te Tamnei ae Raoiroi e na manga mwakuri i nanon maium bon te kanikina ae koaua ni kabwaraan am bure iroun te Uea ibukina bwa “Tamnein te Uea e aki maeka n taian tembora aika aki tabu” (Ereman 4:24). Ao n ataia bwa te tua ibukin kabwaraan aia bure aomata



ni kabane (D&C 64:10) n ikotaki ma kabwaraan am bure.

Tataekina Au Eungkerio mitinare bon ana reirei te Uea Iesu Kristo aika karinei aia berita aika tabu ao a ongeaba nakon tua. Taiaoka uringnga n tai nako ao riki n itiaki ao n tau n tei Ibukina.

Te bwai ae tangiraki #3: *Tataekina Au Eungkerio* mitinare a kawakin taeka n te maiu ae akea tokina.

I kaoi ngkami bwa kam na reitinako ni kakukurei ngkami n taekan te maiu (tara D&C 84:85). Ni kakukureingkami n taekan te maiu ae akea tokina e raka riki nakon ti kamatebwaiana ke kamatenanoana, n aron are “kakukureingkami n ana taeka Kristo” (2 Nibwaai 31:20; tara naba 2 Nibwaai 32:3) e raka riki nakon are ti noran katoto ke katotongan. Kawakin kaubwai n taraana irou e boboto iaona ao ni mwakuriana, neweabaia ao n karinna n am iango, iangoia ao n tataroakinna, karaopia i nanon maium ao n reiakin, kabongana raoiroina ao ni kakaaitau iai, ao ni kukurei ao ni kimwareirei i nanona.

Kauring aroia natin Motiaeae ake mwaane—aman mitinare ake a rianako aroia ake araia Amon, Aaron, Aomna, ao Himni—“a bon matoatoa n te rabakau ibukin te koaua, bwa

bon mwaane ngaiia aika a raoiroi aia atatai ao a bon tia n ukeukeri korboki aika tabu ma nanomwakaia” (Aramwa 17:2).

Mitinare aika a kakaonimaki aikai a reitinako ni kawakin taekan te maiu ae akea tokina. A bon wakinako naba ni karaoi tibwangaia ake a na karaoi bon irouia ao ni kairia ma kamatebwaian koroboki aika tabu. Te atatai n te tamnei ao n te ataibwai e rinnako i nanon tamneiia, ao reirei ao koauan te euangkerio a kamatoaki i nanoia ni koaua man mwaakan te Tamnei ae Raoiroi.

Ngkai ti riki bwa taan tei ibukin te Tia Kamaiu, ngkoe ao ngai iai mwiokoara ae teimatoa ni mwakuri korakora ao n unikia inanora ao n ara iango reirei ao koaua aika boboto iaon manga kaokakin te euangkerio man ana Boki Moomon. Ngkana ti karaoa anne, kakabwaia ake a tae-kinaki n te berita bwa te Tamnei ae Raoiroi e na “uoti bwaai ni kabane nakon [ara] ururing”, (Ioane 14:26) ao e na kakorakoraira ngkai ti anga reirei ao ni kakoaua. Ma te Tamnei e kona ni mwakuri ma ngaira ao inanora tii ngkana ti Anganna te bwai teuana are e na mwakuri ma ngaia. E aki kona ni buokiira n uringii bwaai ake ti tuai n reiakin (tara Aramwa 31:5).

Tataekina Au Eungkerio a reitinako mitinare ni kawakin taekan te

mai are akea tokina, a katan iaan tamaroan ana taeka, ao iai mwaakan te taeka inanoia. Taiaoka uringnga n tainako, n tau n tainako n tei Ibuksina, ao kawakin ao katan iaan tamaroan ana taeka.

Te bwai ae tangiraki #4: Tataekina Au Eungkerio mitinare a ataia bwa te Tamnei ae Raoiroi bon te kabanea n rietata ao te tia reirei ni koaua.

Te Tamnei ae Raoiroi ngaia te kateniman n te Atu n Atua, ao Ngaia te tia kakoaua ni koaua ni kabane ao te kabane n rietata ao te tia reirei ni koaua. Te reirei are ti anga ao kakoaua ake ti kaoti bon katauraoi nakoia taan kakae ni mwakuri ao n reiakin ibon iroun teuanne ke neienne.

Ngaira aika mitinare, teuana mai ibuakon tabera bon kaoakiia taan kakae ni kabonganai inaomataia n rinerine ao ni mwakuri ni kaineti ma ana reirei te Tia Kamaiu. Karaoan ao kawakinan kabaeaki n te maiu n tamnei, n aron te tataro ibukin te koaua, kamatebwaiyan ao tataroakinan ana Boki Moomon, irakin bowi n te Ekaretia, ao kawakinan tua, e kantaningaia bwa te tia kakae e na kamwakura ana onimaki, ni karaoi, ao ni bitaki.

N aki tarai a bwa mwakuri mwaaka ra ngaira ni beku, ngkoe ao ngai ti bon aki kona ni kooka ke n imanonoa te koaua n aia namakin taan kakae. Ara kabanea n tamaroa ni mwakuri e na kona n tii uota rongorongon te koaua *nakon* te nano (tara 2 Nibwaai 33:1). N tokina, te tia kakae e riai ni mwakuri inanon te koaua ao ni kaoa te koaua *inanon* buroon teuanne ke neienne. Tii inanon te kawai aei taan kokoaua ake a ukoukora te koaua ao

naake a tibwa rairaki a karikirakea korakoraia n te maiu n tamnei ao ni kunei kaeka ibukiia.

Ngkai mwiokoara bon buokaia taan kakae n reiakinna man te onimaki ao man mwaakan te Tamnei ae Raoiroi, te mwakuri aei tiaki ibukiu ao tiaki ibukim. Ti kainnanoia ni karaoi ni kabane ni mwakara ni kakoroa bukin mwiokoara ni mitinare ao n uaia n “anga te kawai” bwa e aonga te Tamnei ae Raoiroi ni kona ni mwakuri. Tabena ao ana mwakuri aika tabu. Ni koauana, ni kabane ake ko karaoi ao ngai ti karaoi bwa taan tei ibukin te Tia Kamaiu ao ataakin ao ni kataakin katikan te iango nakoim—n te rongorongo are ti tei ibukina, ni mwakuriana are ti kabonganai, ke anuara ake ti karaoi ao taraakira—bon tein te nakoanibonga ae kewe are e kawaeremwea ana mwakuri te Tamnei ae Raoiroi.

Te Uea e titiraki ngkana te aomata e taekina taekina te koaua man

koauan te Tamnei ke ni kawai tabeua. Ao ngkana man kawai tabeua bon tiaki mai iroun te Atua (tara D&C 50:17–18).

Taiaoka ururinga Teuiae n tainako, kona riki n tau n tei Ibuksina, kakukurfeiko n Ana taeka, ao kariaia te kabanea n rietata ao te tia reirei ni koaua, te Tamnei ae Raoiroi, ni kakoaua ni koaua ni kabane.

Bwai ae tangiraki #5: Tataekina Au Eungkerio mitinare a ataia bwa te reirei e raka riki nakon te taetae ao karakinana.

Ngke e tekateka te Tia Kamaiu iaon te Maunga are Oriweta, E katanoata: “Tai iangoi moa ami taeka n raraomaeakin: ma ane kam anganaki n te aua naba arei, ao kam na atongnga: bwa tiaki ngkami ake kam taetae, ma E taetae te Tamnei are Raoiroi.” (Mareko 13:11).

Te Tia Kamaiu n ni moan tain te mwioko n tararua n te tai aei e



tuangiia mitinare bwa a na “kaurei wiia ao a na kanoaki (tara D&C 33:8, 10) ao n tabeki bwanami nakoia aomata ao n taekin iango are E na katukui i nanomi, ao a na aki kaminoi nanoia aomata. Bwa te bwai are a na taekinna a na bon anganaki ni katoa aua n te tai naba anne (tara D&C 100:5–6).

Koroboki aika a tabu aikai a katuruturua te baeten ae kairoroaki ibukin te kabwarabwara ao ni buokaia taan kakae n reiakina te koaua. *Tataekina Au Eungkerio* mitinare a ataia bwa ti aki reirei taian reirei aikai; ti reia-kiniia aomata. Ti aki tii wareki ke ni kamatenanoi rongorongo n taekan atun maroro n taekan te euangkerio. Ti kaoia taan kakaei n namakina te bitaki n nano ae korakora. Ti ota bwa te taetae ao karakinana n ti ngaia bon tiaki te anga reirei.

Tataekinan ana euangkerio n ana kawai te Uea e kairaki n taraakin ao kakauongo ao anga kabotau n aron are e riai ni karaoaki nakon te maroro. Tein mwakurian aika aua aikai a irekereke aikai a rangi ni kakaawaki. Taiaoka koreia bwa te taratara ae kakamwakuri ao te kakauongo e roko rimoa imwain te kikina ao te taratara anne, kakauongo, ao te taratara e roko imwain te taetae. Kabonganana te baeten aei e karekea nakoia mitinare bwa a na kina ao reirei nakon kainnnanoia taan kakae.

Ngkana ti taraia, kakauongo, kina, ti kona n anganaki inanon te aoa mwakoron ana taeka te Uea (tara D&C 84:85)—koaua ni kabane ni katuruturua ao kaeka ake ko na anga a riai ni kaeka raoi kainnanon te tia kakae. Ti man taraakin, kakauongoan, ao ni kina ti kona ni kairaki iroun te Tamnei n taekin ao ni karaoi bwaai



ake e na rangi n ibuobuoki nakoia naake ti beku ibukiia.

Te taratara bon te katauraoi ae kakaawaki ni karekean te bwaintangira n tamnei ae kakawaki n te kikina. Te kikina bon te nonori ni mwaakan te tamnei *ao* namakinana n te nano—noorakin ao namakinan te aro ae bure n te iango, te tamaroa inanon te aomata temanna, ke te reirei are imwina are e kainnanoaki ni buoka te tia kakae. Te kikina bon te ongora rinanon mwaakan te tamnei, *ao* namakinana n te nano—ongora ao namakinan te raraoma are aki taekinaki inanon te maroro ke te titiraki, koaua te kakoaua ke te reirei, ke te kakoaua ao te rau are e roko man mwaakan te Tamnei ae Raoiroi.

Tataekina Au Eungkerio mitinare a mwakuri inanon te onimaki ao a kairaki iroun te Tamnei ni buokiia taan kakaei n reiakina te koaua. Taiaoka uringnga n tainako, riki n tau ni kona n tei Ibukina, kakawakin Ana taeka, kariaia te Tamnei ae Raoiroi bwa e na kakoaua ni koaua ni kabane, ao taratara, kakauongo, ao ongora, ao kina ngkai ko kakoaua iroun Iesu Kristo nakoia taan ukoukora te koaua.

KO KONA NI KARAOA AEI!

Ko kona ni wareka au rongorongo ao ni kakoaua bwa rororrikirake ake

tabeman a kona ao a na karaoi bwaai ake I a tia ni kabwarabwarai. Ma kona bae ni mimi ngkana ko kona ni karaoi. Taiaoka kakauongo. Ko kona ni karaoa aei.

Ngke I karekeea te bwai are e tangiria nanou, N na taui tabeua te tai ma tatabemani ngkami. N na taui baimi, kanii riki ngkami, tarai ngkami ni matami, ao ni kangai, “Ko kona ni karaoa aei! Te Uea are ko tei ibukina ao ni beku ibukina e ataiko bwa ko kona ni karaoa aei. I ataia bwa ko kona ni karaoa aei. Ao n riki bwa Ana toro, I berita bwa ko na karekea Ana ibuobuoki. Taiaoka ururinga n tainako bwa man Ana Ibuobuoki ao ni Korakorana, ko kona ni karaoa aei!”

I tangiri ngkami ao I tataro ngkai kam kataia n riki nakon are ko kainnnanoia n taa iaka a na roko, ko na kina ao ko na kaeka inanon te onimaki nakon bwanaan te Uea ao ana kairiiri. Ngkanne ko na bon riki ni mwaaka raoi ao n tatauraoi n tei ibukin te Uea Iesu Kristo. ■

Man te maroro are e karaoaki n tain te botaki n taromauri n te Tienta ni Kataneiai ibukiia Mitinare i Provo n Tuun 24, 2011.

BWAI AIKA A NA TARAAKI

1. *Taetaekina Au Euangkerio: Te Kairi Nakon te Mwakuri ni Mitinare* (2004), 1.
2. *Reirei mai irouwia Beretitenti n te Ekaretia: Iotebwa Timiti* (2007), 142.

Ti MOANGARE ao KANGAI I AKI

Iroun Hazel Marie Tibule

Tain te tiawma teuana, I ira te kataneiai n te atimwakoro i Bicol, Philippines. Tarakin taari e rang tikiraoi, ao I tataninga ni katoa moani ngabong ni kan nonoria.

I mamaka rokon te bong, eng. Anne ngkana aomata n te kaembwa a moanna ni mooi manging ao n amwarake. Kakao nakon baka n amwarake a ririki, ao raou ni kataneiai ti na bae n iri ibukina bwa aki irakina bon kaotan akean te karinerine.

Te moan baka bon te butimwai nakoia taan kataneiai aika boou. I bon maku n iri, ibukina bwa I bon ataia bwa a na anganai bwa N na mooi manging ao I aki ata raoi arou ni karotua. I wetea raoraou man au uoote, ao e anganai reirei aika raraoi are e kakorkora onimakiniau.

Ngke e waki te baka, a anganira te mooi bwa ti na nim, ma te kabwaia, a aki kairoroira bwa ti na mooi. Ngkai a butimwaia raou ni kataneiai arou n aki mooi, karotuan te mooi are i mwina e aki bebete irou—ni karokoa te tairiki teuana. N tain te baka teuana, te beretitenti n te kambwana e roko. E uota te bwatoro n *lambanog* (te kamangin are e karaoaki man te ni). Teutana i mwin rokona, I noria bwa e kabwaroa te wain teutana. I

mwina e taku, "Ko riai n reireiniko ni mooi" ao e anga te kiraati teuana nakon temanna te tia kataneiai. E waekoa n nimma.

E moanna ni bukibuki manawau. N tokina e na roko n au tai. I wirikiriki ni karaurau nakoioi, "N na bon aki mooi, N na bon aki mooi." I mwina I nora te beretitenti n anganai te kiraati

ni wain. I aki ataia bwa tera ae N na karaoia. Raou a bane n tarai, n taningaia bwa tera ae N na karaoia. I moangare nakon te beretitenti ao n nanorinano ni kangai, "I karautaeka, tie, ma I aki moomooi."

I ataia ae e un. E titiraki bukin tere I aki mooi. I kaeka, "Ngai kaain te Moomon."

E taku, "I tuai n ongoongo taekan te aro anne. Taekana bwa ai aekakin te amwarake." A bane ni ngare.

I moangare naba, tiaki ibukin ana manikangare ma ibukina bwa I ataia bwa I karaoa ae eti.

Akea temanna ae manga anganai i mwina te mooi. Ma e teimatoa te bwainingare n aki toki, bon irouia raoraou. Temanna e manga taekinna bwa I kewe ao e aki kona n iango-aki bwa membwa n te Ekaretia a aki moomooi. N te tai aei I namakina te rawawata are e roko nakoia mem-bwa n te Ekaretia.

Tikuu i aon te atimwakoro e rei-reinai reirei aika mwaiti, tiaki ti te rabwakau ma te maiu n tamnei. I reiakina bwa e aki toki te bwainingare, ma Tamnein te Uea e kairiko n tai nako ni karaoan ae eti. ■

Te tia koro karaki e maeka i Metro Manila, Philippines.





Iroun Unimwaane
Adrián Ochoa
Man te Ittingaun

Ko tangiria n namakina te tamaroa riki ao n koaua riki n rabwatam ao n am iango? Te kamarurung n tai nako e na ibuobuoki.

a tibwa tia ni wareka te koaua te uana i aon te kamarurung. I warekia bwa ngkana ko utimwaaka n te moan ingabong, ko karin oneam ni kamarurung, ao n iango “N na ti bwaina aei, I otinako n rianna, ao ngkana I namakina te nakoraoi, N na moanna ni biri ni karaurau,” ko na tara ni karekea te kamarurung ae tamaroa i mwaain ae ko ataia. N reken te baire ae bebete n aron aei e kona n ibuobuoki nakoim ni karikirakea te kamarurung ae tamaroa ao te tararua ibukin rabwatam. Irouia aomata aika mwaiti, te moan waki ao kateimatoan karoana bon te itera ae kaangaanga. Ngkana ko uringnga bwa te kamarurung e kakabwaia tiaki ti nakon rabwatam ma am iango ao am kaburoro, e na buokiko ni karekea te nano ni kan karekea riki marurungin te rabwata. Ngkai ko kamarurung, ko na riki bwa te aomata ae korakora ae namakina te korakora, te mwengaraoi, te tatauraoi, ao te kamanoaki.

I uringa karakinan te manikiba are e waaki n rairi buraena ibukin te mwata. E bebete aron karekean te amwarake n te aro anne, ao te manikiba e taku bwa e mwaiti buraena. Ngke e reitinako n rarairi buraena, te manikiba e irananona n aki kakau-timwaka ni kakai kanana. E tekateka iaon ngaona ni katoabonga ao e aki

KAKORAKORAKO, KAMARURUNGKO, KAWANAWANAKO

kakamarurunga. Ni bon tokina, te mannikiba e a taneiai n te aro aei ao e a ataia bwa e aki kona ni manga kiba ibukina bwa a bua buraena ake moan te kakaawaki.

Aio e kona n riki nakon temanna are e bwaka i nanon te bwai ni kawiane n anua aika buakaka, waki n taningaroti, ke kabonganakin bwai aika kareke. I nanon *Kakorakoraia Kairake* ti warekia bwa bwai aikai a kona n “urua marurungin rabwatam, te iango, ao maiuraoi te tamnei. A urua te reitaki n te utu ao rao ao a kamauna am namakin n kakawakim ibon iroum. A tiana am konabwai ni karaoi rinerine ibon ibukim”¹ Te kakamwakuri ao kanakin amwarake aika riai e buokiko n totokoi anua aika bubuaka aikai. Ngke arona bwa te mannikiba e reitinako ni kiba ao n akawa, e na bon aki kabuai buraena. N ai arora, ngkana ti “kabonganai ara mwatireti” ao ni kamarurung n tainako, ti karikirakea te kona n totokoi ananga ni kabuanibwai ao ni kamamara nakoira.

N ai aroia tabeman aika iai aia kaangaanga ma marurungin rabwataia, tabeman iai aia kaangaanga ni marurungin aia iango. Te maiu e kona ni kaangaanga, ao n tabetai e na kona n reke iroura te namakin n nakonnano, n nanokawaki, ke ni kerikaaki onimakinara ibon iroura.

Ma uringnga bwa ibukin marurungin te rabwata ao te iango, te mwakuri ni kamarurung ao te mwakuri korakora e ibuobuoki ni kateimatoa te taratara ae tamaroa. Kawakinan rabwatam e kakabwaia naba am iango ao e kakabwaia am iango ni buokiko n uringnga bwa ngkoe natin te Atua ao ko na mwengaraoi mani kukurei. Ara iango, rabwataro, ao tamneira a bane ni irekereke ni kabane. *Ibukin Kakorakoraia Kairake* e reirei: “Marurungin am iango e kakawaki naba ao e kona n roota maiuraoi tamneim ao rabwatam. Te bwarannano ao te nanokawaki ae ririki bon iteran te maiu ae mamate aei. E ngae n anne, ngkana ko kamaana te namakin n nanokawaki, bwarannano, nakonnano, ke n rawawata, maroro ma am karo ao am bitiobi ao karekea te ibuobuoki.”²

Bukin tera ngkai ti nooria aomata ni katobibira aika tara n rangi ni korakora ao ni kimareirei? Teuana bukina bon te anua. Ngkana ti tarai rabwatara man ana taratara te maiu n tamnei ao n ataia bwa aio “te tembora, te bwain-tangira mai iroun te Atua,” ti na tangiria ao ni kawakinna ni katabua.³

Irou, *tabu* nanona e itiaki, maiuraoi, ao korakora. Teuana man kawai ake e buokira iai Tamara are i Karawa ni kawakin rabwatara bwa a tabu bon

man anganakira Taekan te Wanawana. *Ibukin Kakorakoraia Kairake* e kabwarabwara: "Ngkana ko ongotaeka nakon [Taekan te Wanawana], ko teimatoa n inaaomata man anua aika kakamaku ake a na kona n tautaekana maium. Ko karekea te kakabwaia ni marurungin te rabwata, te iango ae tatauraoi, ao ana kairiri te Tamnei ae Raoiroi. Ko na tatauraoi ni beku ibukin te Uea. Tai kariaia Tatan ke tabeman bwa a na mwamwanaiko n iangoan uruakakin Taekan te Wanawana bwa e na kakukureiko riki, ko na tatangiraki riki, ke ko na tamaroa riki."⁴ Ngkai ko ira nanon Taekan te Wanawana, uringnga bwa ko kawakin rabwatam ao am iango ao e na reke iroum "karekean te wanawana ao kaubwain te atatai" (D&C 89:19).


Onean mwin te riki ni mannikiba ae taningaroti n iokinibwaia buraena, karin am kau n teneti ao kakamwakuri. Kamarurung n tai nako. Karina aram n am takaakaro ae ko tatangiria ke karekeia raraom ake ko kona ni biri ke ni karaoi waki ni kakukurei riki tabeua ma ngaiia. Ngkana ko karaoi waki ni kamarurung, ko kataneiiai tiaki ti nakon rabwatam ma bon am iango naba. Te kamarurung e kamarururunga am iango naba. Uringa bwa te bwai ae moan te kakawaki tiaki bwa birimwaakara ke kona riki bwa te tia takaakaro ngkoe—e taraki bwa kakaonimakira ngkoe. Ngkai ko kamarurung n tai nako, ko na bon aki ti kukurei ma ko na rikirake naba ni korakora, marurung ao n timwati riki. ■

BWAI AIKA A NA TARAAKI

1. *Ibukin Kakorakoraia Kairake* (boki ae uarerike, 2011), 27.
2. *Ibukin Kakorakoraia Kairake*, 27.
3. *Ibukin Kakorakoraia Kairake*, 25.
4. *Ibukin Kakorakoraia Kairake*, 25.

**Ko na tai riki
bwa te manni-
kiba ae taninga-
roti are e iokinibwaia
buraena ibukiia mwata.**





N TOU MWIIN Mwanekana

N riki n aron te Tia Kamaiu bon te mwakuri ae karaurau, ao man maan, ao ko kona ni moanna man anaakin mwaneka aika uarereke ni katoabong.

Iroun Melissa Zenteno

Ana Maekatiin te Ekaretia

Booki aika tabu a kaungaira n riki n aia-ron Iesu Kristo ao “e na nakonako, n te aro are E nakonako iai Teuarei” (1 Ioane 2:6). Ma a anaakin te moan mwaneka anne e kona ni kaangaanga—ai moarara riki ngkana ko aki ataia bwa ko na kanga ni moanna.

Ko na kunea te buoka inanon *Preach My Gospel: A Guide to Missionary Service (Tataekina Au Euangkerio: Te Kairi nakon aia Mwakuri Mitinare)*. Ko kona n iangoia bwa ti te aeniboki ibukiia mitinare aika bwanin aia tai, ma bon te bwai ni mwakuri ae korakora are e kona ni buokiko ni moana am kouru n riki bwa aiaron te Tia Kamaiu. Mwakoro 6 e bon karoaaki bwa e na buokiko n oota ao ni karaoi anuan Kristo aika ruaiwa.

Aikai tabeua kario ibukin aron kama-nenaana *Preach My Gospel: (Tataekina Au Euangkerio)* ao booki aika tabu ngkai ko kakaea karikirakean anuan Kristo:

- Ni moanna, nako nakon te Attribute Activity ni banen mwakoro 6 inanon *Preach My Gospel: A Guide to Missionary Service (Tataekinan Au Euangkerio)* (iteraniba 126). Te mwakuri aio e kona ni buokiko ni baireia

- bwa anua raa aika korakoran tamneim ngkai ao a angara ake ko kainnanoi ni mwakuriia.
- Imwiin banen am mwakuri, tata-roakinna n rinea te anua are ko na kabanea am tai iaona. Iangoa warekan te tiekition inanon mwakoro 6 ibukin te anua anne.
 - Katei kouru aika onoti ma ni kona n ataaki bwa a mwakuri ke a aki are a na buokiko ni karikirakea te anua aio. Karekea am tai are ko na mwakuria am kouru. Imwiina tarai a bwa e uara am waaki. Ibukin te katooto, ngkana ko kataia ni bwabwaina te tangira, ko kona ni katea am kouru n taekin bwai aika a tamaroa ibukin tarim ke mwanem teniua te tai ni katoabong inanon te wiki. Ni banen te wiki, ko kona n tarai a bwa ko kanga ni mwakuri ma am kouru ao ni karaoi bitaki ake a na buokiko n reitanako te rikirake.
 - *Preach My Gospel: (Tataekina Au Euangkerio)* e katauraoi koroboki aika tabu ni kamatebwai anua nako. Ko kona ni kamatebwai booki aika tabu ake a karinanaki ao

- ni koroi bwai ake ko namakin ngke ko warekia.
- Butia te Tama are i Karawa ibukin te buoka ni karikirakea katein te Kristo. Butia ibukin buoka aika onoti n aron ae, “Taiaoka anganai te korakora ni kona ni kaitara uniu ngkana tariu ma mwaneu a anai au bwai.” Am tataro aika onoti riki, e na bebete riki ibukim ni kina ana kaeka te Uea.

N riki n aiaron ara Tia Kamaiu, Iesu Kristo, bon te mwakuri ae kaurau ao man maan karekeana. N tabetai e na kona n tarai ni kaanganga riki nakon te physics ae ngkai ae matoatoa. Ma tai bwarannano. Te Uea e berita nakoira “bwa are mai iroun te Atua bon te ota, e na kareke riki te ota; ao te ota anne e rikirake n ota man ota ni karokoa te bong ae kororaoi. (tara D&C 50:24). Ngkai ti kareke, kamatebwai, ao ni kammwakura te ota ao te koaua ao n reitinako n ira te Atua ni katoabong, ti kona ni koaua bwa ti na riki n aiaron riki ara Tia Kamaiu, Iesu Kristo. ■

MWAKURI NI KATOABONG

Mwakuri aika uarereke, ni katoabong bon mwaneka iaon te kawai n riki n aiaron ara Tia Kamaiu. Iangoi mwakuri ni kakukurei riki aikai ni buokiko ni karikirakei anuan Kristo:

- Wareki booki aika tabu ake a kari-nanaki n te Topical Guide or Guide to the Scriptures (Kairi n Atu n reirei ke te Kairi nakon Booki Aika Tabu) ake a irekereke ma te anua are ko kakaaea ni karikirakea.
- Tataro ni katoabong ibukin

- tangiran te bitaki ao te korakora n riki n tamaroa.
- Kawakina te tieno n taui mwii am mwakuri.
- Taetae nakoia am karo. Kariaia bwa a na atai am kouru bwa a aonga ni buokiko.

IIRA TE KAKARABAUAU



Rinanon Okitoba, ko na kamate-bwaia bwa ko na kanga n riki n aiaron riki Kristo (ngkana am uote ke am mwaanga iai te reirei ae boou inanon am taeka). Imwiin warekan te koroboki aio, tataroakinna n rinea te anua ni mwakuri iaona n te wiiki ke te namwakaina aio. Ko kona ni katea am kouru ao imwiina baireia bwa e uara am waaki. Ko rikirake n tatangira riki ke n ongotaeka riki ke n taotaona nanom riki, ibukin te katooto? E kanga am kouru n riki n aiaron riki Kristo ni buokiko n tokanikai iaon am kaangaanga? Iangoi tibwauan am taneiai ma roronrikirake tabeman ke ma am utu.



“Tera ae N na taekinna nakoia aika tiaki kaain te aro ake a titiraki bukin terā tabeman kaain te Ekaretia a aki maiuakin ara kainibaire?”

Ena rangi ni kamiumi ngkana a bane ni maiuakina te euangkerio raoi kaain te Ekaretia. A na aki ti kimwareirei ma ana kakabwaiaki riki inanon maiuia ao n riki bwa katooto aika tamaraoa nakoia ake irarikia. Ma ti bon mamate, ngaia are ngaira ni kabane iai tabeua kabwakara. Oina ni koaua bwa tabeman a maiuakina te euangkerio raoi nakoia tabeman bon aio bwa a kakaokoro taai n rairakira ao inanon korakoran ara kakoaua. Iai iroura kataakira aika kakaokoro ao taabo ao aomata aika kakaokoro ni buokiira.

Ake tiaki kaain te aro a na kona n aki oota n taeka n aiaron “rairaki” ao “kakoaua,” ma a oota bwa ngaira n tatabemaniira ti kona n rinea arora ni maiu. Ko kona ni kabwarabwara bwa te Tama are i Karawa e kantatingaia kawaina anne. E anganiira inaomatara n rinea ae eti ao ae bure bwa ti aonga n rikirake n te tamnei man rinean ae tamaraoa. Ma te Tama are i Karawa e ataia naba bwa aomata ni kabane—ma tii Iesu Kristo—ae a na karaoa te kairua, ai ngaia are E a karekea te Tia Kamaiu ibukira. Ibukin te Mwakuri ni Kamaiu, ti kona n rairinanora, kabwara bure, n reirei man ara kairua, ao ni waaki rake ni maiura.

Ko kona naba ni kabwarabwara bwa ti aki motikitaekaia ake a aki ira ana kainibaire te Ekaretia. N onea mwiina, ti kataia ni buokiia, n ataia, ao n taotaona nanora ma ngaia. Ngkai ti bon aki kariaia te bure, ti aki kabuakaka te tia bure (tara Ioane 8:11). Te rairannano e bon teimatoa ni kona n riki, ibukira ni kabane.

Kakaae ni Booki aika tabu



Te kaeka nakon te titiraki e kona ni kuneaki inanon booki aika tabu. Ngkana aomata a aki kawakin tuua, ti riai n aki kabuakaka (tara Mataio 7:1). I-Rom 3:23 e taku, “Bwa a bane ni bure, ma n aki karekea te neboaki mai iroun te Atua.” E ngae n anne, e bon koaua bwa kaain te Ekaretia a riai ni kataia n ongotaeka. *Madison M., ana ririki 13, Texas, USA*

Anga reirei ibukin te Mwakuri ni Kamaiu



Ngkana aomata a taekini bwaai n aroia akanne, nakon are kakaean kairuan te membwa are e aki irii tuua, I kabongana bwa te tai ae riai n anga reirei ibukin te Mwakuri ni Kamaiu. I tuangia bwa ngkai ngaira kaain te Moomon tiaki nanona bwa ti kororaoi ao bwa iai iroura te Mwakuri ni Kamaiu ai ngaia are ti kona n rairinanora man ara bure ao ni kaitiakiira man buure akanne. Aio e tataneiai te aba bwa e na kauka te mataroa nakon titiraki riki aika batii.

Jayde H., ana ririki 16, Oregon, USA

Te Ekaretia e Reireiniira ni Karaoa ae Tamaraoa



N aiarora ni kabane, kaain te Ekaretia a rinanor kakaewenako ao kairiri. Ngaira ni kabane bon iai mamaara, ma tiaki nanona bwa te Ekaretia e aki koaua. Aio bon ana Ekaretia Iesu Kristo, are e buokiia aomata n ata te euangkerio ae koaua ao ni karekea te karietataaki. Bon te aro n aomata ae e aki ongotaeka n taian tua (tara Motiae 3:19), ao tiaki

ana kairua te Ekaretia. Te Ekaretia e reireiniira bwa ti na karaoi mwakuri aika tamaroa. Ma ngaira ni kabane iai ara rinerine.

Lavinia S., ana ririki 19, Bulacan, Philippines

Kainibaire Bon ibukin Kukureira



Te titiraki aio I aki toki ni kakaitibo ma ngaia ibukina bwa I ataia tabeman aomata ake a tia ni karaoa aia rinerine are e a tia ni uotinako man te euangkerio. Te Uea e anganiira tuua ibukin kukureira ao ni kakoroa bukin te aki mamate ao te maiu are akea tokina iroun te aomata (tara Moses 1:39). Te Uea e tangiriira bwa ti na okiria; e ngae n anne, E tangiriira bwa ti na karaoi oin ara rinerine. Anne bukina ae tabeman aomata a aki maiuakina ara kainibaire. Te kainibaire e buokai ngai ibukina I ataia bwa te Tama are i Karawa e a tia n anganai n te aro bwa I kona n okiria ao ni maeka ma Ngaia ao n riki ni kukurei. Bon kakoauan Ana tangira ibukiu.

Morgane D., ririki 18, Languedoc-Roussillon, France

Maiuakina Ara Kainibaire



N aiaron botaki tabeua ke aaro, iai tabeman aomata aika a rangi ni kakaonimaki riki ke aki batni kakaonimaki. Ti na bon tii maiuakina ara kainibaire n te kabanea n tamaroa are ti kona ao ni kantaninga ao n tatato ibukia tabeman bwa a na karaoia naba.

Maren S., ririki 16, Arizona, USA

Tatato ibukilia ao Kawariila

Membwa ake a aki maiuakina ara kainibaire a na kona n akea aia kokoaua

ae boboto iaon Iesu Kristo. Ti riai n tatato ibukiia, bwa a na kakaea ana kairiiri te Tamnei ao bwa a na kona ni karekeia oin aia kokoaua. Ti riai ni kawaria aomata aikai ao ni buokiia n nakon Kristo.

Andrea C., ririki 13, Lima, Peru

Riki bwa te Katooto



Te Ekaretia aio e kakawaki ni buokiira ni kakoroi tuua mai iroun te Tama are ii Karawa ao ni maeka ma Ngaia riki. Ma ti ibukina bwa temanna e kaaina te Ekaretia tiaki nanona bwa teuanne ke neienne e na riki n taainako bwa te aomata ae raoiroi. Tara ara aonaaba n te bong aio, e onrake n te buakaka ao te riribai, e ngae ngke te aonaaba e onrake ma aomata ake a baireia bwa a na ira Iesu Kristo n te maiu are i mwain aio. I taku bwa te bwai ae te kabanea n tamaroa are ti na kona ni karaoia bon karaoan te katoto ibukia raoraora.

Kaden S., ririki 15, Utah, USA



TARAIA TABEMAN N AROIA ARE A KONA N RIKI NAKO IAI

"Iai tabera n tarai aomata nako tiaki n aroia ae ngkai ma n aroia are a kona n riki nako iai. N na bubuti bwa ti na tarai a ngai ma ngkami n te aro aio."

Beretitenti Thomas S. Monson, "See Others as They May Become," *Riaona*, Nobembwa 2012, 70.

TITIRAKI AIKA A NA ROKO

"I bon kataia n taua tae-kan au iango, ma a rangi ni batni kairiri. N na kanga ni karekei iango aika itiaki riki?"

N Nobembwa 15, kanakoi am kaeka ao, ngkana e tangiraki, te tamnei ae tamaroa nakon liahona@ldschurch.org ke man te meerii nakon te atureti i aon iteraniba 3.

Te rongorongo ao te kariaiakaki ae imwina a riai ni karinaki i nanon am i-meeri ke te reta (1) bwaninin aram, (2) bong ni bung, (3) uoote ke mwaanga, (4) titeki ke mwakoro, (5) am kariaia n te koroboki, ao, ngkana e kee am ririki iaan 18, aia kariaia am karo n te koroboki (e butimwaeaki te e-meeri) ni boretia am kaeka ao tamnei.



Iroun
Unimwaane
C. Scott Grow
Man te Ittingaun

Buokakim n rairananom bon mwakoron ana mwakuri te bitiobi ae onoti. Am koaua e na tuangko bwa ningai are ko na taetae iai nakoina.

Ko na kona ni mimi bwa bukin tera ko reireinaki bwa kona kaoti am bure nakon am bitiobi ke beretitenti n te mwaanga ngkana ko a tia ni karaoa te bure ae matoatoa. Ko kona n taku nakoin, “Tiaki te rairanano bon au bwai i marenau ma te Uea? Ngkana I a tia ni katoka arou aika bure ao n tia naba ni kaotibure nakon te Atua, bukin tera I kainnanoia n taetae ma au bitiobi?”

Bukin tera te Bitiobi ao Tiaki Riki Temanna?

A batirororrikirake aika a namakina riki te karaunnano ni kaoti aia kairua nakoia aia karo ke taan kairiri n te rororrikirake. E ngae ngke am karo ao taan kairiri a kona ni karekei boutoka ao reirei aika a riai, Te Uea e a tia ni katanoata bwa te bitiobi bon te tia motikitaeka ae tabangaki i Iteraera (tara D&C 107:72, 74). Iai tabena ni bairea tauia kaain ana uoote. Man te katabuaki ao te maiu ae tamaroa, te bitiobi e tau ni karekei kaotioti man te Tamnei ae Raoiroi ibukiia kaain ana uoote, n ikotaki ma ngkoe.

Te bitiobi e kona ni buokiko rinanom te mwakuri n rairannano ni kawai ake am karo ke tabeman taan kairiri a aki kona ni karekei. Ngkana te bure e



BUKIN TERA AO TERA AE I RIAI NI KAOTIBURE IAI NAKON AU BITIOBI?

bon tau matoatoana, e kona ni baireia bwa bwaai ake a riai n reke n te Ekaretia a na tianaki. Ibukin te katoto, bwa mwakoron am mwakuri n rairannano, e kona n tuangko bwa ko na aki kana te toa ke n aki kammwakura te mwaaka n te nakoanibonga i nanon tabeua te tai. E na mwakuri ma ngkoe ao ni baireia bwa ningai are ko na manga tau riki n okiri mwakuri aika tabu akanne.

Am bitiobi e na reireiniko bwa tera ae ko na karaoia ni kakorakora am konabwai n totokoi kariri. E kona ni kaungako ni kamatebwai te atu n reirei, n aron te rairannano, ao imwina

n tibwauaia ma ngaia tera are ko a tia n reiakinna. E kona n tuangko bwa ko na kakawari ma ngaia ni katoa wiiki ao n ribooti bwa ko uara ni kanakoan aro ni kariri.

Ningai ae I Riai n Taetae iai Nakoina?

Ko kona n iangoia, “Akanne a bane n tangiraoi, ma N na kanga n ataia ngkana te bwai are I a tia ni karaoia e bon tau matoatoana are I a kainnanoia te taetae nakon te bitiobi?” Te kaeka ae uarereke: “Mataniwiin nanom e na tuangko.” Ngkana ko namakina te wirikiriki ni mataniwin

nanom, karaoia naba ngkekei (tara Aramwa 34:31–34).

Ni kaineti ma te rairannano, Beniamina are te Uea e anga reirei, “I aki kona n tuangkami bwaai ni kabane ake kam na bure iai, bwa bon moan te mwaiti aanga ma kawai, ao a mwaiti ake I aki kona n uring” (Motiaeae 4:29). Ngaia are n aki anga karinan bwaai ake ko riai ni kaotibure nakon am bitiobi, kariaia bwa N na tibwaua tabeua koaua are a na buokiko ni karaoa te babaire anne.

Tera Ae I Kainnanoia ni Kaotibure?

I ataia bwa ko a tia ni kataia n riki n ongotaeka, ma tao ko a tia ni karaoi tabeua kairua—tabeua bure aika matoatoa. Angiia kairua are a karaoria aomata a kona ni katokaki rinanon oin am tataro ao am rairannano ae koaua. Tabeua kairua, ake a irekreke ma te bure, e tangira te kaotibure nakon te bitiobi imwain are ko na kona ni karekea ana kabwarabure te Uea.

Ngkai ko iangoi kairua ake ko a tia ni karaoi, ko kona n namakina bwa ko kairua, aki rau, aki kukurei, ke rawawatam. Ngkana ko rinanon teuana mai buoakan namakin akanne, ngkanne ko kainnanoa te taetae ma am bitiobi ibukin kairua akanne.

Tai kataia ni kamaia am kairua. Ko kona n iangoia, “E na rangi ni kama-maa n tuanga te bitiobi tera are I a tia ni karaoria. E iangoia bwa ngai te aomata ae tamaroa riki nakon anne. E na bon tiaoki ngkana I tuangnga tera are I karaoria. E na bon aki manga tangirai.”

I berita nakoim e na aki kabuakakako. Ngkai ana toro te Uea, e na riai n akoi ao n oota ngkai e kakauongo

nakoim. E na kona ngkanne ni buokiko rinanon te mwakuri n rainnano. Bon ngaia ana tia uarongorong te Uea n nanoanga ni buokiko n riki n itiaki rinanon te Mwakuri ni Kamaiu iroun Iesu Kristo.

E a tia n taku te Uea bwa ngkana te aomata e rairananona, e na mwaninga aia bure ao n aki manga uringnga.

Bwa ti aonga n rairananora man ara bure, ti riai ni kaoti ara bure ao ni mwaninga taekiaia. (tara D&C 58:42–43).

Ngkana ko kaoti ao ni mwaninga am bure, te Uea e na mwaninga taekan am bure. Ko na aki bukin taeka ibukin am bure akanne ngkana e a roko motikan taekam.

Tera Ngkana I Aki Kaotibure?

N tabetai te aomata e na katoka karaoran ae bure ma e tuai man kaotibure, ngkana e kainnanoaki, nakon ana bitiobi teuanne ke neienne. N aron ae riki, te aomata e reitinako ni uota rawawatan te bure n ti ngaia, n onea mwin are e na angan te Tia Kamaiu ni uotanako te rawawata.

Kariaiai n anganiko te katoto. Teuana te tairiki tabeua te riri n nako, I karaoa te intawiu ma ikawai ibukin kabouan aia beba ni kariaia te tembora. Te aine ae ana riri imarenan 40 ao 60 e roko ibukin ana intawiu. E a tia ni mareaki n te tembora ao e teimatoa ni kakaonimaki n te Ekaretia ni kabane maiuna.

I namakinia te nanokawaki ae korakora n tamneina. Ngkai e a wakinako te intawiu I karekea ana wirikiriki te tamnei. I taku nakoina, “Titita, iai irou te namakin bwa ko a tia ni karaoa te kairua ae matoatoa ngke tebwi tabun am riri a ko tuai

ni kaotibure nakon te tia kairiri n te nakoanibonga. Ko tauraoi n tuangai taekana?”

E waekoa ni moana tangina. E tuangai bwa e bon koaua, ma e a tia n taainako n rangi namakina te mama ae korakora ni kaota ana bure aio nakon te bitiobi. Ngkai e kaota te bure are e a tia ni karaoria, e tibwauai kamatata aika tau ibukiu ni karaoa taekana bwa e tau.

Kaotan ana bure nakon te tia kairiri n te nakoanibonga e mwakena tokin te mwakuri n rairannano nakon moanakina. E a tia ni uouota te rawawata ao te nanokawaki ae e aki riai man te bure anne n raka iaon 30 te ririki.

Ibukina bwa e a tia ni kabwanina te kabanea ni mwaneka n te rairannano, ana kairua a uotakinako mai irouna. I riai n tabetai n noria imwiin te intawiu anne. Matana e rikirake n oota, ao e bon kukurei.

I tangiriko bwa ko na ataia bwa I aki ata arana. Te Uea e kona ni kainnako ururing akanne mai iroun te bitiobi. Tera are I uringnga bwa rinanon te kaotibure nakon ana tia kairiri n te nakoanibonga, te aine aio e a bon kabebeteaki ana namakin n te kairua are e a tia ni uotia i nanon riri aika a rangi ni batii.

Taiakiai karaoa te kairua anne. Ngkana iai iroum namakin n te kairua ma ko aki koaua bwa ko kainnanoia ni kaotibure nakon am bitiobi, nako nakoina. Kariaia bwa e na buokiko. Tai manga kataia ni uouota te rawawata ae e aki riai rinanon maium, are e na katikuko ma te namakin ae rawawata. Rinanon am kaotibure nakon te bitiobi ao am rairannano, te Uea e na tabeka te



rawawata anne man tamneim (tara Itaia 1:18).

Bukin tera I Kainnanoia n Rairananou?

Iesu Kristo e kabooa boon aia bure ni kabane te botanaomata rinanon Ana anga karea n te mwakuri ni kamaiu. E kaoiko n rairananom ao n totokoa te nanokawaki ao te korakai aika a na ikitaki. “Rairananom, bwa rimwi . . . am korakai ana korakora—korakorara ko aki ataia, rianakora ko aki ataia, eng, rawawatara uotakina ko aki ataia.

Iesu e taekinna bwa e a tia ni karawawataaki ni bwaai aikai ibukiia bwa ana aki maraki ngkana a rairi nanoia;

Ma ngkana aki rairi nanoia a riai ni karawawataaki n ai arona . . .

E tuangira riki bwati na rairinanora, . . . ao ni kaoti ara bure, bwa rimwi ao ti na karawawataaki man reke kaira n aron are E a tia n taekinna (tara D&C 19:15–17, 20).

I kakoaua bwa rinanon karawawatana, Iesu Kristo e a kaman tia ni kabwaka boon am bure. Ko kona ni kabwaraki am bure ngkana ko rairananom. Tai kataia ni kabwaka boon am bure. Akea mwaitin am karawawataki ae e na kaboiko; bon tii rinanon te Mwakuri ni Kamaiu are ko na karekea te kabwaraki am bure.

Ko bia kammwakura am onimaki i nanon Iesu Kristo ao Ana Mwakuri ni Kamaiu. I kakoaua n aran Iesu Kristo bwa rinanon te rairannano, n ikitaki ma te kaotibure nakon am bitiobi ngkana e riai, ko na riki n itiaki. N raonaki, rinanon ana akoi te Tia Kamaiu—Mwaakana ae kona n anga nako—ko kona ni kakorakoraki n am konabwai n totokoa te kariri n tai aika a na roko. N tokina, ko na karekea te rau n te iango ao te kukurei n te maiu aei, ao ko na maeka n te maiu are akea tokina n te aonaaba are e na roko. ■



ARA TIA KATOKI-AORAKI AE KORAKORA

“Te Tia Kamaiu e batin atongaki bwa te Tia Katoki-aoraki ae Kakannato. . . . Ana mwakuri te kairua iaon tamneira titebo ma ana mwakuri te maraki nakon rabwata—te bure bon te kauring ibukin te kaangaanga ao te kamanoaki man uruaki aika a na ikitaki. Man ana Mwakuri ni Kamaiu te Tia Kamaiu e a roko te kabira ni katoki maraki are e kona ni kamaaoa ikoakin tamneira ao ni kanakoa te kairua. E ngae n anne, te kabira aio e kona n tii kamanenaaki rinanon te koaua n te onimaki iroun te Uea Iesu Kristo, rairannano, ao te ongeaba ae teimatoa. Mwiin te rairannano ae koaua bon te rau ni mataniwin nanom, rau n nano, ao te kamaiuaki n tamnei ao te oneaki.

“Am bitiobi ke am beritenten i te mwaanga bon ana tia ibuobuoki te tia katoki-aoraki n te tamnei are e kariaiakaki ni buokiko n rairannano ao ni kamaiuko.”


Unimwaane David A. Bednar man te Kooram n Abotoro ae te Tengaun ma Uoman, “Ti Kakoaua n Riki n Itiaki,” *Riaona*, Meei 2013, 44.



Iroun Unimwaane
O. Vincent Haleck
Man te Itingaun

Kaoa te Tia Kamaiu bwa e na Rin Inanom

“Norai, I tei i rarikin te mataroa, ao I karebwerebwe: ngkana e ongo bwanau temanna, ao ngkana e kauka te mataroa, ao N na nakoina” (Kaotioti 3:20).



Ngke te ataeini-mwane ngai, n tain te Kiritimati tinau e karekea tamnein te Tia Kamaiu ni karebwerebwe n te mataroa. Ti tuai n riki bwa kaain te Ekaretia n te tai anne, ao I titiraki n tainako, “Bukin tera Iesu e karebwerebwe iaon te mataroa? Antai are e mena n iterana are teuana?”

Tabeua te ririki imwina

I kunea bwa akea bwain kakan te mataroa i aon iteran te mataroa are itinaniku are e karebwerebwe iai te Tia Kamaiu. Te aomata are e mena i nanona e kainnanoa kaukan te mataroa. Ngkai I ataia bwa antai are n iteran te mataroa are teuana. Bon ngaira! Te Tia Kamaiu e bon karebwerebwe, ao ngaira ni kabane ti riai ni kauka te mataroa ao ni Kaoia n rin i nanon maiura.

Ngke tebwi tabun au ririki, I baireia ni kaoa te Tia Kamaiu nako nanon maiu man bwabetitoaku ao n riki bwa kaain te Ekaretia.

Raoraou bon katoto aika tamaroa nakoiu. Ai aron naba tibu te unaine. Bon te tia mwakuri n te tembora i Los Angeles California Tembora. E na kitana are auti n te aoa 4:00 n te ingabong ni mwakuri ibukin te Uea i nanon te tembora.

Tii uoua te ririki imwin bwa-betitoau, I baireia bwa I tangiria ni mwakuri ibukin te Uea bwa te mitinare ae bwanin au tai. Iaon au mition, I buokia aomata aika batu n reiakinia ibukin te Tia Kamaiu bwa a aonga ni kona ni kaoia nakon nanon maiuia.

Imwiina, I mwakuri bwa te bereti-tenti n te mition i Samoa. I aki toki n titirakinia mitinare aika boou bwa ni ngai are a baireia bwa a na karaoa aia mwakuri ni mitinare. A batu aika taku bwa a mena n te Moanrinan ngke a baireia bwa a na karaoa aia mwakuri!

Te Moanrinan e na buokiko ni katauraoiko ibukin te mwakuri ni mitinare. Kabatia am reirei n aron ae ko kona. Katea am kouru bwa ko na mwakuri ni mitinare. Imwiina ngkoe naba ko na kona naba ni buokia aomata ni kaoa te Tia Kamaiu nakon nanon maiuia. Rikim bwa te mitinare e na bita maium—e bita maiu. ■

Te Riikan

*Kabutan te toa bon te tabe ae bubura.
Tera ngkana e kamangao?*

Iroun Jane McBride Choate

E boboto i aon te karaki ae koaua

Ao riki ni kabane ake a karekea te nakoanibonga aio a karekeai naba, e taku te Uea (tara D&C 84:35).

Benji e tei imatan te tirotaam, ni kaeta ana neketai. Ana kabaraki ae mainaina ao ana kawerake ae e ro buruuna a bon rangi ni botau raoi. Irana e bon komwiaki. E a bon tara n tauraoi ni katabuaki nakon te riikan. Ai ngaia are bukin tera e namakina te neweti?

Benji e anai ana boki aika tabu ao ni kitana te ru. E kataia n aki iangoia ibukin ae kanga bwaai aika kakao-koro n riki n te ekaretia n te bong aio. Ao ngkanne bon iai te tabe ae boou ibukin te nakoanibonga are e raraoma iai ngkana e iangoia: kabutan te toa. Tera ngkana e karaoa te kairua n ana moan tai n te wiiki ae na roko? E kataia ni mwanninga anne naba ngke e a kitana te auti.

Te botaki n toa e waaki n aron are n taainako. Ma imwiina, Benji e nako ma ana utu nakon ana ao-bitii Bitiobi Salazar. Aio are e a bon kaokoro. N te taneiai e na mena n te mwakuri ni kaukuki n te Moanrinan n te tai aio.

Benji e tekateka ngke tamana, te bitiobi, te beretitenti n te



ae Boou



"Ngkana ngkami rikan . . . kam kabubura nakoami, kam na riki bwa a na bwai ni mwakuri inanon bain te Atua ngkai, bwa te nakoanibonga iroun te ataaeinimwane e mwaaka n ai aron te nakoanibonga i nanon te mwane ngkana e kammwakuria i nanon te raoiroi."

Unimwaane Tad R. Callister man te Ittingaun, "Mwaakan te Nakoanibonga iroun te Aataeinimwane," *Riaona*, Meei 2013, 54.

Kairake ni Mwane, ao ana kau-ntira te bitiobiriki a katokai baia iaon atuna. Tamana e anganna te Nakoanibonga are te Aaron. N tain te kakabwaia, te namakin n neweti a bua. E namakina te rau ao te kukurei.

Benji e teirake ao ni iobai ma nagaia ni kabane. Imwiina e rabwata tinana ao tarina, Jay, ao mwanena ae uarereke, Mirasol.

Imwiina, e nako n te Reirei n Tabati. E ngae ngke kiraati aika boou tiaki n aron are n te Moanrinan, a teimatoa n namakinaki te taneiai. Te reirei bon iaon te tataro. E a tia ni iai reirei iaon te tataro mai mwaina n te Moanrinan. Benji e ikerakea te ang n okinnano. Tao te riki n rikan e na aki rangi ni matoatoa.

"E na nakoraoi," Jay e tuanga Benji imwiin te taromauri "N na kakabwaia te toa, ao ngkoe ko na kabutia."

Te namakin n neweti a bane ni mwanga oki. "Eng, e rang n tamaroa," e taetae ni karaurau. Kabutan te toa bon te bwai are e rangi n raraoma iai Benji!

Imwiina n te tairiki anne Benji e a kunea tamana ni wareware

iaon te kaute. "Tera ngkana I kati-banakoia tabeman ao aki karekea te toa?" e titiraki. "Tera ngkana I bwaka?" E kona n noria ni mataata n aia aron te ngaina i nanon ana iango, te ture n rebwetata iaon te burrooa ao mwangkon te ran ni kiba n taabo nako.

Tamana e koona angan Benji. "I uringa te moantai are I kabuta te toa. I bon neweti riki nakoim n te tai aio."

Benji e kakoea matana n te kubanako. Ngkoe? Ko aki maaka te bwai teuana!"

Tamana e ngare. "I a tia ni maaku n te tai ae bat. Ko ataia bwa tera ae buokai ni kona neweti?"

Benji e iango n te tai ae uarereke. Tataro

E wiingare Tamana. "Eti anne. Tataro. Ao tamau e anganai te kakabwaia. Ko tangirai bwa N na anganiko teuana?"

E katoutoua atuna ni kawaekoa Benji. "Eng! I tangira ae bat n anne."

Te utu e botaki i nanon te ruu ni maroro. Tamana e katoka baina iaon atun Benji. Ngke e taetae Tamana, Benji e namakin rannimata ni moanna n riki. "Uringnga," e taku

Tamana n te kakabwaia, "ko a tia ni karekea te nakoanibonga rinanon te otenanti ae tabu. Te Tama are i Karawa e anganira te nakoanibonga bwa ti aonga ni beku ibukia tabeman. Ngkana ko kona ni karaoa aio ma te nano ae onrake ma te kantninga, ko na kakabwaiai n aio ao bwaai ni kabane."

Ni kabane te wiki anne Benji e tataro ibukin te buoka. Te Tabati are imwina, e a iriia rikan i moan te umantabu. E kakauongo raoi ngke Jay e taekina te kakabwaia iaon te kariki.

N te tai ae karina e namakin te raraoma riki. E kona ni karaoa raoi aio? E bon rangi ni kakawaki! Ngkane e uring berita man ana kakabwaia Tamana. Ana namakin n raraoma e nako ngke e a roko te Tamnei irouna.

E tabekarake te ture ao ni mwaing ma te aki nanououa nakon aia kaintekateka ake a katabeaki iai. N tabeakinna raoi, e anga te ture nakon te aine n te moan rinan ni kaintekateka.

E wiingare nakolina. Benji e wiingare ni kabooa, n ataia bwa e bon beku ibukin te Uea. ■

Tataninga

i nanon Auti ni
Maeka n Tain te Maitoro

Auti ni
Maeka n tain
te Maitoro

KAWA IN IOWA

IOWA

Nauvoo



Iroun Jennifer Maddy

Te Kawa ae Boou

Imwiin are e tiringaki Burabeti Iotebwa Timiti i, Nauvoo, Illinois, e riki bwa te tabo ae kakamaku. Aomata Aika Itiaki a birinako man mwengaia ni kakaea te tabo ae e aki kakamaku. I nanon Beberuare 1846, te moan kurubu n aomata Aika Itiaki a moana mwanangaia nako maeao, ma kanoan bong aika buakaka ao aoraki a kawaeremweia. Man te tai are a tia n toua Iowa, e a bon n rangi ni waeremwe n te ririki ni mwananga riaon te Rocky Mountains imwain te winta. Ai ngaia are taan kairiri n te

Ekaretia a rinea te tabo are aomata Aika Itiaki a kona n tiku iai ibukin te maitoro. A aranna bwa te Kuata n te Winta (Auti ni Maeka n tain te Maitoro).

Te bwai ae kaota aio i nanon te Mormon Trail Center i nanon Kuata n te Winta e manga karika te kaembwa i aon te kawai i Iowa ike William Clayton e korea te kuna n taromauri "Come, Come, Ye Saints" (Kuna n Taromauri, nambwa 30).





Bootaki ni Mwakuri

Tabeman aomata a katei mweenga man kaai ke man aontano ake iai te uteute iai. Tabeman a maeka i nanon tente ao bwanganimatang. A kataia Aomata Aika Itiaki ni kakukureia n tain te maitoro ae maan man maitoro. A ibuobuoki i marenai. A nakon kaotioti ao n anene ao n taeanti. A katea te bwai are e karaoa te burawa, te mwaneaba ibukin te taun, ao te tabo ni karao bwatiketi.



*Tabeman mai irouia
Aomata Aika Itiaki
a katei aia kaebin
man te kai ni maeka
i nanona ngke a tiku
n te Kuata ni Winta.*

Waki Nako

Te tai are a kabanea aomata Aika Itiaki i nanon taian Kuata n te Winta e bon matoatoa. A batiaika mate. Ma taian bwaeonia iai aia onimaki bwa te Uea e na kakabwaiaia ao ni buokia ni karokoia i Tion. Ngke e a roko tain aroka ni beberake baia, te moan kurubu ni bwaeonia a kitana aia Kuata ni Winta ni mwananga nakon te Salt Lake Valley.

N te Mormon Trail Tienta, ko kona n nora aekakin bwaai ake a uoti Aomata Aika Itiaki iaon mwanangaia nako maeao. Taan kairiri n te Ekaretia a tuangia ni uoti burawa, kaboiararan amarake, raiti, beans, ao ana miriki te kao.



N te bong aio ko kona n nora te Winter Quarters Nebraska Tembora ao ni kawara te Mormon Trail Center i nanon Kuata n te Winta n reiakina riki taekaia bwaeonia. ■

Aomata Aika Itiaki a Toki n taian Kuata n te Winta

Iroun Arie Van De Graaff

B waeonia a tiku tabeua te tai n taian Kuata n te Winta n tataninga tokin te maitoro imwain reitan mwanangaia ae matoatoa nako maeao. Taraia ngkana ko kona ni kakaea te bwai ae karabaki n te tamnei aio.



Bentira



Mwakoron te bwaai



Kuro



Bun



Tibaetura



Boki



Ureti



Mangko



Kabaean te ikoaki



Bowling pin



Kaeroti



Roribaobu



Neiran



Tainibai



Bea





Iroun Unimwaane
D. Todd
Christofferson

Man te Kooram
n Abotoro n te
Tengaun ma Uoman


*Membwa n te Kooram
n Abotoro n te
Tengaun ma Uoman
bon taan kakoaua
aika a onoti ibukin
Iesu Kristo.*

E kanga Iesu Kristo n taetae nakoia burabeti?


E kona ni kanakoa te tia
ua-rongorongo ke ni kaoti
ni bon Oin rabwatana.



E kona n
taetae
man Oin
bwanaana ke
man bwanaa
te Tamnei ae
Raoriroi.



E kona n taetae nakoia ana
toro n tatabemania nako, ke
E kona n taetae nakoia ngkana
a reirei ni botaki.



Man "Ana Reirei Kristo,"
Liahona, Meei 2012, 86–90.

E na kanga
Emma n riki n
raoiroi ngkana
Violet e bon
buakaka?

Buoka

Iroun Charlotte Mae Sheppard

E boboto i aon te karaki ae koaua

*"Ko na tangira raom n ai
aron tangiram i bon i roum"*
(Mareko 12:31).

Emma e kamatoa baina i aon ana baekibaeki ngke e a rinnako nakon nanon ana umwanreirei ae boou. Bon te moa ni bong n te reirei. Are i aona bon ana kunnikai ae tatangiria, ao Tinana e a tia ni katauraoa kanana ae onoti ma ana katawanou—berena aika katooton taian man.

“Te bong aio e na rangi n tamaroa,” Emma e iango inanona. “N aron ae—”

Emma e toki ao e tara iteran te umanreirei. Are e mena ikekei. Violet.

Te ririki ae nako, Violet e a tia n takakaro n taian kaibiti are ko kona n tamarake iai ni katoa bu-reiki n tii ngaia. E a tia ni wetea Emma n ara aika bati. E a tia naba n iraea raoraon Emma ae e rangi n tatangiria!

Violet e nora Emma ao e kaotinakoa newena. Emma e tarai ma te un, ni kona ni kamatoa riki ana baekibaeki. Violet e a tia n aki rangi n iraorao ni kabane te ririki ae nako, ao e tara n ae n te ririki aio a na akea te bitaki.

“Mauri nakon te ririki ae boou, kiraati!” e taetae Nei Caldwell i moan te ru. “Ti a bairei kaintekateka.”

Taian tetike a karainiaki i nanon uoua rinan n te umanreirei. Nei

Caldwell e kabuta baina iaon taian kaintekateka; imwiina e kotea taian tetike mai ibuki. “Emma. Ko na tekateka i buki ikekei.”

Emma e tekateka i aon te tetike are i buki. E kantaninga bwa Liselle e na tekateka i rarikina. Ke Jaime. Ke—“Violet.”

Atun Emma e kaweko a n tabekiarake. E koaua ana kakauongo?

Eng. Nei Caldwell e bon teimatoa ni kotea te tetike irarikin ana tetike. “Ko na riki bwa raon Emma, Violet, e taku.

Violet e karaurau ni mwaing ma te mata ae e aki kukurei. Emma e katoka atuna i aon ana tetike ao ni karekea taraan te o. E na riki bwa te ririki ae abwaabwaki.

N tain te Numera, Nei Caldwell e korei tabeua aia numera i aon te burakiboti ibukin te kiraati bwa a na kakaea rekena. “Ko kona ni mwakuri n tii ngkoe ke ma raom,” e taku.


Emma e waekoa ni baraki iaon ana beba, angkoa are e bon tabetabe. Bwaai ake a na karaoi a bon rangi ni bebete. E bon kataia n aki mutiakina Violet. E tuai n tarai teuana te tai ni kabane te ingabong.

Iai te bwai teuana ae totokoaki nakon angana.

E namakinaki n ai aron te bentira. Emma e aki tabeakinna.

E a manga notuaki riki. Bon Violet ae e notuia! Emma e teimatoa ni mwakuri n taua arona.

Ana kateniua n notu Violet e a bon matoa ni kammaraki. Emma e a namakina ae rikirake unna. Ngkai te ririki ae bwanin ai arona aio? E iangoia ni katea baina n tuanga Nei Caldwell. Ke



Violet

tao e na tii manga karekea taraan riki Violet.

Ngkanne Emma e ongo te tang ae karaurau. Iai ae e tang? Te bentira e a manga notuaki riki. E taraia rake ao e nora Violet ni kaitara moana. Ana bentira i nanon baina, ao iai rannimata i nanon matana. Ana beba e onrake ma barekan te bwainikamauna.

Violet e kaminoa te bentira i



nanon baina. "Ko kona ni buokai?" e titiraki ni karaurau.

Emma e taraia teuana te miniti, ao e tiaoki. Violet e tangiria bwa e na buokia? Imwiin ae e a tia ni buakaka n tainako? Emma e okirikaki nakon oin ana beba. Violet e kona ni mwakuri i bon irouna. E aki riai ni karekea ana buoka Emma, e ngae ngkana e bon kainnanoia kaain rarikina?

Emma e aki kakarongoa n tara moaa. E kona n ongo tangin Violet ni karaurau irarikina. Booki aika tabu a aki toki n taekina ae ko na tangira kaain rarikim—ma Violet e bon kaokoro! Emma e bon tii teka-teka irarikina i nanon te kiraati!


Emma e oki rikaaki nakon oin ana mwakuri. Ngkanne e katoka ana mwakuri. Tao Violet e bon aki kaokoro. Tao ngke booki aika tabu a taku bwa ko na tangiria kaain rarikim, a nanonna bwa ni kabane aomata. E ngae ngke aomata aika buakaka. E ngae ngkana e bon matoatoa.

Emma e ikerake ao ni kaotinakoa te ang ni kabaibati ao ni karaurau

ni katuka ana bentira. E rairaki nakon Violet ao ni kata ana kabanea n tamaroa ni moangare. "I kona n ibuobuoki?" e titiraki.

Violet e katoutoua atuna, ni kaoi rannimata ma baina.

Emma e rara iaon ana beba Violet ao ni moana buokana ma te moan kangaanga. E a tia ni karekea te namakin ae tamaroa i nanona. E mimi ngkana Violet e tangira te kuuki. ■



IRIRAKIN IESU

Iesu e tangiriia bwa ti na tangiriia aomata ni kabane. I nanon booki aika tabu, E reireiniira n tangiriia ara utu ao raoraora ao n akoia. Iesu e reireiniira naba, "Kam na tangiriia ami kairiribai, ao tataro i bukiia akana bwainikiriningkami, karaoa ae raoiroi nakoia akana a ribaingkami" (Mataio 5:44). Aio nanona bwa ngkana iai ae e aki raoiroi nakoimi, ko kona n ira Iesu man rikim n akoi ao ni kataia n riki bwa te rao ae tamaroa.

KAMATATA N TE KOROTAMEI IROUN BRAD TEARE, TE UEFA IESU KRISTO, IROUN DEL PARSON © IR



N na Tibwaua te Euangkerio ma Natin te Atua ni Kabane

MAING: KAMATATA NTE KORATAMNEI IROUNI MARK JARMAN, ATAI N ARON BUTIN, TE TAIMAN TE MAINGA ARE IETA: KAMATATA NTE KOROTAMNEI IROUNI JIM MADSEN, JARED BECKSTRAND, ERIC BARCLAY, AO CELESTE SMITH

KAATI N TIBWAAKI

Ko kona n tibwaua te euangkerio man tibwauan kabutan te kaati. Tii kurun kaati iaon te iteranibwa are imwiina nakon aon te beba ae rawawata. Imwiina korea te kaati mai iai ao korea oin am rongorongo iaon iterana are teuana.

Ko a tia ni kana te bwai teuana ae rangi n tamara are ko kan tibwai? Te burabeti ae Riaai n te taina e mi bwa e kana mwakoron te uanikai ae kangkang. E rangi ni kangkang n te aro are e “kaonrakea tamnei [na] ma te kimwareirei ae moan te batí” (1 Nibwaai 8:12). Riaai e tangira ana utu bwa a na katoongnga te uanikai ae kangkang anne naba.

Te uanikai are i nanon miin Riaai bon aekan ana tangira te Tama are i Karawa. Riaai e tangiria ana utu n namakina ana tangira te Tama are i Karawa. E tangiria n tibwaua te euangkerio ma ngaia ibukina e ataia bwa e na kakukureia.

Ataei n tainako a bon rangi n tatauraoi n tibwauakin te euangkerio ma tabeman.

Maria ae waniua ana ririki e noria mitinare iaon te kawai i Ecuador. E titirakinia ngkana a na kona n anga reirei n te euangkerio nakoina. Mitinare a roko nakon mwengan Maria n anga reirei nakon ana utu. Maria bon te moan n ana utu ni bwabetitoaki. E bon rangi ni kukurei ngke ana utu ni kabane a bane ni kaaina te Ekaretia naba.

Eric ae ruaiwa ana ririki e bon rangi n ingainga ibukin aia ribooti aia bootaki n toa te Moanrinan n te aro are e a kaoia kaain rarikina bwa a na roko. A bon roko.



Ataei aikai ni kauoman a tibwaua te bwai teuana ae kakawaki ma aomata ake a tangiriia. Ngkai ko tibwaua te euangkerio, am kakoaua e na rikirake. N ai aron Riaai, ko na namakina te kimwareirei ae rangi ni batí.” ■


KUNA AO BOOKI AIKA TABU

- Rinea te kuna ibukin te mwakuri ni mitinare, *Children's Songbook (Aia Boki n Anene Ataei)*, 172–73
- Mataio 5:16

TI NA MARORO

Ko kona ni karekeia kaain te utu ni kabane ni korea ana tamnei teuanne ke neienne te uanikai ae mamaten nanona. Ngkanne iaon akun te korotamnei, aomata n tatabemania a kona ni koreia bwa e kanga te euangkerio ni kakabwaia maiuia. Ko kona ngkanne n taetae ma ngaia ibukin kawai are ko kona n tibwaua te euangkerio ma raoraom ao kaain rarikim.



A large, detailed photograph of the Statue of Liberty's head and torch against a clear blue sky.

Camille mai New York City

Camille ruaiwa ana ririki ni maiu iai raoraona aika a rawata. "Te bwai ae I rangin tangiria iai raoraou aikai bwa a bane ni kakao-koro nako," e taku. "Bwa a roko man tabo aika a ka-kaokoro, ao a mwaiti aia anga aika a kakaokoro ni karaoi bwai." E tangiria Camille n reiakin bwai aika a raraoi mai-rouia raoraona aikai, ao e tangiria n tibwauai ma ngai. Te bwai ae tamaroa

ae e a tia n tibwauia ma raoraona bon te euangkerio. I mwin tibwauan taekan te onimaki na-kon raoraona ae Yailin, e kaoia ana utu raoraon Camille bwa a na kaitibo ma mitinare. Camille e reireina naba Yalin bwa e na kanga n tatato. Ngkai a kaaina te Ekaretia Yailin ma tinana.

Mamatennanou n te kuna are
"Ngai Natin te Atua" ao "Utu a Kona N Ikotaki n Aki Toki."
Mamatennanou ni koroboki aika a tabu bon Doctrine ao Covenants 19:23: "Ti riai n rereiaki mai roun Kristo, ni kakuongo nakon ana taeka, n nakonako n nimamannei i nanon Tamneina, ao ti na karekea te rau mai Rouna" (tara Doctrine ao Covenants 19:23). Te koroboki ae tabu aei e aki toki ni kaungai ngkana I nanokawaki.

E bwabetitoaki raoraou ae Yailin n 2011. I tangiria bwa ti na kaai n nako n taromauri. I buokia ni kamenanoa Taekan te Onimaki. Ti mwakuri i aon te karuaiwa n taekan te onimaki.





Tinau ma Tamau a bon roko man te Dominican Republic. Ao anne bukina ae mamatennanou n te amwarake bon te raiti ao te biin ma te moa. E kauringai bwa te tabo ra ae a roko mai iai au utu.



Bon niman aomata i nanon au utu. Tariu ae uarereke, Emily, e bwabetitoaki ao ni kamato-aki n Ritembwa. Mwaaneu ae uarereke Victor, e aranaki i mwin tamau. E tuai man reke au man ae I tatangiria, ma I iangoia ni kareakea au man te on. I tangiri taian oon ibukina bwa a rangin ni kanikan ao a rangi ni birimere, ai ngaia are a aki kona naba ni birinako.



I tangira karakinan Kaben Moronai n ana Boki Momon. E wareka rongorongona tamau n tain ara botaki n utu n te tairiki ao e kaunga nanou ni karaoa oin au buraeki. Au buraeki e kauringai bwa antai Ngai ao bwa te Tama are i Karawa e memena irarikiu n tainako.

ARA ITERANIBA



A reireinai au karo taikan te euangkerio ao a tia n riki bwa taian banna ni katoto nakou ngke l uarereke. I reiakinna ni wareki karaki man koroboki aika a tabu ibukia ataei, ao ngkai l a tangira ana Boki Momon. I warekia ni katoa bong, n ti ngai ma au utu. Amon bon au aomata ae l tatangiria n ana Boki Momon. Bon te mitinare ngaia ae korakora, are l tangiria ni kan riki n ai arona ngkana l a ikawai.

Esteban M., ana ririki 8, Colombia



Ngke a motirawa au utu i Panama, n aban tinau are e bungiaki iai, au karo a kaira nako tariu ae uarereke, Yhoalibeth, nako Panama City Panama Tembora. E kairira tinara bwa ti na ringa oon te tembora. I mwina, ngke l tuanga tinau aron kukureiu ngke ti roko n te tembora, e tuangai tinau bwa l a namakina te Tamnei ae Raioiroi.

Sergio B. Jr., ana ririki 7, Florida, USA



Pasha Z., ana ririki 9, Ukraine



Ngke Letícia C., ana ririki 6, bon 3 ana ririki ni maiu, ngke a taubobonga te Tembora ae Curitiba Brazil. E tangiria ni kan nako n te tembora, ao e nako ikekei ni katoabong ni kabanean wikin te tai ni kaneweaba. E teimatoa n tangira te nanako n te tembora ao n nakonako rinanon te onaroka aika tamara. Mamaten nanon nei Letícia bon te korotamei ao te uaua naba.



MOANRINAN: IRA IESU

Maurizio D., ana ririki 11, Italy, e tangira te botaki n toa ibukina bwa e reiakina taikan te Tama are i Karawa ao lesu Kristo. E tangiria ni kan nako n taromauri ibukina bwa e kaunga ao ni kakao-ngora ao n rangin tamara. E kukurei i nanon te Ekaretia ao e tiraua raoraona.



Ngke ti a katauraoiria ibukin katabwenanabantano te Tembora ae Tijuana Mexico, ti bon rangin kukurei. Ti nako n aron ae te utu ni karaoa ara mwakuri n ibuobuoki. Ti katiaka tinanikun te tembora. I ataia bwa te Uea e aki totoki ni kawara Ana Auti ngkana e a tia raoi.

Jesus S., ana ririki 6, Mexico



Bảng Khắc Bảng Vàng

Kamatebwaian koroboki aika a tabu e buokai n rinea te eti.

**"Bwatua ni Kora," ioun P. Tuyêt Hoa,
ana ririki 10, Cambodia**




I rinea te eti ngkana I ira te Tama are i Karawa ao lesu Kristo.

N. Thi LinĐa, ana ririki 8, Cambodia



I tangiria n nako n taromauri ma au utu ao n reiakina taean lesu Kristo. Ni mwengau I tangira te wareware ao n reiakina rongorongan koroboki aika a tabu, anenei kuna n taromauri, ao n takakaro n tain takakaro n tain botakin te utu n te tairiki. Te euangke-rio e kakabwaia au utu ao n anganai namakinan te kukurei. I a tia n anga ana Boki Momon nakoia taan reirei aika teniman ao nakon raoraou ae tangiraki, Miguel. Mamatennanou ni kuanan te Moanrinan bon "We'll Bring the World His Truth" (*Children's Songbook*, 172).

**Martim P., ana ririki 6,
Portugal**



Mamatennanou ni mwakoron ana Boki Momon bon rongorongan Nibwai ao te mwananga rinanon marawa.

Kelly C., ana ririki 10, Philippines



Ti kainnanoia ni kabaeaki n te tembora bwa ti aonga ni maeka n aron te utu n aki toki.

Shanna C., ana ririki 8, Philippines



Henrique S., ana ririki 7, Brazil

E Kakabwaiaia Ataei aika Uarereke Iesu

Iroun Jan Pinborough

Ana Maekatin te Ekaretia

Angina aomata a ikotaki irarikin
Iesu. A kan ongora irouna bwa
E karaki. A kan ongora Irouna
n anga reirei taikan karawa.





Ngkana a aoraki aomata, e kamaiuia Iesu. E kamaiuia aomata ake a aki noraba. E kamaiuia aomata ake a aki kona n ongo te taetae.



N te bong teuana iai tabeman a uotia natia aika a uarereke bwa a na nora Iesu. A tangiria bwa E na kakabwaiaki natia. Ana reirei Iesu a tuangia aomata bwa a na aki katabetabea Iesu. A iangoia bwa E rangin tabetabe.

E aki rangi n tabetabe
Iesu. E tuangia ana
reirei bwa a na
kanakoia ataei
nakoina. E taku bwa
abanuean karawa
aia bwai aomata ake
titebo nanoia ma
ataei aika a uarereke.



E tangiria ataei ni kabane Iesu. E aki kakawaki bwa antai ngkoe, aekakira tarakim, ke ko maeka ia. E tangiriko Iesu! ■

Mairoun Mareko 10:13–16.



E Kakabwaiaia Ataei aika Uarereke Iesu

“Ao E babakoi'a, ao E katoka baina i aoia, ao E taetae ni kakabaiaia” (Mareko 10:16).

ITUEA . . .

Iroun R. Val Johnson

Ana Maekatin te Ekaretia

Tarakin matan tinau e urua nanou. Te kaku-banako. Te bwarannano. Te nanokawaki. A rotaki matana aika uoua ike a rotaki iai ana namakin—te kamwaneaki.

I aki ongea reireinakiu irouna mang ngke te 15 te ririki ni karinea te Tama are i Karawa n te taetae ao n te mwakuri, I tei ikekei, ao I namakina te kairua n atonga te taeka ae aki riai.

I aki nanonna bwa N na tuea. I mwain te ririki anne, I tuai man kabonganai te taeka ae buakaka. Ma n te tiamwa anne I mwakuri ibukin ana tabo n Ika Utah ma ana tabo n Tararua ibukin Takakaro ao I kaewea te anua mairouia tabeman ataenimwaane ake I mwakuri ma ngaiā.

Oin ara mwakuri bwa ti na koroi taian uteute man iteran tain kawai. Ti waekoa ni baireia bwa *Arctium minus* bon te uteute ae buakaka. E rikirake ni mwaiti n tabo nako, ao e tiring aroka ake tabeua. E nimti bwai are e roko irarikina.

Tiabora ake i nanon baira, ti kabonganai ibukin kaitaraia ara kairiribai ni karokoa banen te tiamwa anne ni karokoa are ti a kua—ao taeka aika a bareka. N te moan tai I a kunea aron kakamarakin aia taetae raou ni mwakuri. Ngkanne I a butimwaea ni kaitara. N te kabane, I a kabonganai aia taetaebuaka. N tokin te tiamwa, e nim te taetaebuaka n au taeka n aron te aroka ma uena ae rabunaki ni burae-raen te kamea.

Ma e boni ngae n anne, ana kaeka tinau i bukin au taetaebuaka ae akea nanona, e ana nanou bwa I kainnanoa te bitaki.



*Te taetaebuaka
e nim ni matoa
kanga ai aron te
uteute ae mwawa
mani buraen te
kamea.*

E aki bebete. Te taetaebuaka tiaki te ri-nerine ibukin te taetae. Bon te banna naba ibukin te iango. Taian maroro ake ti butimwai nako nanon maiura, bon taeka ake ti wareki, ao tamnei ake ti nori a katikii ara iango. I reiakinna n te tai ae waekoa bwa I riai ni bita te bwai are I kaoa nako nanou ngkana I tangiria ni kan biti taeka ake I kabonganai.

Ma te kakaitau, I kakaonimaki ni kakaea te taromauri ao te tieminari. Te taetaebuaka e tiringi iango aika a rietata, ma ni mena n te tabo are I a taneiai nakon iango aika a raoiroi ni manga rangin kakorakorai riki. I kabanea au tai i aon warekan koroboki aika a tabu ni katoa bong ao n tataro. I kararoai man taian tamnei ao burokuraem man te terewition I iangoia bwa N na manga aki oki ni kabwarabwarai iango aika aki raraoi.

I iangoia ma te karaurau, I kunea bwa e a nakoraoi au taetae. N tokin te ririki, I a inao-mata man te anua n taetaebuaka.

Man te tai I reiakinaki taekan mwakan taian taeka. Taeka a kona ni karikibwai ke n urubwai iai. A kona ni kammaraki, ke ni kamarurung. A kona n uotia rikaki aomata, ke a kona n uniki kora ibukin te kantaninga ao te tangira.

I kunea kakaongorana bwa te Tia Kamai i bon irouna, te tia Karika karawa ma aonaaba, e kananonaki bwa te Taeka (tara Ioane 1:1–4; D&C 93:6–11).

I a tia n reiakinna bwa te tuea iai nanona ae raoroi iai ao nanona ae buakaka naba. Ti tuea bwa ti taekina te koaua n te bowi n te tua. Ti berita, ke ti tuea, bwa ti kawakin ana tua te Atua ngkana ti bwabetitoaki. Ni kaototongan anne, ti karaoi berita aika tabu ni kawakin ara ottenanti n te tembora bwa ti aonga ni karekei ana kakabwaia aika a korakora te Tama are i Karawa.

Ni kabaneana: Ti na riki n ai aron Taeka ngkana ara taeka a Karinea ao ni kaota Aron mimitongina. ■



KAMATAWA N TE KOROTAMNEI IROUN ROBERT T. BARRETT

DAVID O. MCKAY

David O. McKay rikirake i aon ana **oniman ana utu** i Huntsville, Utah. E tangiria maan ao e kawakinia **otи** rinanon maiuna. Ngke e karaoa ana mwakuri ni mitinare i Great Britain, e kunea te **taetae** are e a riki bwa ana moto: "Bwa antai ngkoe, karaoa raoi tabem." E okira Great Britain n te tai ae batia ni kata-bua te **London England Tembora** n 1958.



“T

*abera ngaira kaaro ao taan kairiiri,
ti kainanoaki bwa ti na buokiia
kairake tiaki n tii katauraoia ni
mwakuri n ibuobuoki ibukin te mwakuri
ni mitianare ae bwanin taina, are e na
bane i nanon tabeua namwakaina, ma a
ana karaoi ao ni kawakin naba berita aika
tabu n te tembora, n aki toki. A kona ni
wakinaki moan mwaneka i nanon roro n
ataei.” Taraa “Kairake ao Berita aika Tabu
n te Tembora,” iteraniba 18. Rongorongo ake
tabeua ao aei a kona ni buokiia membwa,
kairake ao ikawai n aekaiia nako, ni katau-
raoia raoi ao man tibwaua ao ni maiukina
te euangkerio.*

ANA EKARETIA
IESU KRISTO
IBUKIIA AIKA ITIAKI
NI BOONG AIKA KAITIRA